

WANTOK

Wan Wik, Septemba 14 - 22, 2004

NIUSPEPA BILONG OL PNG STRET

NAMBA 1574

K1 tasol

SPE SOL ISU BILONG 29TH INDEPENDENS

PES 3

Save i stap...

*Tasol ol lida mas
senisim pasin -
Philemon i tok*

Neville Choi i raitim

I GAT planti save manmeri i stap insait long kantri husat inap long strongim sindaun bilong ol pipel, tasol asua i stap wantaim ol lida husat i no save luksave long strong bilong dispela lain.

Dispela em i toktok bilong Tresera Bart Philemon taim em i glasim wokabaut bilong kantri long taim mipela i kisim independens long 1975 i kam inap nau.

Long wanpela kibung wantaim ol

nus ripota long Pot Mosbi long Mande long dispela wik, Mista Philemon i tok Papua Niugini i gat inap strong na save manmeri bilong kamapim gutpela sindaun bilong kantri, tasol sampela taim asua i stap wantaim ol lida husat i save tingting long laip bilong ol insait long politiks tasol.

Bikpela as bilong ol kain kain hevi i wok long kamap insait long kantri em i stap long tingting bilong planti memba bilong palamen husat i save wari tumas long laip bilong ol long politiks, na ol i no

save tingting tumas long laip bilong ol pipel.

Dispela kain politiks pasin, Mista Philemon i tok i save bagarapim tru tingting bilong ol wan wan memba bilong wanem ol i save olsem ol bai no inap stap long taim insait long politiks na ol i save lukluk long sait bilong ol yet na ol pipel nau i save kisim taim.

Mista Philemon i tok olsem long independens i kam inap nau, gro bilong ikonomi bilong kantri i no stap wankain. Long 10-pela yia

bihain long independens, ikonomi i bin gro strong. 20 yia bihain long independens, maket bilong wel na ol arapela samting olsem gol na kopa i bin stat na ol gavman long dispela taim i bin guria long mani i kam insait na ol i tromoi nating nating.

Long 1990 i kam nau em i taim we kantri i bin kisim bikpela bagarap bilong wanem mipela i no yusim gut mani i kam long ol risos olsem wel, gol na kopa.

Long sait bilong ol sosol indiketa o mak bilong strongim komyuniti long sait bilong helt na edukesen, long independens i kam inap tete, mipela i strongim sampela long dispela, tasol kantri inap long strongim i go moa yet.

"Bikpela askim nau em olsem wanem na mipela i gat ol bikpela risos na graun na ol savemanmeri na sindaun bilong planti long mipela i no orait yet? Mi yet mi lukim olsem i gat 4-pela bikpela as long ol hevi mipela i karim tete. Namba wan samting em ol gavman i wok long yusim moa mani moa long ol i kisim taim ol i save dinau mani tumas; i nogat strong long sait bilong yusim ol risos olsem graun, save bilong ol manmeri na mani mipela i gat; i nogat wanpela gavman i strongim politiks na stap inap 5 yia olgeta. Dispela i wok long bagarapim gutpela nem bilong politiks tu we nau ol politisen i save lukluk long politiks olsem wanpela rot bilong kisim mani kwik-taim; na tingting bilong ol pipel i olsem ol memba i kisim pawa long politiks long givim mani long ol na ol i nogat strong long kirapim wok bisnis ol yet o long stretim laip bilong ol yet," Mista Philemon i tok.

Em i tok long strongim kantri,


mipela olgeta i mas lukluk long ol asua bilong bipo na noken mekim gen.

Wok bilong yusim gut mani em i namba wan samting bilong stretim. Em i tok sapos dispela i kamap, mak bilong bekim dinau mani bilong gavman bai go daun, prais bilong kaikai bai go daun, bai i nogat planti dinau, ol bisnis lain bilong arapela kantri bai laik kam mekim bisnis long PNG, na bai i gat planti risos bilong putim mani long strongim sindaun bilong ol pipel.

Mista Philemon i tok strongim wok politiks em i bikpela samting we i mas kamap long strongim wok bilong gavman na givim helpim long ol pipel.

"Indipendens i karamapim planti samting. Astingting bilong em i soim olsem mipela i fri long makim rot bilong laip bilong mipela yet. Na tu, mipela i mas karim hevi bilong laip bilong mipela tu. Mipela olgeta i mas karim hevi bilong kantri, i no gavman tasol. Mipela olgeta i mas lukluk long wanem samting kantri i ken mekim bilong strongim developmen bilong mipela na wanem samting mipela i ken mekim long strongim developmen insait long kantri," Mista Philemon i tok.

Em i tok bipo taim kantri i kisim independens, planti manmeri bilong ol arapela kantri i bin tok olsem ol PNG manmeri i no inap holim ol bikpela wok olsem dokta na ronim ol bikpela balus olsem ol pailot. Tasol nau, ol save manmeri bilong PNG i stap na wok long ol arapela bikpela kantri. Dispela i soim olsem mipela i gat inap save i stap long mekim nem bilong yumi long arapela hap bilong wol.








Taim bilong winim mambu na singsing na amamas long 29 Independens De bilong Papua Niugini. Em wanpela festival bilong mambu na garamut long Is Sepik provins tupela wik i go pinis we ol pipel i soim tumbuna musik.

Photo Big Joe

Brian Bell's Exclusive Brand

INTEGRITY Radio Cassette Recorders
HOT PRICES ON QUALITY RCRS

NEW & AFFORDABLE

<p>Single Speaker Model: C-102 Blue 163014 K59.95</p> 	<p>Single Speaker Model: C-103 Green 163013 K59.95</p> 	<p>Single Speaker Model: C-106 Grey 163015 K59.95</p> 	<p>Twin Speaker Model: C-203 Blue 163016 K69.95</p> <p>YU KEN KISIM RADHO SIGNAL LONG OLGETA HAP</p> 	<p>Twin Speaker Model: C-202 Green 163017 K69.95</p> 
--	---	--	---	---

Brian Bell Shop with a friend

Radio Cassette Recorders • 4 Band(am/fm/sw1/sw2) • Auto Stop Mechanism • One Touch Recording
High Sensitivity Receiver • Soft Eject Cassette Door • Telescopic Antenna • AC/DC Operation

Available at all Brian Bell Stores & Authorised Dealers Nationwide

WHOLESALE & TRADE ENQUIRIES WELCOME

All prices include GST

BEST PRICE GUARANTEED BEST QUALITY

Polis Ripot

NCD:

POLIS insait long Nesenel Kapitel Distrik i bin holim pasim na sasim 6-pela Sainaman long ol i rong long kisim na opim wanpela kontena i gat ol haphap bilong hos res masin long en.

Bosman bilong ol polisman insait long NCD Tony Wagambie i tok 6-pela Sainaman ya i bin kisim kontena long Pot Mosbi wof na ol i wok long rausim ol hap hap hos res masin long Boroko taim ol Intenel revenyu Komisn opisa wantaim Kraim Skwat i painim ol.

Ol opisa i nekim wok painimaut long rot we dispela 6-pela man i bin abrusim ol atoriti long wof na rausim kontena.

Em i tok Foren Afeas na Geming Bot bai go insait long dispela wok painimaut.

NCD:

WANPELA yangpela manki i bin dai long Gerehu las wiken taim sampela manki i paitim em nogut bihain long wanpela tok kros.

Bosman bilong Polis insait long NCD Tony Wagambie i tok manki ya husat i gat 18 krismas i helpim mama bilong em taim em i kros wantaim ol neiba bilong ol long Gerehu paip i go long Vanuatu las Sarere.

Long wankain taim tu, wanpela man Enga bai kamap long ai bilong kot long em i rong long traim kesim wanpela ovasis sek.

Ol atoriti i tok dispela sekmani em i bilong ausait kantri na em bin laik kesim long palamen hap.

Lae:

POLIS long Lae i bin holim pasim na sasim olpela menesa bilong Lae paip kampani long stilim K90,900 bilong kampani, bosman bilong ol polis long Lae siti, Simon Kauba, i tok .

Em i tok man ya i i bin wokim rong na stil pasin namel long mun Julai na nau.

Em i tok man ya i bin yusim ol woklain bilong kampani long stilim ol 2,400 PVC Paip we kos bilong em inap long K90,000.

Em bin tok em i bin stretim toktok wantaim hatwe stua menesa na salim o i go long Vanuatu. Saspek bai i kamap long kot.

Ol Lahir papagraun kisim K1.6 milien dividen mani

OL PAPAGRAUN bilong Lahir Gol Main insait long Namatanai distrik long Nu Ailan provins i bin kisim namba wan dividen o winmani long dispela wik.

Manimak bilong winmani em K1.6 milien. Na dispela em namnba wan peimen ol papagraun i kisim bihain long main i kirapim wok long kamapim gol long yia 1996.

Dispela manimak em i hap long K3.2 milien em mak long olgeta winmani we Minerels Risos Developmen Koporesen o MRDC i mas peim i go long ol pipel bilong Lahir aninit long ikwiti tras.

Pastaim, ol bin yusim dividen pemen mani long bekim K40 milien dinau mani long Yuropien Yunien ol bin ksiim long baim ol seas long Lahir Maining Kampani. Tasol bihain long Integretet Bisnis Pekej i wokim rivyuu na dispela i go het yet, dividen peimen long ol papagraun i kamap gut.

Putim NAC aninit long Dipatmen bilong PM ...HIV/AIDS i wanpela nesenel disasta

Barbara Tomi i raitim

SINGAUT i go long nesenel gavman long tokaut olsem HIV/AIDS em i wanpela nesenel disasta na putim bikpela moa tingting, wok na mani long daunim dispela sik we i wok long kilim dai hariap planti pipel insait long kantri.

Singaut i bin kamap insait long tripela de bung Nesenel Developmen Forum em Konsaltetiv Implimentesen na Monitoring Komiti (CIMC) i go pas long en ria i bin pinis tude.

Forum i bin tokaut tu olsem bodi we gavman i kirapim long karimaut ol promosen wok aweanes long HIV/AIDS em Nesenel AIDS Kaunsil i mas nau kam aninit long Dipatmen bilong Praim Minista. Nau em i stap aninit long Nesenel Helt Dipatmen. Dispela ol senis i mas kamap long strongim tingting bilong ol lida i mas go pas long ol wok bikos sik i bagarapim planti pipel long PNG.

HIV/AIDS i no wanpela wari long sait bilong helt, tasol em i wari long sait bilong developmen.

Olsem na olgeta sekta na grup long gavman, praivet sekta, bisnis haus, sios, komyuniti na olgeta pipel i mas wok bung wantaim long daunim dispela sik bipo em i bagarapim nogut tru kantri na pipel.

CIMC i putim HIV/AIDS olsem top ajenda insait long dispela forum bikos em i wok long kamapim hevi insait long kantri long sosel welfea na developmen eria.

Ol spika i bin givim toktok long HIV/AIDS em Nick Plange husat i Knatri Kodineta long UNAIDS na Joe Anang husat i konsalten long HIV/AIDS wantaim UNICEF.

Mista Plange i tok HIV/AIDS i stap pionis long olgeta provins bilong PNG na ol i wari long nogut em i kamap bikpela long ol pipel insait long ol ruel hap. Long nau, mak bilong dispela sik i wok long kamap long ol yangpela we krismas bilong ol i stap namel long 15 na 49 yias em 17 pesen.

Na ruel hap em dispela hap we ol wokman i kam long na kirapim strong i wok long ol agrikalksa, fiseris, loging na maning developmen hap, em i tok.

Mista Plange i bilip olsem dispela em i wanpela bikpela hevi na ol i wari long hevi bai i go moa yet bikos ol woklain long ol dispela eria em ol yangpela namel long 19 na 29 krismas tasol em long dispela krismas grup we hevi long planti i salim ol yet long kisim mani na wokim bikhet pasin long slip nabaut wantaim planti patna i kamap bikpela.

Em i bin tok tu olsem i gat nid long ol

wanwan grup i wok bung wantaim na kari-akut strongpela aweanes wok.

Na em i wok bilong olgeta sekta insait long komyuniti long daunim na monitaim dispela wok i go gut, Mista Plange i tok.

Em i bin tok tu olsem i mas gat strongpela polisi long ol wokples na nesenel gavman i katim moa risos long soim olsem em i gat bikpela tingting long wok bilong daunim sik HIV/AIDS.

Ol narapela rekomendesen o strongpela toktok ol binb mekim em long: putim Provinsel AIDS Kaunsil aninit long opis bilong provinsel edministreta, givim inap mani long Nesenel AIDS Kaunsil na Seketeriet, ol arapela gavman dipatmen long putim HIV/AIDS progrem long baset alokesen bilong ol na olgeta mani i kam long ol dona i mas gat HIV/AIDS insait long ol.

Forum bai pinis tude i toktok tu long ol arapela samting olsem banis long sait bilong edministresen, rot na bris long ol ruel hap na ol arapela samting moa, pablik sekta rifom, trening na edukesen, dinau skim long ruel lain, agrikalksa, lo na oda na gavanens.

Em i bin harim tu ol ripot long ol sektorel komiti bilong CIMC na ol bung we ol bin hotim ol long ol wanwan rijon long dispela yia.

Ol bikman toktok long 10 yia edukesen plen

Veronica Hatutasi i raitim

WANPELA bung bilong olpela edukesen minista na seketeri i bin kamap long Pot Mosbi i bin glasim na skelim rot we edukesen o skol insait long kantri i go long en long helpim putim ol tingtign bilong ol wantaim long edukesen plen bilong kantri insait narapela 10-pela yia i kam.

Namba tu edukesen minista long kantri bihain long Papua Niugini i kisim Indipendens, Sir Barry Holloway, i go pas long komiti we i kamapim edukesen plen long 10-pela yia i kam wantaim namba wan nesenel edukesen minista, Ebia Olewale, na ol arapela biknem long edukesen pastaim olsem Paul Songo, Utula Samana, Dokta John Waiko, Gordon Mamis na ol arapela i bin stap

long dispela bung.

Taim ol bikman ya i bin tok amamas long wok bilong edukesen i go gut na sampela gutpela samting i kamap insait long las 28 yia, ol bin tok ol papamama, komyuniti na gavman i mas wok bung wantaim long sapatim edukesen na skol bilong ol pikinini.

Ol i bin tok tu olsem PNG i mas lukautim kalsa bikos dispela i givim ol aisentiti o luksave i narakain long ol arapela sosaiti na pipel. Antap tu long dispela, ol bin tok strong long yuniti na gutpela pasin.


"Mi sapatim toktok bilong ol arapela bikman tude. Taim yumi wokim edukesen plen long 10-pela yia i kam, i moabeta long luksave olsem wokim straksa na plen i nogat mining taim i nogat sumatin long

skulim.

"Ol tisa bai i nogat wok tu. Olsem na olgeta grup i mas pilaim pat bilong ol. Kalsa na tumbuna pasin i gutpela tasol noken mekim olsem em i bikpela samting tru na em bai kamapim hevi long yuniti bilong PNG.

"Bikpela salens em yumi mas gat pipel i gat gutpela pasin na luksave long wanpela arapela bikos taim yumi gat dispela, bai yumi stiaim gut kantri," Mista Samana husat i bin olpela gavana bilong Morobe na i bin holim tu planti bikpela wok long gavman olsem minista bilong edukesen, agrikalksa na ol arapela wok, i bin tok.

Kabinet bai glasim na skeim ol ripot bilong komiti na givim tok orait bilong em long plen long nek mun.



Wok painimaut go het long tripela gavman opis

I GAT ol wok painimaut i go het long sekim menesmen o wok mani bilong tripela gavman opis, Minista bilong Treseri, Bart Philemon i tokaut long Mande.

Mista Philemon i tok i gat wok painimaut i go het long Nesenel Piseris Atoriti (NFA), Nesenel Forestri Atoriti na Nesenel Hausing Komisin (NHC).

Em i mekim dispela toksave taim em i bekim ol askim i kam long ol nius ripota long hap mani inap long US\$ 30 milien we Esian Dvelopmen Beng (ADB) i bin laik givim long gavman bilong Papua Niugini long karimaut pablik sekta rifom program bilong em.

ADB i bin holim bek dispela mani bihain long i bin gat senis long ekting menesing dairekta posisen long stat bilong las yia insait long Nesenel Piseris Atoriti, em i tok.

ADB i no bin wanbel long dispela senis na i holim bek mani ya, em i tok.

Mista Philemon i tok dispela hap mani i no bin kam na mani we gavman i ting em bai kisim long praivetaisesen program bilong em i no bin kam, mani bilong baset long las yia i bin sot.

Dispela mani nau i no inap kam inap olgeta wok painimaut insait long fiseris na ol arapela gavman opis i pinis.

Em i tok em yet i no bilip olsem olgeta samting i stret insait long ol dispela dipatmen olsem na em i laikim ol opisa bilong mekim dispela wok painimaut gen.

"Mi yet mi no amamas long strong bilong wok bilong piseris, forestri na NHC. Ol dispela wok painimaut bai glasim mani menesmen bilong ol dispela gavman opis," Mista Philemon i tok.

Em i tok tu olsem em bai toksave long Nesenel Eksekutiv Kaunsil (NEC) long ol dispela wok painimaut long ol gavman opis na tokim ol olsem ADB i bin mekim gutpela wok taim em i lukautim fiseris.

Nogat mani bilong apim mak bilong distrik pe

MINISTA bilong Treseri, Bart Philemon, i tok i nogat mani bilong apim mani mak bilong wan wan distrik i go bek long K1 milien.

Em i mekim dispela toktok long bekim toktok bilong Nesenel Palamen Spika Jeffrey Nape husat i singaut long kisim bek dispela hap mani we wan wan memba i save kisim bilong kamapim developmen insait long distrik bilong ol.

Mista Nape i laikim bai dispela K1 milien bilong wan wan memba i stap insait long nesenel baset

o mani pien bilong 2005.

Dispela hap mani bilong ol distrik i bin stap bipo inap Wol Benk i pasim rot bilong dinau mani bilong PNG. Em i bin stap aninit long gavman bilong Sir Mekere Morauta, tasol taim Sir Michael Somare i kisim gavman, ol i rausim dispela mani.

Mista Philemon i tok olsem planti memba i wok long tok olsem i nogat inap developmen i kamap long distrik bilong ol.

Tasol i no hevi bilong nogat mani i stap bilong kamapim developmen. Em i tok hevi i stap wan-

taim ol memba na ol gavman opisa husat i save kisim dispela mani na paulim.

"Ol i laikim dispela mani long kam bek long karim developmen i go long ol distrik. Tasol i nogat wanpela samting i bagarap wantaim sistem.

"Asua i stap wantaim ol opisa husat i save kisim na paulim dispela hap mani. Na nau yet ol i laikim mipela long kisim bek dispela mani, i nogat mani i stap. Bai mipela painim K109 milien long we?"


"Sapos mipela i laik kisim i kam

bek, mipela bai i mas dinau mani long strongim baset. Sapos mipela i dinau mani, bai mipela i painim hat long bekim ol dinau na ol samting olsem helt na edukesen bai no inap kisim inap mani.

"I gat ol gutpela save manmeri i wok i stap long gavman.

"Mipela mas painim ol dispela lain na putim ol long ol ples we ol inap long yusim save bilong ol long kamapim developmen.

"Ol lida tu i mas tingim laip bilong ol pipel pastaim na ol i noken tingting long laip bilong ol yet long politik," Mista Philemon i tok.



YUMI kam painim namba 29 krismas bilong kantri bilong yumi nau. Olsem wanem, i gat ol samting mipela i ken amamas long en o nogat? Kantri bilong yumi i gat planti samting i stap we mipela i ken kisim mani long en long kamapim gutpela sindaun bilong ol pipel bilong mipela. Tasol long wanem as tru na spet buai i wok long bagarapim ples, pasin pamuk i wok long go bikpela namel long ol yangpela, hevi bilong sik HIV/AIDS i wok long go bikpela yet, na planti samting bilong kantri bilong yumi i wok long bagarap yet?

Ating long makim dispela namba 29 krismas bilong kantri yumi mas traim na senisim pasin liklik ah? Taim yu go baim buai long ol lain mama i save hait na salim long pablik ples, tingting long tromoi skin buai na spet long dram pipia. Na taim yu laik tromoi pipia nabaut, tingim - ol lain manmeri bilong ol arapela kantri i kam raun long ples bilong yumi bai ol i kisim wanem kain tingting tru long mipela?

SAPOS mipela i lukluk long ol kain samting olsem dispela resis long TV bilong painim naispela nek bilong singsing, mipela i ken amamas olsem wanpela rot i op nau bilong ol yangpela bilong soim strong bilong ol. I gat ol arapela samting tu i wok long kamap we mipela long PNG i ken soim strong bilong mipela. Olgeta manmeri nau i mas tingting long strongim kantri bilong yumi tete bilong kamapim gutpela sindaun bilong ol lain i kam bihain long mipela.

PNG em i yangpela kantri yet, tasol yumi i gat ol save manmeri bilong yumi yet. Ol dispela save manmeri inap long opim rot bilong lain husat bai kam long taim bihain. Nau em i taim bilong ol dispela yangpela save manmeri insait long kantri long sanap na opim rot bilong ol arapela. Mipela i winim olgeta arapela kantri insait long Pasifik long sait bilong bikpela bilong graun na ol samting i stap insait long graun. Namba bilong ol manmeri insait long kantri tu i winim bilong olgeta arapela kantri insait long Pasifik. Ol dispela samting em ol samting we mipela i mas strongim sapos mipela i laik stretim rot bilong bihain taim.

Tasol ol pikinini bilong mipela em ol lain bilong dai tru long harim musik bilong Makoma ya. Ol bai i gat sans long lukim Makoma i singsing tu o nogat? Nathalie Makoma i bin kam mekim toksave pinis long Players Music Lounge long Mosbi na planet Rock long Lae olsem ol susa brata bilong em bai i kam. Ol pikinini bilong em ol dai hat tru bilong Makoma ya. Tasol sori olsem bai Makoma i pilai long ol bikpela hotel tasol we ol pati pes lain bai go pulap.

Ritrensmen program bai go het yet

MINISTA bilong Treseri, Bart Philemon, i tokaut pinis olsem gavman i wok long toktok wantaim Wol Benk na ADB long go het yet wantaim ol pablik sekta rifom program wantaim helpim inap long K40 milien aninit long baset bilong go inap neks yia.

Em i tok samting olsem K9 milien i go pinis long ritrensim 155 wokman bilong Sivil Eviesen Atoriti (CAA).
Nau gavman i lukluk long ritrensmen program bilong makim 456 pablik seven insait long Woks Dipatmen na 360 kesuel wok manmeri tu.

Em i tok samting olsem K9 milien i go pinis long ritrensim 155 wokman bilong Sivil Eviesen Atoriti (CAA).

Nau gavman i lukluk long ritrensmen program bilong makim 456 pablik seven insait long Woks Dipatmen na 360 kesuel wok manmeri tu.

Ol dispela ritrensmen program we i wok long go

het nau em i tok gavman i laik pinisim long dispela

Gavman i lukluk long ritrensmen program bilong makim 456 pablik seven insait long Woks Dipatmen na 360 kesuel wok manmeri tu.

yia yet.

Neks yia bai gavman i lukluk long kamapim dispela ritrensmen program insait long Nesenel Hausing Komisin (NHC) we ol bai yusim K4 milien; K1 milien bilong Nesenel Museum na At Galeri na K1 milien bilong karimaut dispela program insait long Nesenel Kalsarel Komisin.

Amamasim Indipendens

...Ol skul pikinini bilong Word Strip Demonstresen Skul long Pot Mosbi i statim Independens amamas bilong skul long Tunde dispela wik. Ol pikinini i bilas tumbuna na singsing na danis tumbuna long makim dispela bikpela de bilong kantri.

Wankain bikpela amamas tu bai kantri i makim long Fonde 16 Septemba, 2004. Dispela em 29 Independens de bilong Papua Niugini.

Plantu skul i amamas de bilong ol long skul long Trinde aste. Foto: JOE IVAHARIA



Sik Bisop i kam bek long pipel

Wardman Ogamie i raitim

ANGLIKEN Daiosisi Bisop Oger Jepp i bin kam bek long Popondetta bihain long em i bin kisim wanpela bikpela operesen long lewa (heart) bilong em long Saint Vincent Haus Sik long Sydney, Australia.

Bishop Jepp i painim bikpela bagarap long lewa (heart) bilong em long hotpela ples na tu em i no isipela samting.

Operesen bilong em i bin stat

long mun Jun na em i bin wanpela bikpela operesen tru, operesen bin ron insait long 3 na 4-pela awa na em i bin orait stret.

Bihain long dispela bikpela operesen em i bin stap maloto long Engliken paris long Sidni sampela taim moa.

Em bai pilim orait stret bihain long 6-pela mun, tasol long nau yet em bai mekim liklik wok tasol na ino long bikpela wok tumas, em i bin tok.

Em bai go stap long Yunaited

Kingdom inap long sampela mun bihain bai kam bek long Popondetta na statim wok bilong em gen.

Long Popondetta amamas na wanbel pasin i stap, we i bungim ol manmeri olsem wanpela tasol.

Em i ting long bihain taim em bai wok bung wantaim na stretim administresen na stretim ron bilong mani taim em i hat.

"Pasin bilong nau, yumi mas go long lotu, wok bung wantaim na noken stap wan yumi yet."

Long taim bilong hevi, bilipim o nogat ol prea bilong ol manmeri bin wok stret.

Ol i tok welkam long em olsem wanpela papa, wantaim trupela Oro kaiva pasin wantaim liklik kaikai na buai long hamamasim bung bilong em, wantaim ol Angliken manmeri bilong Popondetta.

Long taim bilong amamas, taim bilong sori na hevi, yumi bai stap wantaim, Father James Gombera i bin tok.

Hap Hap Nius

Kavieng Ples Balus nogat lait

INAP long 29 lait i bagarap long mak we i no inap stretim long Kavieng Ples Balus we balus i save pundaun na kirap long en, wanpela ripot i bin tok long Mande.

Dispela i min olsem birua inap kamap long dispela bikpela ples balus long Nu Ailan provins.

Ples balus i stopim ol balus long kirap na pundaun long nait, Menesa bilong Kavieng Ples Balus, Michael Vitata i tok.

Ol raskol tu i wok long stilim ol samting long ples balus, em i tok.

Literesi strongim wok bilong kamapim gutpela sindaun

...Nesanel Edukesen Plen givim bikpela lukluk long literesi

Veronica Hatutasi i raitim

SAVE long rit na rait i bikpela samting long wok bilong kamapim gutpela sindaun long ol famili, ples, komyuniti na kantri wantaim wok bung i kamap long ol manmeri wantaim long kamapim dispela.

Minista bilong Edukesen, Michael Laimo, i bin wokim dispela toktok long pasim Nesanel Literesi Wik (NLW) long Buin, Saut Bogenvil, las Fraide.

Taim em i luksave long gutpela wokbung namel long ol man na meri long Bogenvil i as long kamapim gutpela sindaun long ailan, Mista Laimo i bin tok dispela wankain wok bung wantaim i ken helpim long daunim mak bilong no save long rit na rait na apim wok bilong literesi long provins.

Em i bin tok planti manmeri long provins i no save long rit na rait na em i wok bilong ol dispela i gat gutpela save pinis long dispela long skulim ol arapela

brata, susa na pikinini long lainim save long rit na rait.

"Literesi em i bikpela samting long kamapim wok developmen na em i wanpela wari bilong kantri. Mipela i mas wok bung wantaim long helpim moa pipel long kantri i lainim long rit na rait," Mista Laimo i tok.

Em i bin tok literesi em i wanpela prairiti o bikpela hap i stap insait long 10 yia Nesanel Edukesen Plen we dipatmen i kamapim long yia 2005 inap long 2014 na Nesanel Eksyutiv Kaunsil (NEC) bai tok oraitim long neks mun.

Mista Laimo i bin tok wanpela bikpela samting we dipatmen i laik kamapim tu insait long 10 yia plen em long givim sans long olgeta pikinini i skul na stap long skul long namba wan 9-pela yia na kisim save long rit na rait. Dispela em long elementeri prep i nap long Gret 8.

Em i bin tok dispela plen bai i gat ol rot long helpim kamapim tru dispela.

Nesanel na provinsel gavman i lukluk long givim moa pawa

...Is Nu Briten gavman kamap gut

NESENEL Eksekyutiv Kaunsil (NEC) na Is Nu Briten Provinsel Gavman i wok long toktok nau long provins i laikim moa pawa i kam long nesanel gavman long karimaut wok bilong em. Ol i kolim dispela long otonomi.

Dispela em wankain pawa we Bogenvil i laikim. Tasol Bogenvil i laikim politikel otonomi we i laikim bai em i kisim moa pawa long lukautim wok politiks, ikonomi na planti arapela hap moa taim Is Nu Briten i laikim ikonomik otonomi tasol.

Otonomi long Bogenvil i narakain bikos ol i laik bosim na lukautim ol yet taim kain otonomi we is Nu Briten i laikim em i no bilong bruk lus long Papua Niugini tasol long kisim moa pawa long karimaut ol wok mani, wok developmen na ol disisen long go hetim ol wok developmen long provins.

Nesanel na is provinsel gavman i bin lukluk long dispela tingting taim Praim Minista Sir Michael Somare na ol minista

bilong em i bin bung long Vunapope las mun.

Long dispela wik, Sir Michael i bin tok NEC na provinsel gavman i tok orait pinis long skruim ol toktok na wok long tingting bilong givim moa pawa i go long ol.

Em i tok bihainim NEC na Is Nu Briten Provinsel Eksekyutiv Kaunsil bung na tok-tok, gutpela wok long dispela i kamap na ol i tok orait long go het bikos em i bikpela samting long kantri. Na ol bai lukluk na glasim na skelim Ogenik Lo o Mama Lo long ol Provinsel na Lokel Level Gavman.

"Ol bai wokim dispela lukluk gen aninit long Mama Lo na Lo Rifom Komisn wantaim tingting long developim o kamapim wanpela nesanel polisi long givim ol provins moa otonomi o pawa. Gavman i glasim na skelim gut dispela samting bikos em i no samting bilong pilai wantaim na bai kamapim hevi olsem oposisen lida i tok," Sir Michael i tok.

Sir Michael i tok Is Nu Briten provins em i gat gutpela piksa bikos em i kamapim ol gutpela wok developmen na gutpela gava-nens long provinsel na lokel level gavman. Na long provinsel na distrik etmin-istresen insait long planti yia.

Em bin tok Is Nu Briten provins i givim strongpela toktok olsem yuniti bilong kantri i bikpela samting na em i no laik bagarapim dispela na em i luksave tu long Mama Lo bilong kantri. Tasol em i laikim moa pawa long ol politikel straksa we i karamapim mama lo bilong provins, fainens we i laik bosim rot bilong kisim, yusim na lukautim mani provins i kamapim na etministresen.

Sir Michael i bin tok komisn bai lukluk long ol hap we ol provins i laikim moa otonomi tasol long wankain taim tu, em bai glasim na skelim wantaim kos, i gat inap risos, mani, wokman na kibek long yuniti na Mama Lo.

Bogenvil go pas long opim na pasim Nesanel Literesi Wik

...Singaut long olgeta sapatim wok bilong literesi

Veronica Hatutasi i raitim

LITERESI o save long rit na rait em i save tu long lainim kaunim na ol laip skil we bai helpim wanwan manmeri i kamapim sampela senis na gutpela samting long laip bilong em. Na save long rit na rait long lainim na mekim samting yumi yet (self reliant) na noken askim long helpim olgeta taim long narapela. Na dispela em i bikpela samting bikos taim yumi save long rit na rait, bai mipela painim rot long kamapim gut laip na sindaun bilong yumi wanwan yet, famili, komyuniti na kantri.

Fes Asisten Seketeri bilong Edukesen Stendets, Damien Rapese, i bin wokim dispela toktok long opening bilong Nesanel Literesi Wik long Tinputz, Bogenvil.

Dipatmen bilong Edukesen i bin makim- Bogenvil olsem provins long opim na pasim Nesanel Literesi Wik long dispela yia.

Sampela bikman bilong dipatmen na literesi seksen, Nesanel Laibreri na ol lain i makim provins i bin stap insait long opening seremoni long Tinputz.

Mista Rapese i bin makim Seketeri bilong Edukesen, Peter Baki, long dispela opening bung long Tinputz.

Het tok bilong dispela yia em "Literacy Promotes Equality" o Save long rit na rait i promotim ikwaliti namel long ol manmeri.

Mista Rapese i bin tok kantri i laikim ol manmeri i serim ol save na tingting bilong ol na kamapim strongpela na helti famili, na ol menmeri i wok bung wantaim na wokim ol disisen na promotim ikwaliti.

Olsem na em i bin tok amamas long ol manmeri wantaim long Bogenvil husat i wok bung wantaim long kamapim gutpela sindaun bihain long hevi long ailan.

Em i bin tok long tredisenel sosaiti bilong Melanesia, ol man i save bos long wokim ol disisen na ol pikinini man i bin

kisim sans long go skul taim planti pikinini meri i stap bek long ples long helpim mampapa long wok.

Tasol em i bin tok yumi wok long senis nau taim planti

ol pipel long rit na rait.

Long Bogenvil, Nesanel Sensus long 2000 i soim olsem mak long 78.4 pesen bilong ol man i save long rit na rait taim mak bilong ol meri i stap long 75 pesen, em i tok.

Mista Rapese i tok dispela i sot long mak we mama Lo bilong kantri i singaut olsem olgeta man meri na pikinini long kantri i mas inapim yuni-vesel edukesen.

Em i tok antap longsave long rit na rait, em i bikpela samting long manmeri i gat save long namba bikos sapos yu gat liklik kentin o stua long ples, o yu groim na salim ol samting, yu mas save long kos, senis yu givim na lukautim ol buk.

Mista Rapese i bin tok literesi em i wari o samting we olgeta pipel i mas helpim na sapatim na olgeta pipel long Papua Niugini bai save long rit na rait.

Minista bilong Edukesen, Michael Laimo, i bin pasim NLW long Buin las Fraide.

"Kantri i laikim ol manmeri i serim ol save na tingting bilong ol na kamapim strongpela na helti famili, na ol menmeri i wok bung wantaim na wokim ol disisen."

pikinini meri i go long skul na ol i go insait long ol wok na hap bilong ol man.

Em i bin tok Nesanel Literesi Wik i promotim wankain sans long ol manmeri na long Bogenvil, dipatmen i laikim manmeri wantaim long helpim

BIABIA GO LONG PAINAPOL BILDING NA OL SEKIURITI PASIM EM LONG DUA



TARANGU SEKIURITI INO BILIP LIKLIK LONG EM



TASOL BIABIA I LES LONG SAINIM BUK NA GIAMANIM SEKIURITI YA...



TASOL BIABIA INO HARIM GUT NA EM BEKIM



Ol Tinputz pipel mekim Togel sief ...Em i gat wel developmen plen

Aloysius Laukai i raitim

MEMBA bilong Not Bogenvil long Palamen na Vais Minista bilong Intenel Sekyuriti, James Togel, i kamap olsem sief o bikman bilong ol Tinputz pipel nau.

Dispela i bihainbm wanpela seremoni i bin kamap long Tinputz las wik we ol sief na pipel bilong notwes Tinputz i bin bung long luksave long nupela sief bilong ol.

Mista Togel i bin wanpela ges spika tu long opening Nesanel Literesi Wik we ol bikman bilong Nesanel na Provinsel Edukesen Dipatmen i bin holim long Tinputz las Mande.

Taim em i tok orait long luksave bilong ol Tinputz pipel na kamapim em olsemn wanpela bikman bilong ol, em i bin tokim ol pipel olsem Bogenvil i stap insait long nupela taim we ol i laikim wok kamap na ol arapela sevis olsem rot, bris na ol helt na edukesen sevis.

"Pis o gutpela sindaun i min olsem wok i mas kamap (developmen), literesi i min olsem developmen, edukesen em i rot bilong kamapim developmen.

"Edukesen long mekim ol pipel i kisim pawa, skul long laip, man na meri i sanap long wankain mak na olgeta dispela samting."



James Togel long dispela bung. Foto: ALOYSIUS LAUKAI

Mista Togel i bin tokim ol pipel long bung.

Em i bin tokim ol pipel bilong Tinputz olsem em i gat plen long ol wok developmen em i laik kamapim insait long distrik na em bai tokaut long ol plen taim em i redi.

Pablik les long strit maket long Lae siti

PASIN bilong salim buai na lus smok na ol kainkain samting i stap pinis long olgeta taun na siti olsem Lae, Mosbi, Hagen, Goroka, Madang na arapela moa insait long kantri. Man bilong salim ol samting long pablik ples long taun arere long ol bikpela soping senta o stua i wok long kamap bikpela tru nau yet we planti ol i save manmeri na ol gutpela pablik i no wanbel long dispela pasin bilong salim samting long pablik ples we ol i save askim ol man long baim dispela samting bilong ol.

I gat planti save manmeri, yangpela long Lae siti i bin komplein na kros pait agensim ol dispela ol strit maket lain long Lae pablik ples long 3-pela mun i go pinis we wanpela bikman na lokel bisnisman bilong Hagen Joseph Ruing i tromoi toktok bilong em i tokim long dispela.

Em i tokim *Wantok Niuspepa* olsem, planti bilong mipela ol pablik manmeri long Lae siti mipela i wok long paol yet long dispela pasin i wok long kamap. Hau bai ol i stopim dispela pasin bilong

salim samting save kamap long olgeta hap kona bilong siti bilong Papua Niugini.

Mista Joseph Ruing i tok, dispela ol samting ol i save salim long pablik olsem, poket

"Ating ol dispela strit maket i save stilim ol dispela samting long ol stua na salim gen long pablik ples o olsem wanem?" Ol pik poket tu i save mekim na pretim ol ples lain i go bek long ples."

naip, kom, siot, trausis, beg, soks, su, ambrela, simuk, ges laita, hanwats, buk, pen na planti kain kain samting insait long ol stua olsem supamakot, soping senta na ol Saina stoa ol i save salim ol dispela samting insait long stoa bilong ol.

Na bai yumi kastoma save i go long taun long baim stret long stoa tasol bai ol dispela ol strit maket i save kisim ol dispela samting long wanem hap na salim stret long ai bilong ol dispela bikpela supamakot stua i sanap na i lukluk i stap, em i tok.

Em i tokim *Wantok Niuspepa* olsem, ating ol dispela strit maket i save stilim ol dispela samting long ol stua na salim gen long pablik ples o olsem wanem, em askim.

Em i tok, em i save paol nogut tru yet long dispela ol rot maket we em i save belhat long ol i kam pulap long provins na siti bilong ol arapela lain na bagarapim ples. Mi Hailans man save sem tu bikos dispela ol strit maket em oi Hailans lain, ol i save salim samting long strit bilong siti na arere long ol rot bilong wokabout na wokim planti pipia na spet buai long ples i save luk nogut tru long taun.

Mista Joseph Ruing i tok, ol gavman bilong Morobe provins na Lae Siti Atoriti Kaunsel olsem lod meya o husat ol i makim ol i kamap siti

menesa bilong lukautim siti o taun ol i mas lukluk nau long strit na siti bilong Lae na ol i mas rausim ol strit maket na buai maket long siti bilong wanem ol i save bagarapim gutpela taun bilong Lae siti.

Em i tok, ol i mas kamapim wanpela gutpela polis fos skwad olsem klinim siti tas fos we i mas wok hat bai yumi lukim sampela senis bai kamap we maket pasin na pik poket na salim buai long taun eria bai klin na bai luk nais.

Joseph i tok, ol i mas mekim samting nau long stopim rot maket bikos ol i nogat tok orait pepa na ol i nogat treding rejistresen setifiket long pablik ples long salim ol samting.

Ripot i tok, dispela ol samting ol bikpela stua na supamakot ol i gat strongpela laisens bilong treding na tok orait long kamapim stoa long ol i salim samting.

Kain pasin bilong strit maket ol i salim samting na pik poket tu ol dispela wankain lain i save mekim na pretim ol ples lain i kam maket long taun na i laik go bek long ples.

Ol Kristen long Lae i no wanbel long Makoma i pilai long Planet Rock

Yowakice Buafec i raitim

PLANTI manmeri, pikinini na yangpela long Lae long Morobe provins we planti bilong ol Kristen, i no amamas long dispela gutpela lain Makoma gospel musik ben i pilai long Lae Planet Rock.

Dispela em long wanem em i ples bilong pilai laki, dring bia, danis na kainkain pasin save kamap long dispela hap.

Planet Rock tu em i no wanpela bikpela haus we bai i gat spes long olgeta manmeri i ken lukim laip konset bilong totu we bai planti man bai painim hat yet long dispela taim, ol i tok.

Planti ol lain sios long Lae siti i tok, dispela ol lain ol i no pilai pilai lain bilong yumi na bai yumi yusim ol long kain hotel bilong dring bia na danis wantaim kainkain pasin save kamap long en long ol i pilai.

Dispela lain ol i

spesol Kristen famili memba we Papa God long heven i bin blesim ol wantaim gutpela save long stail danis na nek bilong singsing we planti mipela ol manmeri na yangpela mipela save laikim ol we em i no laip ben konset, bai ol i pilai long Planet Rock.

Ripot *Wantok Niuspepa* i kisim long Sande apinun olsem, Planet Rock em i no gutpela ples we yupela bai putim dispela singsing lotu o gospel insait long en ol i tok.

Ol inap long putim dispela ol lain long stadiem o Eriku Oval we bai planti pipel i gat sans long lukim laip konset bilong Nathalie Makoma.

Dispela pasin i mas stop na i no ken kamap moa bihain taim ol lain long arapela kantri i kamap long PNG long soim yumi sampela senis i wok long kamap long wol na kantri bilong yumi, ol dispela manmeri i tok.

Madang grup bai kot long Ramu Nickel Main

OWOZA Len Grup bilong Madang i laik kisim gavman, Dipatmen bilong Mains na Highlands Pacific Ltd i go long kot long i no luksave long ol olsem papa tru bilong graun we Ramu Nickel Kobalt projek i stap long en.

Owoza i laik kotim Dipatmen bilong Mains long bikpela as olsem dipatmen i wok long abrusim ol na i no singautim ol long stap insait long ol bung na toktok bilong projek.

Siaman bilong grup Walter Baie Parau i tok dipatmen i bin abrus tru long bihainim toktok bilong Atoni Jenerel long luksave long ol na putim ol olsem papagraun tru bilong dispela projek.

Em i tok Atoni Jenerel i luksave olsem ol i gat olgeta pepa long soim olsem ol i papagraun tru bilong dispela hap projek i stap long en na i askim long Owoza i mas stap insait long ol toktok na ol MOA we i kamap.

Mista Parau i tok ol i luksave olsem

olgeta pepa wok ol i sainim long Beijing dispela yia namel long ol kampani bilong mekim wok long projek na gavman we i nogat wanpela luksave long ol olsem papagraun long stap insait tu.

Siaman i tok Owoza i soim klia nau olsem ol i namba wan klen insait long ol risos eria long Papua Niugini long kisim Kastomeri Len Taitol long Spesol Maining Lis. Olsem na Agrikalsa na Bisnis lis we i stap long posen 19c milinch bilong Sepu & Fomil of Ramu i karamapim eria mak long 1,700 hectare we i stap stret ong senta bilong Spesol Maining Lis.

Olsem na em i tok wanem stadi bilong papagraun we kampani i kamapim long bipo i krangki tru long i no glasim gut na mekim klia.

Mista Parau i tok Owoza bai soim tru olgeta pepa na rekot bilong em long kot long soim olsem em i papagraun tru bilong Ramu Nickel na Kobalt main. Ol rekot bai soim Nesenel Kot disisen 2001

na ripot bilong namba wan waitman i kamap long hap, Katolik Sios, Australia Koloniel Edministresen, medikel na nesenel populesen senses ripot bilong 2002.

Em i tok ol i putim aut Lis Taitel bilong ol long nesenel gavman gaset na ol niuspepa long Dipatmen bilong Mains na kampani long egensim.

Tasol i nogat lain i egensim na taim bilong em bihainim lo long egensim i abrus pinis, em i tok.

Mipela i laikim kot long tokaut olsem mipela i papagraun tru bikos mipela i gat olgeta pepa na rekot bilong soim mipela i papa tru bilong Ramu main, Mista Parau i tok.

Mipela i no laik bagarapim wok bilong maining bikos mipela i save olsem dispela maining em bikpela samting tru long kantri na ol pipel bilong Madang, em i tok.

Mipela i laikim tasol stretpela pasin we i gutpela long mipela, siaman i tok.

Dai na bagarap kamap long Mumeng Haiwe

Wanpela bikpela birua i bin kamap long Wau Bulolo Haiwe long dispela wik we wanpela PMV ka i bam wantaim wanpela bikpela trak. Dispela birua i lukim planti manmeri mak olsem 40 i kisim bagarap na 10-pela i dai klostu long Timini Bris long Mumeng.

Dispela em wanpela bikpela birua tru long haiwe long lukim planti manmeri i kisim bagarap na lusim laip bilong ol long haiwe.

Ripot i tok olsem planti bilong ol lain long dispela pmv em long hap bilong Bulolo na Wau na wanpela o tupela i bilong Mumeng sait. Tasol ol i wetim yet ripot long luksave long ol i bilong wanem wanem ples stret.

Long narapela nius tupela man kisim bagarap long Finsafen. Long tupela wik i go pinis long Finsafen hap long ples Ziewaneng na Wenggunenamel long Sattelberg Kotte hap i bin gat bikpela pait i kamap namel long ol na ol stilman bilong Lae siti.

Pait ya i bin kamap bikpela tru long Ziewaneng we sindaun na wokabout bilong papamama i stop nau long Finsafen bikos tupela bilong dispela ol trabol man lusim laip bilong ol pinis.

Ripot i kam long *Wantok Niuspepa* olsem ol dispela lain em ol stritman bilong Lae siti na ol i bin kisim bikpela bagarap tru long han bilong ol ples lain long las wik i go pinis.

Papua New Guinea take your mark..... GET SET

GO FOR GOLD

...with the Service Champions

Buy a New Toyota and Receive... **2** Years **FREE SERVICE***

TOYOTA Ela Motors

SAVE THOUSANDS OF KINA

Hurry, Offer Applies to first 100 New Toyota vehicles Sold in September.

*OFFER EXCLUDES RENTAL, GOVT. & TENDER VEHICLES. APPLIES TO VEHICLES ORDERED & DELIVERED IN SEPT. '04. 6 LOGBOOK SERVICES 30,000 KMS WITHIN 2 YEARS / 24 MONTHS

Nape laikim K1 milien long wanwan memba

SPIKA bilong Nesenel Palamen Jeffery Nape i askim nesenel gavman long kamapim gen dispela K1 milien Distrik Developmen Progam we wanwan memba i save kisim bilong ilektoret bilong ol.

Mista Nape i tok dispela mani em ol memba i mas kisim bikipela nau yet ol i painim hat tru long helpim gut ol wok na projek long ilektoret bilong ol wanwan. Na sapos ol i kisim dispela mani em inap mekim isi long ol helpim sampela projek na ol wok insait long ilek-

toret bilong ol.

Olpela gavman bilong Sir Mekere Morauta i bin kamapim dispela DDP mani we wanwan memba bilong ol open ilektoret i mas kisim K1 milien long helpim ol wok long ples bilong ol. Tasol Somare gavman i kamap na stopim dispela program bikos em i ting kantri i wok long lusim bikipela mani nating nating na mani i sot na strong bilong mani i pundaun.

Mista Nape em memba bilong Simbu provins na em i bin namba tu Spika inap em i

kamap Spika bilong Nesenel Palamen nau.

Gavman bilong Somare i larim ol memba i bin kisim K500,000 na i no moa K1 milien olsem pastaim.

Dispela toktok bilong Mista Nape inap kisim sapot bilong planti memba bilong palamen husat tu i bin singaut long dis-

pela mani long i mas go long ol memba.

Em i askim sapos gavman i ken lukluk gen na kisim bek dispela DDP mani na putim insait long baset bilong 2005 long lukim ol memba i ken mekim wok long ilektoret bilong ol wanwan insait long kantri.

Gavman bilong Somare i larim ol memba i bin kisim K500,000 na i no moa K1 milien olsem pastaim. Dispela em i olsem Somare gavman i katim dispela mani mak i kam daun long hap.

Kot stopim K1.36 milien peimen

NESENEL Kot long Hagen i stopim wanpela bung bilong peim K1.36 milein i go long wanpela loya bihain long ol loya bilong gavman i salensim dispela long kot.

Wanpela loya long Hailans, Simon Norum, i kotim gavman bikos em i sanap strong olsem wanpela polisman nem bilong em Michael Kurma i bin bagarapim nem bilong em we em polisman ya i tokim ol pipel na polisman long Minj olsem em i bin paulim K305,000 olsem na ol bai askim em long peim bek.

Na tu em i tok polisman ya i go het na tok em i bin kisim planti mani nating long ol manmeri husat i laikim loya. Olsem na kot bai askim em long bekim bek ol dispela mani.

Ripot i tok dispela loya, Mista Norum, i tok dispela toktok i bagarapim tru nem na wok bilong em na i lusim planti manmeri we bisnis bilong em i wok long sot long ol kastoma.

Dispela salens bilong loya i stat wantaim K10 milien tasol tasol bihain em i askim opis bilong Solisita Jenerel we ol i daunim i kam daun long K1.355 milien.

Jas Gibbs Salika i rausim dispela kot bikos em i lukim olsem loya ya i no givim notis long stet long dispela kot bilong em.

Man kalabus 25 yia long kilim kandre brata

KOT i salim wanpela man long kisim 25 yia kalabus long kilim kandre brata bilong em long kros bilong graun.

baim kompensesen na mekim ol arapela samting long trabel bilong em.

Tasol Jas i tok laip

Jastis Ambeng Kandakasi i tokaut olsem Sinzai Karawa bilong Marakawa long lsten Hailans provins i asua long kilim dispela brata bilong em long Julai 22 long las yia olsem na em bai kalabus 25 krismas long banis kalabus.

Jas Kandakasi i tok em i glasim olgeta ripot na ol stori bihainim dispela birua na em i kamap wantaim tingting olsem 25 krismas em inap long sas bilong birua dispela man i kamapim.

Mi save olsem yu kilim dispela brata bilong yu long taim we em i bagarapim bel

Kot i harim olsem Karawa i kilim kandre brata bilong em we em i katim em long naip tupela taim olgeta.

bilong man em bikipela samting tru na i no isi long baim long mani o skelim wantaim wanpela samting bilong dispela graun.

Na ol dispela samting i no inap senisim laip bilong man i dai taim olgeta kompensesen na bel isi i kamap na pinis, em i tok.

Kot i harim olsem Karawa i kilim kandre brata bilong em we em i katim em long naip tupela taim olgeta we i pinisim laip bilong em stret.

Meri bilong man i dai ya i kotim dispela tambu bilong em na tokaut long kot long dai bilong man bilong em we Karawa i mekim.

Em i tok bikman ya i katim het bilong em pastaim long naip na taim em i slip long graun yet em i katim gen long baksait bilong em.

Jas Kandakasi i tok em i no painim wanpela toktok i abrus o asua long ol toktok bilong meri bilong dai man ya.

Olsem na em i luk-save olsem olgeta dispela toktok bilong dispela meri i bin tru long wanem samting i kamap.

"Sapos brata bilong yu i no bin kisim graun bilong yu na mekim gaden long en, bai dispela birua i no inap kamap we dai tu i no inap kamap."

bilong yu we yu kilim em long rot we i no bihainim lo, em i tok.

Sapos brata bilong yu i no bin kisim graun bilong yu na mekim gaden long en, bai dispela birua i no inap kamap we dai tu i no inap kamap.

Jas Kandakasi i luk-save long toktok bilong man ya olsem em bai

Limitet Preferensel Voting em i niupela wei bilong vot long Nesenel Paliamen lleksen.

Nau yu mas vot long Namba 1, Namba 2 na Namba 3 kendidet yu laikim.



Sample

BALLOT PAPER - NATIONAL ELECTIONS
Lincoln Valley Open Electorate

Vot Olsem:

- VOT WANTAIM DISPELA BALOT PEPA NA RAITIM 1, 2 NA 3 LONG BOKS BILONG NAMBA 1, NAMBA 2 NA NAMBA 3 KENDIDET YU LAIKIM.
- RAITIM TASOL 1, 2 NA 3. NOKEN RAITIM OL NARAPELA NAMBA O RAITIM TASOL 1 O RAITIM TASOL 2 NA 3.
- NOKEN PUTIM OL NARAPELA MAK LONG DISPELA PEPA.

2		3
		1

BALLOT PAPER - NATIONAL ELECTIONS
Lincoln Valley Open Electorate

- Raitim 1 long boks bilong Namba 1 kendidet yu laikim.
- Raitim 2 long boks bilong Namba 2 kendidet yu laikim.
- Raitim 3 long boks bilong Namba 3 kendidet yu laikim.



Dadaya i tokaut long hevi bilong san long Western

Joe Ivaharia i raitim

GAVANA bilong Western provins Dokta Bob Danaya i mekim wanpela tok singaut i go long ol oganaisesen, ol bisnis haus na provinsel administresen bilong en long provins long kamapim sampela wok lukaut long taim nogut bilong san we bai i kamap klostu long sampela hap bilong kantri.

Em i mekim dispela singaut bihain long wanpela toksave i bin kam long Nesenel Weda Sevis opis we i bin tokaut olsem Western provins bai i kisim taim nogut long bagarap bilong san o drai sisen.

Dispela taim nogut bilong san bai i stap moa long tripela mun na olgeta pipel long provins i mas kisim tok klia na luksave long wanem ol samting ol i mas redim long bungim dispela hevi, Dokta Danaya i tok.

Em i tok tu long provinsel administresen bilong provins long wok bung wantaim ol arapela gavman ejensi na dipatmen long mekim sampela wok aweanes na toksave i go insait long ol viles na distrik bilong provins long tokaut long ol pipol long dispela hevi.

Kain ol ejensi olsem Nesenel Disasta na Emejensi Sevis, Paia Sevis, Sivil Aviesen na Dipatmen bilong Agrikalsa na Helt i mas kam mekim sampela wok painimaut long ol hap long provins husat tru bai i kisim bikpela bagarap long eria bilong ol we inap long Fly Riva Provinsel Gavman bai i ken givim ol helpim igo long dispela ol eria.

Wankain tu Dokta Danaya i askim ol bis-

nis haus husat i wok i stap insait long provins olsem Ok Tedi na Rimbunan Hijau na ol arapela long givim ol sapat i go long provinsel gavman na ol ejensis long kamapim gutpela wok aweanes long ol komyuniti long wanwan hap bilong provins.

Long yia 1997/98 wankain bikpela bagarap bilong san i

Dokta Danaya i laik olsem ol pipel bilong em i mas kisim kain toksave na tok klia long stretim na redim ol yet bipo long dispela birua i kamap.

bin kamap long kantri we i no bin gat ren na ol riva i stap drai. I no bin gat kaikai long ol gaden na nogat gutpela wara long dring we planti pipol i bin sik nogut na sampela i bin dai tu.

Wankain tu long ol enimol olsem pik, dok, pisin na ol binatang tu we ol i painim hat tru long stap.

Planti ol bus paia tu i bin kirap na long wanem ples i bin drai tumas.

Dokta Danaya i laik olsem ol pipel bilong em i mas kisim kain toksave na tok klia long stretim na redim ol yet bipo long dispela birua i kamap.

Em i tok provinsel gavman bai mekim wanpela ripot bihain long ol i kisim olgeta infomesen we ol bai makim sampela mani i go long statim wok redi long lukaut long dispela bikpela birua.



Natamboli

Natalie Makoma bilong biknem ben bilong Afrika, Makoma, i singim wanpela singsing bilong em "Natamboli" we i hot tru long PNG taim em i bin raun i go long Sen Peter Sanel Praimeri Skul long Nesenel Kapitel Distrik long toksave long sik HIV/AIDS na tokim ol manmeri long stap klia long was gut long dispela sik.

Ol sumatin na ol papamama na ol arapela manmeri husat i bin stap long dispela taim i bin amamas long harim toktok bilong em tasol i bin kisim sampela gutpela toksave long sik HIV/AIDS. Foto: VERONICA HATUTASI

St Peter Sanel lonsim Helt Promosen Progrem

Veronica Hatutasi i raitim

WANTAIM ol kain hevi i wok long kamap long sait bilong helt, gutpela haijin na stap long ples i klinpela, sosel, gutpela pasin, lo na oda, luksave i wok long kamap klia olsem i moabeta long mekim samting long saunim ol dispela hevi long daunbilo level o mak olsem long ol famili, komyuniti, skul na go antap.

Na i gutpela long lainim ol pikinini taim ol i liklik na yangpela yet long ol gutpela na helti pasin we bai lukautim envaironmen na helt bilong ol na ol arapela moa.

Ol Dipatmen bilong Helt na Edukesen nau i wok long ol skul insait long kantri long promotim "Healthy Living na Health Islands Concept" o ol pipel insait long ol ailan long Pasifik long bihainim gutpela na helti rot na ol bai stap gut.

Aninit long dispela progrem, St Peter Chanel Praimeri Skul insait long Nesenel Kapitel

Distrik (NCD) i bin lonsim Helt Promosen sainbot las Fraide, long kamap olsem wanpela skul bai bihainim na promotim gutpela helt.

Na dispela bai kamap taim skul yet i promotim helti envaironmen long skul.

I kam inap nau, 38 praimeri skul, 8-pela Hai skul na 5-pela vokesenel skul insait long kantri i go insait long progrem bilong ol skul i promotim helti living na envaironmen.

Caritas Gels Teknikel Skul long Pot Mosbi em inapim ol samting we dispela progrem i laikim bai kamapim na em i skruim ol wok i go het long gat nem olsem helt promosen skul. Ol narapela skul i stap long lista na taim ol inapim ol rikwaiamen, ol bai dikterim o tokaut long ol olsem Helt promosen skul.

Orait, long skul i kwalifai o kisim luksave olsem helt promosen skul, ol sumatin na ol tisa i mas kaikaim ol gutpela kaikai, bihainim gutpela haijin,

envaironmen o ples i raunim skul eria i mas klin na nogat pipia long en, i gat ol diwai na flawa long mekim skul i luk nais na skul i mas kariamut aweanes long gutpela helt long skul eria na ples. Wok aweanes i sut long skul graun i mas gat ol diwai we bai kamapim gutpela ples bilong malolo aninit long en, nogat alkohol o strongpela dring, spakbrus long skul, noken kaikai buai na dispela em ol tisa na sumatin i mas bihainim, klinpela wara bilong dring na nogat pipia long skul eria,

Hetmistres bilong skul Carmel Torombie i bin tok dispelas lons em i sta bilong longpela wokabaut na ol tisa, ol sumatin na papamama i ams wok bung wantaim long inapim driman long skul i kamap olsem tru tru helt promosen skul.

Dairekta bilong Nesenel Helt Promosen wantaim Helt Dipatmen, Lindsey Tasim, i tok lonsing i mekim skul i wanpela helt promosen skul,

em bin tok progrem bai skulim ol sumatin long mekim ol gutpela na seif helti sois, skruim gut rot bilong lainim long mekim ol skul wok na long wankain taim tu, ol tisa na suamatin bai gat gutpela wokbung na luksave namel long ol long mekim skul envaironmen, helt na rot bilong lainim i kamap gutpela moa.

"Ol sumatin i mas kaikai gutpela balens kaikai, wokim eksasais, harim tok bilong ol papamama na tisa na skruim ol gutpela toksave bilong helt i go long ol poroman.

"Bihainim gutpela helti rot na stap long en em i gutpela long bihainim taim.

"Gutpela helt i mas gro long haus, skul na long wan wan sumatin.

"Na mi bilip olsem lonsing i kamapim salens long yupela long bihainim na promotim ol gutpela helti rot bilong stap bai sindaun bilong yupela i ken gutpela," Mista Piliwas i tok.

Dispela i gutpela tingting.

Cat® 428D Backhoe Loader

Raising the standards for performance, versatility operator comfort.

More than a machine. A Partner.

The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Hastings Deering

Servicing Papua New Guinea Since 1949

<p>PORT MORESBY Phone: 300 8300 Fax: 325 0141</p>	<p>LAE Phone: 472 2355 Fax: 472 1477</p>	<p>TABUBIL Phone: 548 9045 Fax: 548 9155</p>	<p>RABAUL Phone: 982 1244 Fax: 982 1129</p>
--	---	---	--

AusAID givim K6.6 milien long nupela projek

....Bikpela tingting long helpim meri trening

Veronica Hatutasi i raitim

WANPELA nupela projek long skruim save we Australia i putim K6.6milien long en bai helpim gut ol meri i kisim trening na save na ol i ken go insait long ol wok developmen long kantri.

Long las wik, wik, ol bin lonsim PNG Okupeseneel Skills na Stendet Projek (POSSP). Bikpela samting we dispela projek bai kamapim em long givim trening long ol kain kain rot we ol manmeri i ken kisim save na wok fos i gat ol savelain long inapim nits o laik bilong ol (industri) na komyuniti.

AusAID i bin givim K6.6 milien na PNG gavman i givim K330,000 long go ehtim dispela projek long tupela yia.

Bosman bilong AusAID long PNG em John Davidson i bin tok wankain projek we AusAID i bin sapoitim wantaim K40 milien i bin helpim trening

bilong ol man na nogat tumas long ol meri. Olsem na long nau projek, ol i laikim bai em i mas helpim gut ol meri long sait bilong trening.

"Dispela projek i lukiuk long go insait long ol eria ol i makim ol we bai givim moa sans long ol meri i go insait.

Em long ol eria olsem hospitaly, turisim, bisnis sevis na agrikalsa," Mista Davidson i tok.

Dispela projek bai sapoitim Neseneel Aprentis na Tred Testing Bot Seketeriet na ol arapela non tred wok na non fomol sekta. Dispela manimak em i hap bilong

K700milien helpim we Australia i save givim olgeta yia long PNG long sapoitim ol wok developmen.

Dispela em bikpela hap mani tru Australia i save givim long PNG na i winim ol arapela helpim i go long ol arapela kantri long wol.

Profeseneel na Bisnis Wimen's Klab helpim gut planti yangpela skul meri

WANPELA bung i bin kamap long las mun long Ela-Mari Inteneseneel Skul long Mosbi we ol meri i bin bung na amamas wantaim.

Bisnis na Profeseneel Wimen's Klab BPWC) bilong Pot Mosbi em i wanpela ogenaisesen we i strongim wok long helpim na sapoitim ol yangpela skul meri husat i gat hevi long mani i sot i go long skul.

Klab em i winim 22 kris-mas pinis bihain long ol bin statim long yia 1982. Em i han bilong Inteneseneel

BPWC. Han bilong Pot Mosbi BPWC i gat 50 meri i memba long en.

Ol i gat miks grup bilong ol meri PNG na ovasis. Olgeta Sarere, ol i save bung long Ela Mari Inteneseneel skul long serim tingting, toktok na olgeta taim, ol i save gat wanpela ges spika.

Long ol dispela bung olgeta Sarere, ol meri i save brigim liklik lans long serim wantaim, peim K2 na droim ol rafel tiket long fan resing bilong ol.

Na insait long wanpela yia, ol i save gat wanpela bikpela fan resing. Na mani ol i bungim em i bilong skolasip long helpim ol yangpela meri i skruim skul.

Long Ogas 14, ol bin bung wantaim sampela ol yangpela meri we BPWC i sponsaim ol long skul bilong ol.

Sampela ol yangpela meri i bin kam wantaim ol mama bilong ol na ol i sindaun selebret wantaim ol BPWC lain.

Insait long 12 yias pinis, BPWC i sponsaim pinis 266 yangpela meri long skruim skul long sekonderi na tesian level. Long dispela yia, Klab i bin sponsaim 26 meri.

Presiden bilong BPWC long Pot Mosbi em Freda Talaol i tok ol bai holim bikpela fan resing bilong ol long Novemba. Dispela bai kamap long Pot Mosbi Ats Tiata.

Planti bilong yumi i no save long dispela Klab. Tasol em i gat gutpela tingting stret na em i wok isi long sapoitim ol yangpela emri long PNG na wol tu.

As tingting long kirapim dispela klab em long promotim inters na ekarjim wok

Save long Raits Pat Foa Moa toktok long skruim CEDAW

PROTOKOL em nara-pela moa ripot antap long orijinel agrimen. Em i ken gat long em sampela moa agrimen o ol senis ol i wokim long orijinel agrimen bikos sampela samting i kamap.

Wanpela samting i slek long CEDAW em i nogat monitaim sistem antap long kantri ripoit tasol. Aninit long orijinel agrimen, wan wan man na ol grup i nogat rot long mekim kompleen i sut long bagarapim humen rait i kamap long kantri bilong ol.

Olsem na ol i kisim i go insait, Komisn long Stetus bilong ol Meri olsem

Opseneel Protokol long CEDAW.

Protokol i gat tupela prosidia o wei bilong bihainim.

Em long rot bilong salim na kisim toktok we i larim ol meri o grup long putim klei8m o ripot long bagarapim ol rait i go long CEDAW komiti. Na we long bihainim Inkwairi we i strongim komiti long lukluk long ol bikpela bagarapim i sut long raits i save kamap long ol meri. Na ol dispela raits tu we ol i save bagarapim planti taim. Ol dispela rot i stap tasol long ol kantri i tok orait pinis long kisim CEDAW.

Moa long neks wik.

Sotpela LukautToktok

Olgeta wik nau, Meri Wantok bai givim ol sotpela toktok long samting i sut long famili, gutpela kaikai, lukaut gut long sik i biruaim ol meri na ol kain samting olsem. Yumi stat wantaim gutpela kaikai bilong ol sumatin.

Yumi mas givim gutpela kaikai long ol pikinini taim ol i go long skul bikos ol i wok long gro na skel bilong gutpela kaikai ol i kisim bai helpim ol i gro gut. Taim yumi givim rabis kaikai long ol em i bagarapim ol. Hama kaikai ol bikpela manmeri i save kisim, ol sumatin i save kisim klostu wankain olsem. Ol yangpela i save gro hariap olsem na ol i mas kisim planti kaikai long mekim bodi bilong ol i strong na pilai. Pikinini husat i no kisim gutpela na inap kaikai bai i no inap lainim gut samting long skul.

Moa long neks wik

MERI Wantok i lusim gutpela poromeri husat i save helpim long raitim ol stori na ol gutpela skul long kuk na helt bilong ol meri. Meri Wantok i laik tok gutbai long Barbara Tomi husat i lusim Wantok Niuspepa las wik na i go wok long narapela hap. Tenkyu tru Barbara long ol gutpela wok yu bin mekim long skulim ol meri long sampela gutpela rot bilong lukautim ol yet na ol famili bilong ol na stap na sindaun bilong ol i ken kamap gut.

Aioni na Meri Wantok i salim gutpela amamas long nupela wok bilong yu Barbara.

Laip skul bilong Annette



SISTA JESSIE, INAP YU GO SEKIM DISPELA MERI I GATBEL?. SKIN BILONG EM I NO GUTPELA TUMAS.

ORAIT, MI BAI GO NA LUKIM EM.



SISTA JESSIE I GO STRET LONG WOD NA KISIM SAMPELA BLUT LONG SEKIM NA TU EM MEKIM SAMPELA TES TU LONG THERESA..

SUSA, YU PILIM OLSEM WANEM?



bung namel long ol bisnis na profeseneel meri long PNG na ol arapela kantri, strongim tingting bilong ol yangpela meri i skruim skul bilong ol na wok long sapoitim ol meri bai i gat ikwal sans na wankain level bilong wok long iekonomik, sosel na politikel laip long PNG.

Long bung, Skolasip opisa Janice Uiari i bin tok taim ol i kisim nem bilong ol meir husat i askim long skolasip sapot, ol i save glasim na skelim gut tru ol pastaim.

Tupela bikpela samting ol i save lukluk gut tru long en em long yangpela sumatin meri ya i mas gat hevi tru long mani sot na em i mas gat gutpela mak.

Long kamap memba bilong BPWC, ol i save baim K35 fi long wanpela yia.

Long neks wik: Stori bilong wanpela PNG meri i kisim wok long London, Inglan.



• BPWC Skolasip Opisa Janice Uiari wantaim ol arapela Klab memba long bung. Poto: Veronica Hatutasi

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, PO Box 1982, Boroko, NCD o ring i kam long telipon 325 2500 na toktok long Veronica Hatutasi. Yu ken salim ol stori tu long email: word@global.net.pg.

Hap Hap Nius

Planti no wanbel long bebi "stem cell" stadi

BIHAINIM ol toktok long ol gutpela samting we rises o stadi long ol kiau i kamapim pikinini (embryonic stem cell research) i kamapim, planti manmeri bilong Amerika i sapotim rises we bai i no bagarapim ol dispela kiau (bilong kamapim bebi).

Planti i egensim tu human cloning o pasin bilong yusim liklik hap bodi skin bilong wanpela man long wokim rises o kamapim nupela bebi wantaim long en. Pro Laip Seketeriet bilong ol Katolik Bisop i bin karimaut wanpela rises long dispela na i bin kamap wantaim ripot ya.

Dispela i hap tu bilong wanpela Intenesenel Komyunikesens Rises we ol bin wokim rises long telipon long 1,000 manmeri bilong Amerika na kisim tingting bilong ol long dispela samting.

Long fandim ol rises long ol stem cell, planti i bin wanbel long yusim stem cell o hap bodi bilong ol bikpela manmeri long ol wok rises na i no kiau bilong wokim bebi long en.

Sampela i bin egensim olgeta rises long dispela hap na dispela i bin strongpela long ol meri, ol lain i no kisim bikpela mani, ol bikpela manmeri na ol lain i save go long sios. Sevei i soim tu olsem ol pipel bilong Amerika i egensim human cloning long kamapim bebi na yusim long medikel rises.

Nupela teknoloji mas sapotim man

NUPELA teknoloji olsem ol nupela masin, ol kompyuta samting i wok long kamapim ol nupela wok, tingting na rot bilong mekim samting. Moa yet, ol i wok long laik kamapim pikinini na man nating long ol hap skin o bodi pat. Na dispela em i kamapim wari long planti pipel, grup na sios long wol.

Wanpela Katolik bisop long Rome na Vais Presiden bilong Pontifical Academy for Life, Bisop Elio Sgreccia, i askim wanem em bodamak we rises long saiens long ol human being o man tru tru i mas noken abrusim?

Em i tok bodamak em "being" o stap bilong man we i mekim man i man. I mas gat luksave long "being" bilong pikinini, mama na papa.

Em i bin tok nupela teknoloji na ol nupela samting em i kamapim wari na bagarapim stap na kamap bilong man na em i tok, toktok bilong wanpela mansave i wok long kamap tru na dispela em, "dispela wok bilong nupela teknoloji i rausim na bagarapim rot we man i kamap long em.

Olsem na Bisop i tok baioteknikel era o taim bilong ol nupela rot long wokim samting wantaim ol nupela na strongpela masin i mas luksave long banis bilong moral rispek o luksave long netja na humen being o man na gol bilong saiens na teknoloji i mas sapotim wok bilong man na meri.

Pop John Paul 2 wari long bruk insait long sios

OL BISOP i mas daunim ol kain hevi igsait long kongrikesen na sios long rot bilong kamapim luksave (trust), kamapim sekan na bel isi pasin namel long ol famili long sios bilong ol.

Hetman bilong Katolik Sios long wol, Pop John Paul 2 i bin wokim dispela toktok long Rom bihain long em i bin ritim ol ripot bilong ol bisop bilong Amerika we i bin autim long ripot olsem kain hevi i wok long kamap long dispela taim.

Em i bin tok tru, olsem insait long ol famili, dispela kain hevi i save kamap bikos wok marimari i no strong na ol sios memba i gat hevi namel long wanpela arapela. Na dispela i ken kamapim ol wan wan grup insait long sios na dispela i no gutpela.

Em i bin tok sampela taim, sios i mekim planti wok na em i lus tingting long yuniti na gutpela wok bung wantaim em i bikpela samting long holim sios wantaim insait long famili bilong God. Long etresim dispela hevi, Pop i bin tok ol bisop i mas kamap olsem ol papa long famili bilong God na lukautim na wok bung gut wantaim ol sios memba olsem famili.

Ol sotpela sios nius i kam long Zenit Nius Ejensi.

Sister Theresa kisim luksave

WANPELA Katolik Sister long Oda bilong Maris na i wok long Solomon Ailan i bin kisim luksave long Santu Papa Pop John Paul 2.

Asbisop bilong Honiara Adrian Smith i bin tokaut long dispela.

Sister Theresa Chaloux, wanpela Maris misinari sister i bin kisim luksave long wok 50 krismas long karimaut wok misinari long Solomon Ailan long dispela yia. Em i bin kisim Papal Awod medol.

Sister Theresa em i wanpela skul fisa na long 50 krismas, em i mekim dispela na pastorel wok long planti hap bilong Solomon Ailan.

Sister Theresa husat i bilong Amerika i bin kisim promis long kamap sister long yia 1954 long Belfot, Masasusets long Amerika yet.

Long stap bilong em long Solomon Ailan, em i bin wok long ol Katolik Misin stesen olsem Buma, Avuavu, Rakera, Tarapaina na Tangarere. Nau em i save stap long Holi Nem Seminari long Tenaru na em i tisa long ol sumatin i laik kamap olsem ol seminari. Taim em i bin stap long Buma Misin, em i bin save karimaut



Sister Maureen Connor i putim medol awod long klos bilong Sister Theresa insait long wanpela seremoni long Honiara.

wok long olgeta Katolik ples na ol arapela lain i nogat lotu long Malaita. Na ol i tok olgeta lain long hap i save long en.

Sister Theresa i bin amamas tru long kisim luksave medol long Pop na em tingim laspela brata bilong em Peter, em

wanpela laspela famili memba bilong em i stap laip tude. Ol Katolik pipel long Solomons i amamas long em.

Tanim tok bilong Baibel helpim ol Kristen

Paulus Tali i raitim

BAIBEL Trenslesen Asosiesen (BTA) i wanpela intadinominesenel o misen oge-naisesen we ol i save wok long helpim ol Kristen long save moa long tok bilong God tru long wol na Papua Niugini.

BTA i wok stat long 1974 aninit long SIL misin brens we ol lida olsem Karl Franklyn, Bruce Hodslly, Lee Bruce we ol i kamapim tingting long kamapim BTA.

SIL i gat ol man we ol i gat ekspiens long hap olsem Afrika, Saut Amerika, Nu Silan na Australia we ol i kam tru long helpim PNG pipel long save long tok bilong God.

Eksekutyuv Dairekta bilong BTA long PNG, Steve Thomas, i tokim *Wantok Niuspepa* olsem taim wok i bin stat long

1974, em i stat isi isi i kam inap nau wok i kam bikpela tru long luksave long planti ol Kristen long olgeta hap ples long PNG.

Em i tok nau i gat moa long 60 BTA memba i stap wok olsem ol trensleta o lain bilong tanim wanwan tokples bilong PNG i go long Baibel.

Tu long wok bilong ol trensleta ol i rivaisim o tainim gen ol olupela toktok i go pinis long 7-pela nupela Testamen.

Long 1999, Wycliffie long Australia na PNG BTA i wok wanbel long go het long surukim wok gutnusi tru long hat wok bilong tim olsem Simon Savaiko, Mark Sipaila, Caine Ruruk na David Gela we ol i tu i raun long olgeta hap long ovasis na kam givim tok long PNG long yumi i mas go het long strongim wok bilong BTA.

Long dispela yia, 2004, BTA i wokim wok bilong em kamap i nap olsem 30 yia nau insait long kantri.

"Long 2001, 4-pela Testamen draft i bin kamap pinis," Mista Thomas i tok.

Em i tok BTA i save ronim TTC o Trenslesen Trening Kos bilong ol lain long ples long tainim tok i go long Baibel we ol patipen i save baim kos fi olsem K1400 bihain ol i save go na wokim wok bilong ol.

Literesi meteriel prodaksen woksop we BTA tu i ronim i save ron tripela wik long skulim ol lain i tren i stap long literesi skil o we bilong rit na rait long ples.



"Pasin bilong laikim birua"

Jisas i tok moa olsem, "Mi tokim yupela ol man i save harim tok bilong mi, yupela i mas laikim ol birua bilong yupela, na yupela i mas mekim gutpela pasin long ol man i save bel nogut long yupela. Na sapos sampela man i tok long God i ken bagarapim yupela, yupela i mas askim God long mekim gut long ol. Na yupela i mas beten bai God i marimari long ol man i mekim nogut long yupela. Sapos wanpela man i solapim wanpela wasket bilong yu, orait yu mas tanim narapela wasket tu i go long em. Sapos wanpela man i pulim saket bilong yu, orait yu mas larim em i kisim siot bilong yu tu."

Luk 6: 27-29

Immanuel Luteran Sios Pasta kisim blesing

Paulus Tali i raitim

NUPELA wokman bilong Immanuel Luteran Sios i kisim salens long lukautim ol sipsip na kisim ol i go insait long sios.

Pasto Warakosa em i kamap olsem nupela wokman bilong Immanuel Luteran Sios kongrigesen bihain long em i kisim blesing tupela wik i go pinis.

Moa long 300 sios memba bilong kongrigesen long Gerehu Stes 2 long Pot Mosbi i bin lukim wanpela spesol lotu long givim blesing long Pasta Warakosa.

Presiden bilong Papua Distrik, Reveren Sommy Setu, i bin autim tok bilong God long Mathew 5:3 we i tok "Yumi ol Kristen i mas bilip long God na dispela bai bringim laip bilong yumi we

yu i ken stap amamas long Kingdom bilong God."

Em i tok, "Save na sois i stap long yumi wanwan yet long lukluk na laik bilong yumi."

"Papa God em i as bilong olgeta samting i kamap na i stap."

"Yumi ol Kristen bilong tude i mas save na tingim stori bilong Saul husat i bin lukim lait bilong heven i kam sutim ai bilong em na long dispela taim em i bin senisim laip bilong em, yumi tu i mas senisim laip nau na kisim dispela Kingdom bilong amamas," Reveren Setu i tok.

Long dispela ol toktok Reveren Setu i blesim Pasta Warakosa na long wankain taim tu, ol hetman bilong kongregesen i putim han antap long em na helpim wok bilong blesing.

Bikpela bus paia long PNG

Dia Edita,

Mi laik putim sampela tingting gen long Wantok Niuspepa na em i olsém.

Mi lukim na harim pinis nau planti ol save-mameri bilong dispela kantri i wok hat nau long putim ol lo bilong ol long sik AIDS i no ken go bikpela. Olgeta man i mas yusim kondom. Em gutpela lo tru mi amamas yumi mas yusim kondom.

Tasol mi laik mekim wanpela tok piksa na yu ken skelim long save bilong yu. Dok na kapul tupela i no inap i stap long wanpela rum em bai nogat. Dok bai kilim kapul. Tupela man meri i kam bung long nait long rot. Yu save tupela i no inap wet na painim kondom pastaim.

Gutpela yu tok long yusim kondom olgeta taim em yu no stopim sik AIDS. Nogat yu ken tok sik AIDS lai i go bikpela na solap olsem balun.

Bikpela bus paia em i no isi na nogat wara klostu long kilim paia. Mi laik tok stret long ai bilong God pasin pamuk i pulap long dispela kantri. God i givim dispela sik AIDS i kam long dispela kantri. Yumi man i no inap stopim na bai nogat marasin bilong sik AIDS.

Yu husat nau yu i gat dispela sik long yu, mi askim yu mas i go lotu na autim sin bilong yu na tanim bel na bilip. Em marasin bilong sik AIDS yu stat na kisim nau sik bilong yu bai pinis.

Gavman bilong dispela kantri yu wok bung wantaim ol misin i stap long olgeta provins. Bungim ol wokman meri long misin na givim kos long ol wantaim mani bilong mekim wok na daunim sik AIDS.

Sikman i givim em yet i go long God na tanim bel long rong em i bin mekim pinis. God bai lusim sin na sik bilong em bai pinis.

Gavman bilong dispela kantri yu no mekim olsem mi tok long en, em orait save yu i gat long en. Na mani yu i gat long en yu mekim na yumi lukim sik bai i go pinis o i go yet long dispela kantri PNG.

Yu husat i ken skelim dispela tok mi mekim em olsem wanem long yu. Sapos yu laik yumi mas toktok moa na stopim sik AIDS long dispela kantri. Ol Luteran, Katolik na ol arapela lotu em ol brata na wan wok yumi mas wok strong bosim na lukautim ol liklik pikinini nau.

Em ol bai i stap long 20 yia taim bai i stap long dispela kantri. Sik em nogut na i lukim olsem bai nogat man moa long dispela kantri. Biknem save na mani kago na stil giaman pamuk, na planti arapela moa. God Papa i no laik long en yumi man i strong na mekim em hevi i kam nau long dispela kantri PNG. Bikpela bus paia na nogat wara klostu.

**PASTOR ANTON AWI
BANZ
WESTEN HAILANS PROVINS**

Plentesen i paolim ol kopi groa

Dia Edita,

Mi no wanbel long dispela kain pasin we i bin kamap long dispela mun Julai long Not Waghi.

Dispela kampani ol i kolim OK Koporesen i bin apim prais bilong kopi liklik na givim K12.00 long wanwan dram.

Dispela kain tasol i bin mekim na i bin gat salens namel long OK na WRC Carpenters kampani.

Planti pipel i bin ama-

mas long dispela prais tasol we stap nau?

OK menesmen ating yu paolim ol pipel o mani i pinis. Sapos yu tru tru i laik salens o resis wantaim WR Carpenters orait yu kam baim ol kopi long rot sait nau. Maski long i stap tumas long fektori dua.

**MATT DEDEBOH
HOLEYAH
BANZ
WESTEN HAILANS
PROVINS**

Sios em i no ogenaisesen, em pawa haus bilong God

Dia Edita,

Mi laik bekim salens we presiden bilong Evenjelikel Lutheran Sios (ELC) bilong Papua Niugini, Reveren Sommy Setu, husat i salensim ol yut long 'Namba 24 Yut Konferens' long Kirap Bek kongrigesen.

Em i kamap long dispela tok pisin niuspepa long tupela wik i go pinis.

Hia em i tok: "Nau yet planti ol yangpela i no save bihainim stret straksa bilong sios program na ol i paolim planti ol yangpela bilong tete."

Mi yet mi pikinini Luteran na mi save wanem hevi ol Luteran i bungim. Sios tru

i bin hait aninit long karamap bilong ol kastam na tredisen bilong man, em i kamap wankain long ol arapela ogenaisesen.

Taim bai kam na i kamap pinis (John 4: 23-24) we dispela ol karamap bai raus na God bai lukim tru sios bilong em bai sanap. Man bai i no inap stopim tanim bilong God.

Taim bilong taiprait i pinis, long wanem kompyuta i kamap pinis. I no long taim na intanet bai tekova long kompyuta.

Yumi i no inap hangamap long olpela pasin bilong lotu moa, nupela save na

...Nau God yet bai sanapim sios

tingting bilong lotu o wosip i kamap pinis. Maski komplem long muv ol yut i bihainim, kalap i go insait na muv wantaim.

Lus tingting long nem na taitel. Nau em God yet bai sanapim sios.

Sios i no wanpela ogenaisesen, em i pawa haus bilong God yet.

**BILLY YAYAO
ERIMA LUTHERAN REVIVAL SIOS
POT MOSBI**



Man o Masalai?
Ol Asaroka bilong Isten Hailans provins i soim pasin tumbuna bilong ol we i ol i save karamapim skin bilong ol wantaim tais na putim ol mask o giaman pes we ol i mekim wantaim graun. Long taim bipo long ol pait ol i save mekim dispela na taim ol birua bilong ol i save lukim ol, ol i save pret nogut tru. Dispela bipo poto i soim sampela ol 'Asaroka Madmen' i soim dispela pasin tumbuna long wanpela bipo Goroka So. Foto: PNGBD.COM/WENDY CLARKE

Kalabusim ol man husat i save bagarapim ol pikinini

Dia Edita,

Mi rait long toktok long Wantok Niuspepa long long wanem na i gat planti pasin bilong wokim pamuk long ol liklik pikinini long fran pes bilong Post Courier long 20/08/04.

Em wanpela sting pipia pasin stret. Wanpela papa i wokim wanpela pasin nogut na nogut stret long liklik pikinini husat i gat 2-pela mun na klostu kilim pikinini tasol ol haus sik i helpim. Mi lukim dispela pasin na mi no

amamas tru, bilong wanem na ol polis i no sasim em na givim sampela strongpela lo long kalabusim em?

Ating lo i mas stap strong na kotim ol dispela kain papa husat i save laik long wokim ol pasin bilong ol enimol stret.

**JOHN KRISAKI
WEWAK
IS SEPIK PROVINS**

Gavman bai mekim wanem long ol setelmen long Wewak taun?

Dia Edita,

Mi laik raitim dispela pas i go long na toktok planti i go long Somare gavman long bilong wanem na planti ol setelmen i wok long gro bikpela long Wewak taun na pasim developmen long kamap.

Planti ol setelmen i wok long kamap nating na ol man, meri na pikinini i stap long setel-

men i nogat wok bilong ol na ol i stap long planti ol kankain pasin. Wanem taim bai gavman i rausim ol setelmen na bringim ol developmen i kam long Wewak taun?

Hia long Wewak ol setelmen i pasim ol spes na nogat graun bilong sanapim gutpela ol haus, building, stua, opis na senisim ai

bilong taun bikos Wewak i stap wankain yet.

Mi no amamas long interim taun i stap olsem wanpela kauboi senta pulap long ol setelmen na pasin bikhet wei i gat ol pipel i nogat wok i stap.

**JOHN KRISAKI
WEWAK
IS SEPIK PROVINS**

Morobe lusim planti mani long loya

Dia Edita,

Mi wanpela manki Morobe husat i no save wanbel long pasin we Gavana Luther Wenge i save mekim.

Em i westim planti mani bilong mipela ol Morobe long kot tasol.

Plis no ken tromoi mani nating nating long loya long kot. Wanem taim bai yu givim sevis long mipela ol Morobe pipel?

Pasin we yu mekim yu sevim wanpela man tasol. Yu sevim wanpela loya tasol long mani bilong mipela.

Nau mipela i no lukim sampela han mak bilong yu long Bulolo

ilektoret long Bulolo distrik long Watut. Watut i no bin kisim sevis long han bilong yu, nogat olgeta.

Na tu yu kisim Sir Michael Somare o nesenel gavaman i go long kot, tu yu westim mani bilong mipela ol Morobe.

Plis lusim dispela pasin bilong yu long kot, mi dispela manki mi lukim yu laik kisim biknem nating long kot na long sevis yu bai nogat olgeta.

**JONATHAN D.
LAE
MOROBE PROVINS**

Sios pasim ol misinari

Dia edita,

Wanpela nupela sios i bin i stap klostu 40 yia nau na i nogat wanpela taim we em i larim ol waitmanmeri bilong Australia, Nu Silan, Amerika husat i kam i stap long dispela sios olsem ol misinari i helpim na senisim ol ples klostu olsem long Sigr, Bunumwo, Kimil na Warakar i senis liklik. Planti ol misinari i save gat ol mani na risos bilong helpim ol lokel sios, tasol dispela sios yu save pasim rot.

**MATT DEDEBOH HOLEYAH
BANZ
WESTEN HAILANS PROVINS**

Bilas bilong yumi i go narakain

Dia Edita,

Mi stap long Pot Mosbi siti na mi lukim wanpela meri i werim trausis bilong mipela ol man. Mi no tok long 6 poket. 6 poket em narakain liklik.

Mi laik tok stret olsem yu wanpela meri yu save ritim Wantok Niuspepa plis yu mas ritim dispela gut.

Mi laik tok nau long yu long noken werim trausis bilong mipela ol lapun man. Meri yu gat bilas bilong yu yet.

Man i gat trausis bilong em yet. Yumi mas noken paol long ol kolos bilong yumi yet.

Mi lukim planti ol meri i werim ol trausis bilong

ol man. Mi no komplem tasol yu wanpela meri i save werim trausis bilong ol man em nau yu lusim o senisim finging bilong yu.


Mi lukim long Wantok Niuspepa ol i tok long trausis bilong ol man meri i werim. Em mi wanbel tru long ol brata na susa i tok.

Meri werim dres bilong yu yet, man werim trausis bilong yu yet. Sapos yu wanpela i ritim na i no amamas orait rait tasol long Wantok Niuspepa bilong yumi stret.

**ANDREW PORA
MORATA
NCD**

OL PAS

Salim pas i kam long
WANTOK
Niuspepa
P.O. Box 1982,
Boroko, PNG



Paitman pait wantaim ol ami

Irak:

WANPELA paitman bilong wanpela pait grup bilong Irak husat i save kolim ol yet Iraki Shi'ite, i patrolim ol rot bilong Baghdad bihain long ol pait namei long ol na ami bilong Yunaited Stets bilong Amerika. Long sentral Baghdad, kapitel siti bilong Irak, ol paitman i bin go insait long wanpela bilding wantaim ol gan na holim pasim na stilim tupela meri bilong Itali husat i wok long wok wantaim wanpela helpim grup long hap na tupela Irak tu. Foto: Reuters/Ali Jasim



Australia i no inap pret o ronawe

Indonesia:

PRAIM Minista bilong Australia, John Howard, i tok olsem Australia bai i no inap pret o ronawe na i no inap rausim ol soldia bilong em long Irak. Mista Howard i bin mekim ol dispela toktok bihain long ol teroris i bin pairapim wanpela bom long Embesi bilong Australia long kapitel bilong Indonesia. Foto: Reuters/Tim Wimborne



Prins bilong Brunei i marit

Brunei:

PRINS bilong Brunei, Al-Muhtadee Billah i givim blessing long meri bilong em Sarah Pengiran Salleh na papa bilong em Sultan Hassanal Bolkiah (rait) i lukluk i stap long seremoni bilong marit bilong ol long Nurul Iman Pales long Bandar Seri Begawan. Prins Al-Muhtadee, husat i bai kamap king bilong Brunei, kantri we i gat planti wel stret, i soim nupela meri bilong em long wol las Fonde long wanpela stail seremoni we i bihainim kastam bilong ol. Ol bikpela lida bilong Esia na Arab i bin kamap long dispela bung. Foto: Reuters/Andy Wong/Pool



Paia bagarapim kopa main

Turkey:

TUPELA maina bilong Turkey i sindaun na wet long harim nius long sampela wan wok bilong ol husat i stap aninit yet long ol pipia we i bin kamap taim kopa main ol i bin wok insait long en klostu long not wes siti bilong Turkey, Kastamonu, i bin paia. Dispela tupela maina i bin abrusim dispela birua tasol ol i no save long ol wan wok bilong ol. Foto: Reuters/Ihlas News Agency



Helpim kamapim gutpela sindaun

Afrika:

MOA long 12 lida long Afrika i wok long bung nau na i laik kamapim wanpela plen long pait egensim pasin turangu o sindaun i no gutpela long hap. Ol i laik givim moa wok long ol pipel we ol i ken i gat mani na sindaun gut. Long dispela poto, Mwajib Rajab (iephan), na tumbuna bilong em, Salehe, i sanap wantaim wanpela poro bilong ol ausait long haus bilong ol we ol i mekim long tais long Boko ples ausait long Dares Salem. Foto: Fail Poto/Reuters



SELEBRETIM INDIPENDENS LONG COURTS WANTAIM OL DISPELA NAMBAWAN DIL! BAIM NAU SEVIM NAU!

Advertisement for Philips FW-D596 Mini Hi-Fi System. Features include 3300W PMPO Pawa, 3-peta CD ken, 30-peta awa inap pilaim ken MP3 musik, karaoke fansen, 5.1 sarau spika sistem, 4-mod disitol saun kontrol, 3 wei spika na mex beis pot, dual logik teip dek wantaim oto pilaim ken, MEX SAUN, remot kontrol. Price: K2,299 (NAU KES), K2,649 (DINAU PRAIS), K97 (LONG FOTNAIT).

Advertisement for Philips Karim Raun VCD Redio (AZ2536) and Philips FW-V355 VCD Mini Sistem. Philips Karim Raun VCD Redio features include pilaim bek VCD na karaoke, vidio 2.0 pilaimbek, inap wantaim PAL/NTSC, MEX saun teknologi, beis reflex spika sistem, inap long pilaim MP3, CD-R/RW, 30 redio steisen i stanbai tasol long anim. Price: K699 (NAU KES), K799 (DINAU PRAIS), K31 (LONG FOTNAIT). Philips FW-V355 VCD Mini Sistem features include 1500W PMPO Pawa, CD/VCD/CD-R/CD-RW/MP3 pb, disitol saun kontrol, nambawan long stretim mistek, igat karaoke stail, remot kontrol. Price: K1,199 (NAU KES), K1,795 (BIPO KES), K54 (LONG FOTNAIT).

Advertisement for Philips 14PT2001 14" Kala TV and Magnavox by Philips MDV423K DVD Pleia. Philips 14PT2001 14" Kala TV features include smat piksa/saun, kirapim poirap, contrast plus, wake-up clock, child lock, remote control. Price: K699 (NAU KES), K895 (BIPO KES), K32 (LONG FOTNAIT). Magnavox by Philips MDV423K DVD Pleia features include save pilaim DVD/DVD-R/DVD-RW/VCD/SVCD/CD/MP3-CO/CD-R/CD-RW, 192kHz/24 bit musik DAC, long bon (50mm hat). Price: K599 (NAU KES), K699 (BIPO KES), K28 (LONG FOTNAIT).

Advertisement for Winim and Gold Rush. Winim features include BAIM BIPO LONG 30 Deilong SEPTEMBER na WININ FANTASTIK "DIRIMA PRAIS" insait long GOL RAS 2ND KOTA DRO! BAIM NAU! KISIM OL TIKET IKAM! TINGIM... yu baim moa... kisim moa sanis long winim! Gold Rush features include BAIM PAKET DIL, CODE # 101014, 14" TV na DVD PLEIA, NAU KES K999, FOTNAIT K46, BIPO KES K1,594, DINAU, K1,149, DIP, K1, SEIVIM K595 kisim FRI skuta!

Advertisement for Courts and Powerhouse. Courts features include INSTANT CREDIT APPROVAL, REQUIREMENTS (COMPANION LETTER, NO CARD, Latest FFPF Slip, Latest FFPF pay slip, ADDRESS CONFIRMATION, Latest PINE POWER or GDA BANK ID, +21 DAY MONEY SERVICE), FEIVARET FENISA NA ELEKTRIKOL SUPASTOA BILONG PAPUA NIUGINI. Powerhouse features include SWITCH ON TO POWERHOUSE, STIMULATE YOUR BENSES, PEIM ISI. Locations: COURTS GORDONS, COURTS LAE, COURTS GOROKA, COURTS MT HAGEN, COURTS MADANG.

WANTOK KOMENTRI

PNG i gat strong bilong kamapim gutpela sindaun

"Mipela i mas senisim pasin bilong mipela olsem ol lida long luksave long ol samting mipela i mekim long 30 yia i go pinis na traim senisim bilong kamapim gutpela taim bihain." - Tresesa Bart Philemon.

Mista Philemon i tok olsem i gat planti samting na save i stap insait long PNG tasol ol lida i wok long tingting tumas long ol yet na ol i no luksave long strong bilong ol samting mipela i gat we mipela i ken yusim long kamapim gutpela sindaun bilong kantri bilong bihain taim.

Em i tok olgeta yangpela pikinini insait long kantri i save mekim dispela promis bilong kamapim wanpela fri kantri long olgeta wik. Dispela i soim olsem ol i kra i na toksave long ol lida long senisim pasin bilong ol na tingim laip bilong ol pipel tu.

Bikpela hevi i painim kantri long taim bilong independens i kamap long han bilong ol lida husat i tingim ol yet taim ol i holim opis long politiks.

Planti taim ol dispela lida i no save tingim sait bilong pipel pastaim.

Ol i save mekim dispela pasin bilong wanem ol i save olsem dispela wok politiks i no bilong longpela taim. Dispela em i hevi i stap wantaim wanwan man o meri i kamap lida insait long PNG.

Tasol toktok bilong man i lukautim mani bilong kantri em i tru, taim em i tok olsem mipela i gat ol manmeri husat i gat bikpela save i stap insait long kantri.

Planti long ol dispela manmeri i stap wok insait long gavman tu tasol ol i no save kisim luksave bilong ol lida long hatwok bilong ol.

Planti taim ol dispela gutpela manmeri i save bagarap long dispela as tasol.

Ol manmeri husat i wok long ol arapela kantri i karim nem bilong PNG wantaim ol. Mipela i mas givim luksave long ol dispela lain na tingim tu olsem mipela insait long kantri i gat bikpela save.

Mipela wanwan manmeri yet i mas glasim wok bilong ol lida na lukluk long mipela yet long makim wanem kain mak bilong wok mipela i ken mekim bilong strongim kantri bilong mipela.

"Mipela wanpela kantri we i gat planti samting. Sapos mipela i strongim ol risos olsem ol save manmeri, sapos mipela i yusim ol risos olsem graun na ol arapela samting insait long graun, mipela i ken kamapim gutpela sindaun bilong ol pipel bilong yumi long taim bihain." Mista Philemon.

Long dispela namba 29 krismas bilong kantri, mipela i mas lukluk bek long ol hevi mipela i karim bipo na makim nupela rot bilong kantri long sanap na soim olsem PNG em i wanpela yangpela na strongpela kantri insait long wok.



Papua Niugini i gat hevi long Drag na Alkohol o nogat?

BIPO long yumi bekim dispela askim, yumi mas sindaun na tingim gut. Skelim gut long tingting ol samting yumi save lukim long ai na tu save tasim long han.

Givim sampela taim long tingim dispela askim. Orait yu redi nau long bekim dispela askim i kam tru long bel bilong yu. Yu wanbel tru long bekim dispela askim nau? Yu ken bekim wantaim gutpela na trupela bekim.

Alkohol na drag (dring spak na spak brus) i bin stap insait long kantri inap planti yia. Dispela alkohol na drag i bin bagarapim laip bilong planti manmeri bilong Papua Niugini pinis.

Olgeta taim long yia yumi lukim na harim ol man i wok long dai long kar eksiden bikos draiva i dring bia na draivim kar o pait i kirap long haus lain bikos spakman i pulim na holim

BERNARD MALLE
Save our Children and Youth Against Alcohol and Drug Abuse and HIV AIDS

wanpela meri.

Wanpela yut i kilim wanpela liklik manki na katim em na rausim insait bilong em na kaikai bikos em i dring hombru na smokim drag na i mekim het kru bilong em i paol.

Haus sik long mentol wok i pulap long ol longlong manmeri bikos ol i smok drag.

Olgeta krismas ol dispela manmeri namba i wok long groa i go antap. Namba bilong ol manmeri i longlong na raun long strit tu i go antap.

Planti manmeri nau i wok long kisim sik kensa long bel na leva bikos ol i wok long dring alkohol o bia na bia i kukim ol.

Ol pikinini mama i karim i wok long kam wantaim sik long

het, lewa o wiin paip bikos mama i dring alkohol bia na smok drag taim pikinini i slip i stap yet long bef. Planti bilong ol dispela pikinini i no save stap laip longpela taim long graun.

Long ol ples long hailans na nambis ol fama i wok long klinim graun na groim mariwana yet.

Ol taun na siti bilong yumi olsem Pot Mosbi, Hagen, Lae, Madang, o Rabaul i wok long kisim saplai i kam insait i winim tru olgeta yia.

Sapulai i no sot. Drag i wok-abaut long strit olsem samting nating.

Yu save lukim ol yut i smok drag long rot kona o long maket ples o ating long haus dua bilong yu. Yu lukim ol dispela i kamap long ai bilong yu. Yu wanbel long dispela?

Yangpela meri i dai bikos mariwana i kukim blut bilong em.

Skulboi i lusim skul bikos hombru i kukim bel rop bilong em. Papa i miksim hombru aninit long haus bilong em bikos em i laik salim na kisim mani.

Ankol i karim ol rol mariwana na salim long ol yut long strit. Brata i slip long mok long haus haus sik. Em i dai pinis bikos em i smok mariwana na i laik hensapim wanpela kar.

Polis i sutim em. Susa i kisim sik HIV AIDS bikos em i dring alkohol na i slip wantaim wanpela wan husat i gat sik.

Ol i katim fotnait bilong mama bikos em i brukim lek bilong em long step lata. Papa i spak na kikim mama i pundaun long step lata na lek i bruk. Nau mama i no go wok.

Nau yu ken bekim dispela askim: Papua Niugini i gat hevi bilong alkohol na drag o nogat?

Sampela we na stail bilong Lida

OL PRINSIPOL BILONG GUTPELA LIDA wantaim Pastor na Evangelist OHARE JABERE

WANWAN man i gat kainkain we na stail bilong ol long wok lidasip. Sampela i gat kain we na stail bilong lidasip we ol i ting i fit wantaim tingting na pasin bilong ol.

Arapela man ol i lukim na

lainim kain stail bilong ol man we ol i gat interes na i laik bihainim stail bilong ol sampela man.

Arapela i kamap wantaim kain we na pasin bilong kamap lida na sampela ol i man na meri i save isi na lukluk gut, skelim gut ol samting. Sampela ol i hatpela manmeri na i gat pasin bilong kamap bos na laik tokim narapela long bihainim ol.

Sampela ol i gat liklik hap bilong olgeta kain stail. Sampela ol i kamapim gutpela wok wantaim planti nois o pairap na ol arapela ol i kamapim wok wantaim nogat

nois na pairap.

Kainkain we bilong stap lida we yumi ken lukim.

Tude planti Lida laikim gutpela pipel bilong harim tok na bihainim ol.

Olsem tasol planti pipel tu laikim ol gutpela Lida we i ken go pas long ol na kamapim gutpela samting long mekim laip na sindaun i kamap gutpela. Mi bilip tru olsem sapos yumi i gat gutpela ol kain lida i stap Lida bilong ol gutpela kain pipel bai planti gutpela samting i kamap. Lidasip em i wanpela presen i

kam long God na taim yumi

prea olsem yangpela King Solomon i bin prea long gutpela na klinpela tingting (wisdom) bai God yet inap long inapim yumi long kamap kain Lida we em i laikim. Mi bilip olsem taim God i luksave na laikim yumi na bihain yumi kamap olsem Lida.

Hia long PNG nau i gat sampela we na stail bilong lidasip bilong yu bai senis.

Matyu 6:33 Namba wan samting yupela i mas mekim i olsem yupela i mas larim God i stap King bilong yupela na kisim stretpela pasin bilong em na bai em givim dispela olgeta arapela samting long yupela.

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia 52 niuspepa


Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Jeremy Burgess

Editor
Yakam Kelo

Published by Jeremy Burgess and printed by Pacific Star, P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertisement form.



**29th Independens
Anivesari
Papua Niugini
Septemba 16th, 2004**

Papua Niugini i gat kainkain kalsa, tokples, risoses, kaikai i pulap Tong graun. Nau yumi mas kirap na wokbung wantaim na kirapim ol dispeta samting na sindaun bilong yumi bai kamap strong!

Cat® Work Crew

Toughest on Earth.

Hastings Deering

PORT MORSBY Phone: 300 8700 Fax: 325 0141	LAU Phone: 472 5055 Fax: 472 1477	LAUNUKI Phone: 548 8045 Fax: 548 8155	RAHAKU Phone: 982 1244 Fax: 982 1129
--	--	--	---

Asbisop Sir Brian Barnes bilong Pot Mosbi Asdaiosis Independens Toktok bilong em



Yumi bin kam longpela rot tasol yumi i no bin kam gut. Ating dispela i ken soim wokabaut bilong yumi long 1997 Independens De i kam nau 29 krismas. Dispela wokabaut i bin stat wantaim strong bilong go het, sampela bilip olsem mipela i ken go nau, tasol sampela asua long namel bikos sampela samting em yumi i no bin traime na pilim yet na mipela i no klia gut yet.

Mi tingim i go bek long sampela wokabaut o patrol mi mekim longpela taim bipo taim mi bin kam nupela long PNG. Sampela taim mi mas kirap long bikmoning bai mi mas winim rot taim san i stap yet bai mi ken kamap stret long hap mi laik go long en taim nait i kamap. Wanem samting mi laik kisim mi mas makim na skelim gut. Na mi mas lusim wanem samting i no inap helpim mi tuams. Mi mas kamapim dispela tingting bihainim save mi gat long dispela wokabaut na ples mi bai go long en bikos mi mas tingim tu taim nogut olsem ren na wara bai tait. Strong bilong wokabaut em wanpela bikpela samting mi mas i gat wantaim ol arapela samting mi bai karim. Dispela kain wok-

about i save gat hevi long en na i as bilong amamas tu. Tasol ol i no isi. Tru olsem sampela taim em i hatpela wokabaut olsem na tingting na strong bilong mi i mas stap gut.

PNG i stap long rot. Rot i no pinis yet. Planti taim dispela wokabaut i save hat. Yumi i bin wokabaut insait long bikpela win na ren tasol yumi wok long kam wantaim. Yumi karim sampela hevi kago wantaim i kam olsem korapsen we yumi painim hat long daunim na dispela i wok long holim yumi bek. Yumi taitim bun wantaim gavman na politik we i no sanap gut na dispela i paolim yumi long lukluk stret long ol bikpela samting bilong helpim yumi na dispela i bagarapim yumi long go fowet. I no korapsen tasol, planti raskol na trabel pasin i wok long bagarapim bisnis na ikonomi na bagarapim bel na tingting bilong yumi. Em i olsem yumi wokabaut wantaim bagarap olsem lek nogut na yumi long rot i kam. Yumi toktok long bung wantaim insait long PNG, tasol long planti ol i ting provins bilong ol yet i bikpela samting. Ol kain samting olsem i wok long pulim yumi go daun na yumi painim hat long wokabaut gut.

Olsem na taim yumi pulim win na glasim gen, yumi ken kisim win long wanpela sotpela prea bilong was long yumi na strongim yumi.

"Nau mi tingting gen long ol samting i kamap..."

Mekim mi save long rot bilong bihainim,

Long nem bilong yu mi givim sol bilong mi." (Sam 143: 5,8,6)
Yumi tingim Jisas i bin tok:

"Mi yet mi rot, tok tru na laip." (Jon 14:6)

Yumi noken larim Jisas i stap ausait long wokabaut bilong yumi:

"Olsem na yu stiaim lek bilong mi bai mi bihainim stretpela pasin bilong yu." (Sam 5:8)

Wanem hevi bilong yumi?

1. Raskol pasin:

Bikpela tru long ol hevi na trabel em raskol pasin. Dispela i save pretim planti bisnis invetsen na ol turis long kam long PNG. Bikos ol raskol pasin i wok long kamap bikpela planti pipel long ol sili na taun i pilim pret na i wok long kamap wantaim kainkain rot bilong sekyuriti bilong banisim ol. Ol polis bilong yumi i save bungim planti hevi long wok bilong ol tu olsem na strong bilong raskol pasin i wok long abrusim wok na strong bilong ol. Olsem na i kam bilong Enhens Kopresen Program (ECP) we i kos K2 bilien long 5-pela yia olgeta long sapatim wok bilong polis na pablik sevens i kamap pinis. (Ol Australia polis na pablik sevens i kam wok long hia) Dispela inap helpim long kirapim strong bilong polis long wok insait long ol dispela bikpela hevi bilong ol na oda. Dispela samting i kisim bikpela sapat bilong pablik.

Asbisop Sir Brian Barnes i tok wanpela rot tu long daunim hevi bilong raskol i kamap planti em long kamapim Nesanel Sevis Skim bikos ol raskol pasin i kamap taim planti yangpela i belhat, ol i nogat wok long mekim, planti yangpela i kam aut long skul long olgeta yia. Olsem na ol tu i mas lainim sampela kain wok bilong

mekim na tu wok klostu long opim tingting bilong ol long ol gutpela rot na samting we ol i ken mekim we dispela i ken mekim mipela i yusim olsem wokmanmeri bilong mipela long mekim wok long ol komyuniti projek olsem mekim rot. Em i tok narapela bikpela hevi tu em ol strongpela na bikpela sotgan i stap pinis insait long komyuniti bilong yumi. Olsem na i mas gat strongpela rot long daunim dispela. Sampela memba bilong Palamen i save laik karim gan na raun tu long Palamen. Em i no gutpela tumas na tu spak brus (Drag) i save poroman wantaim gan na raskol pasin, ol hevi long Narcotics Bureau i mas klin nau bai dispela opis i mas wok gut gen. Bai i gutpela tu sapos Ombudsmen Komisnin tu i gat pawa bilong kotim man long pasin bilong pasin stil na paulim samting.

Guria long Gavman

Planti manmeri i bin tingting strong long ol pasin i bin kamap long Palamen long mun i go pinis insait na ausait long Palamen we ol toktok bilong vot i nogat bilip long Gavman i kamap. Ol niusman i bin painimaut planti pipel i no laikim vot i nogat bilip long kamap long dispela taim. Dispela i no olsem Gavman i mas kisim gutpela nem long ol gutpela samting i kamap.

Yumi lukim olpela pasin bilong namba gem i kamap we ol tingting bilong baim ol memba, planti senis long ol wokman na senisim ol minista na ol arapela posisen klostu klostu. Ol nius long olgeta de i toktok long ol senis tasol na ol

stail bilong Oposisen na Gavman. Nau Palamen i malo- lo longpela taim ating ol i abrusim bilong amas de Palamen i mas bung insait long wanpela yia. Dispela em bilong Suprim Kot long skelim. Askim nau em bilong wanem na ol memba i mekim olsem.

Agrikalsa na Rot

Gavman i bin tok em i sanap long agrikalsa olsem bikpela samting long ikonomi bilong kantri. Graun i gat gris bilong kamapim olgeta kainkain samting. Dispela em ol pipel i ken mekim bikos ol yet i papa long graun bilong ol na ol i ken stap insait long kamapim. Wanpela hevi em long painim maket na tu karim kaikai igo long maket. Olsem na gutpela rot tasol i ken mekim dispela i wok we sampela wok i wok long kamap nau long stretim gut ol rot. Tasol em i tru mani i no inap long stretim olgeta rot insait long kantri. Ol lain husat i wetim han bilong Gavman bai wet longpela taim yet. Komyuniti husat i stat long brukim graun long han bilong ol yet bai inap long lukim kaikai bilong hatwok bilong ol.

Helt

Helt em bikpela samting. Olsem na gavman i mas lukim ol ol haus sik i no pas bikos ol i no baim wara na pawa bil we i bin kamap pinis long Mosbi. Gavman i mas givim fri wara na pawa long ol taun klinik na eid pot olsem sevis i go long komyuniti o kamapim arapela rot bilong peim ol dispela bil.

Ron bilong sik AIDS i kamap bikpela hevi tru insait long kantri olsem na i mas gat bikpela program bilong skulim ol manmeri long nogut bilong

dispela sik na tu skulim ol manmeri long lukautim ol lain i kisim dispela sik na famili bilong ol. Yumi no klia wanem kain tingting bilong Nesanel Aids Kaunsil long kisim wanpela Saut Afrika Gospel ben i kam pilai long disko ples long Pot Mosbi na Lae long karimaut bikpela het- tok olsem, Lukaut long AIDS. Ol nait klap na disko ples bai helpim long surukim namba bilong sik AIDS i go antap moa. Ol manmeri bai harim musik tasol i no mining bilong song maski ol i singsing long tok ples bilong Afrika. Planti manmeri bai dring na spak na mekim ol pasin bilong pati taim ol i harim musik. Ating yumi i sot long ol tingting bilong kamapim awenes.

Pinisim tok.

I tru yumi i kam 29 krismas olgeta inap long Independens nau, taim yumi skelim ol gutpela na nogut, ol samting yumi kamapim na ol wari yumi bungim, yumi inap luksave olsem i gat planti samting we yumi i mas rausim, stretim na mekim i kamap gut.

Yumi prea olsem God bai helpim yumi long save long ol yumi laik wokabaut long en na em bai was long olgeta wokabaut bilong yumi i go het. Taim yumi tingim, yumi mas givim tenkyu long olgeta blessing na prea long gutpela sindaun insait long bel bilong yumi, insait long famili na komyuniti na kantri bilong yumi olgeta.

God i blesim yupela olgeta. Heki Independens De

BRIAN J. BARNES, OFM, KBE, DD



PNG Power i tok

Bikpela hamamas i go long

PAPUA NEW GUINEA

Long kamap 29 krismas long long

Independens.

PNG Power i hamamas olsem em i i wok long saplaim pawa insait long PNG long dispela 29 krismas na em bai i go het yet long givim dispela sevis.

Mipela i joinim olgeta arapela Papua Niugini manmeri na pikinini long hamamasim dispela spesol dei bilong kantri bilong yumi.

Toksave i kam long Pablik rilesen Seksen



DEPARTMENT OF AGRICULTURE & LIVESTOCK

CONGRATULATIONS!

Papua New Guinea

Happy 29th Independence Anniversary

The Minister for Agriculture and Livestock, Hon. Mathew Siune, MBE, the Acting Secretary for Department of Agriculture and Livestock, Mr Anton Benjamin, the Management and Staff of the Ministry and Department wish to congratulate the Government and the people of Papua New Guinea for commemorating the 29th year of independence.

We join hands in observing this important occasion and the achievements of our farmers and didiman and didimeris in promoting the agricultural sector. We share our joy and pride in developing our beautiful country with its vast natural resources and will continue to strive to take PNG forward.

We urge that you all participate in independence celebrations this week as one people and one nation. God bless Papua New Guinea.

Happy Celebrations PNG!

The Ministry and Department of Agriculture and Livestock as the lead agency in agriculture development will continue to promote and enhance agriculture development for now, today and forever.

HON. MATHEW N. SIUNE, MBE, MP
Minister for Agriculture & Livestock

ANTON K. BENJAMIN
Secretary - DAL

Independens toktok bilong Praim Minista Sir Michael Somare

Independens De long dispela yia Praim Minista Sir Michael Somare i askim olgeta pipel bilong Papua Niugini long amamasim wanem gutpela samting i pin kamap 29 yia i go pinis na go het moa long kamapim ikonmik independens.

Em i tok gavman i wok strong long opim dispela rot i op.

Kaikai bilong ol dispela hatwok em yumi lukim planti manmeri i wok long i gat wok insait long kantri, moa bisnis i wok long kam insait na ron bilong ekonomi i kamap gut nau.

Surukim lukluk bilong yumi i go moa na lukluk long piksa bilong kamapim gutpela senis insait long kantri.

Yumi gat planti rot, bris, skul, helt senta na eid pos tude we i no olsem bipo long Independens.

Taim yumi tingim Independens de yumi no ken ting olsem yumi bruk lusim gavman bilong ol waitman long bipo. Yumi mas tingim olsem em taim bilong amamas.


Yumi mas amamasim bung wantaim bilong planti tausen manmeri we i bin kam bung wantaim olsem wanpela kantri aninit long 100 yia tasol.

Yumi mas amamas long Melanesian kalsa pasin bilong yumi. I gat ol pait na wok long ol arapela kantri long pasin bilong lukim arapela olsem narapela narapela. Tasol long hia yumi no ting olsem. Olsem na yumi mas amamas long yumi yet long dispela.

Yumi gat planti samting long amamasim long Independens bikos em i taim bilong amamas long yumi yet.

Yumi em wanpela bikpela kantri long Saut Pasifik we yumi yet i papa long en. Olsem na ol hevi bilong yumi bai bikpela. Tasol yumi gat planti kainkain strong na dispela i soim pret long planti arapela.

Sori tu olsem dispela tok tru i ken mekim yumi kamap isi long kisim hevi. Tasol yumi



• Praim Minista Sir Michael Somare

no ken bilip long ol kainkain traim i wok long kamap na bagaramim nem bilong yumi.

Sir Michael i tok yumi noken toktok planti long wanem samting yumi i abrus long mekim tasol yumi mas lukluk nau long wanem samting yumi inap mekim na kamapim.

PAPA LONG GRAUN em bikpela samting we i gutpela long ol pipel. Planti pipel long wol i no papa long graun bilong ol. Na olgeta pipel bilong Papua Niugini i gat hap graun bilong go bek long en. Tasol mipela i wok long kisim fri helpim i kam yet. Yumi mas yusim gut dispela bikpela samting gut bai komyniti na kantri bilong yumi i ken kisim gutpela amamas long wanem kaikai i kamap long en. Long las yia amass yupela i bin kisim step i go fowet long kamapim ekonomik independens?. Dispela i no inap kamap kwiktam tasol mipela i mas stat nau.

Man meri i mas sanap wantaim na wankain em bikpela samting yumi ken senis. Tasol nau em i mas as bilong amamas bikos long Independens yumi soim seken klas sitisensip bilong yumi. Yumi kamap fri pipel husat i ken go long olgeta hap na ino inap pret long taim tambu (kefiu) we ol

waitman i kamapim long bipo.

Sapos yumi inap, yumi ken wokabaut i go insait long ol stua na hotel we bipo ol pipel bilong yumi i tambu long go insait.

Bikpela samting em mama lo i luksave long man na meri olsem wankain long Independens. Bun bilong dispela i bin sanap pinis long bipo na tude ol senis i wok long kamap na nupela lejislesen i kamap long stretim em long wok gut long sevim ol man na meri wantaim.

Yumi gat 5.2 milien pipel tude. Bipo yumi i gat 2.8 milien pipel long taim blong Independens.

Tude yumi gat planti skul, haus sik na eid post tasol sevis i helpim olgeta pipel gut bikos populesen (namba bilong ol pipel) bilong yumi i wok long groa hariap tru.

Sir Michael i tok bai nesenel gavman i toktok long dispela eria bilong lukluk mak we namba bilong ol pipel i wok long groa long en tude. Ol bai lukluk tu long daunim dinau kantri i gat tude i kam daun long mak we yumi ken lukautim na i mas ron wantaim Medium Tem Developmen plen we i sut long ol hevi bilong sais bilong pablik sevis.

Olsem na ol pipel

bilong Papua Niugini yu ken lukim, i gat planti wok long mekim tasol long tude yumi go het na amamasim dispela rot yumi bin kam long en long bipo inap tude. Yumi em yangpela kantri we i wok long groa na bihain taim bilong em tu i stap long han bilong em yet. Gutpela was bilong God yet bai kisim yumi i go het wantaim gutpela sindaun na gutpela bel na tingting. Mi laik tok Gutpela Hepi Eniveseri i go long olgeta Papua Niugini na ol pipel i stap long dispela kantri.

M T SOMARE GCMG
CH, K St J



• 1975 taim Praim Minista Sir Michael Somare i bin Sief Minista i mekim tok promis na leit Sir John Guise i sanap na lukluk.
FAIL FOTO



PAPUA NEW GUINEA
FOREST AUTHORITY

INDIPENDENS TOK HAMAMAS

Ol Menesmen na wokman na wokmeri bilong Papua Niugini Fores Atoriti salim bikpela tok hamamas igo long Gavman na pipol bilong Papua Niugini long makim 29 yia bilong independens bilong kantri bilong yumi.

Taim yumi hamamasim dispela bikpela dei Septemba 16, 2004, mipela askim yupela wanwan long lukautim gut ol turis i kam long ovasis, sampela bai kam long stap wantaim yumi long independens selebresen tasol.

Lukautim ol gut na soim ol pasin tru em yumi ol pipol bilong Papua Niugini save hamamas. Mekim bai raun bilong ol long dispela gutpela kantri bilong yumi bai go gut tasol.

Soim pasin long ol we bai ol ken go na tokim ol narapela long ples bilong ol olsem Papua Niugini em wanpela gutpela ples stret we ol pipol i save stap hamamas tasol.

Hepi selebresen PNG!

PNGFA bai go het wantaim ol wok forestri long strongim ikonmik bilong kantri bilong yumi.

TERRY WARRA
A/MANAGING DIRECTOR

Toktok bilong Seketeri bilong Edukesen Peter Baki CBE

TOK I GO PAS

Gritings i go long olgeta Papua Niugini long 29 Independens Eniveseri.

Taim yumi redi long amamasim dispela bikpela de, yumi mas tingim bek long wanem samting yumi bin kamapim long edukesen bilong yumi.

Edukesen na rit na rait em bikpela samting long developmen, gutpela sindaun na go het bilong kantri. Long 1975 Independens i kam Edukesen i bin kamapim bikpela senis long developmen bilong Papua Niugini.

OI SENIS I KAMAP ANINIT LONG RIFOM

Yumi ken amamas long ol dispela senis taim rifom i bin stat long 1992. Ol dispela senis em;

- Developim elemen-tri skul, muvim gret 7 na 8 i go long praimer skul na opim sekenderi skul

- Moa sumatin i go long skul we namba i abrusim mak bilong populesen i groa long en.

- Moa pikinini meri i go long skul nau

- Ol nupela samting long lainim long klas-rum bikos long senis long ol buk na lessen

- Gutpela senis nau long ol pri sevis na insevis tisa.

Ol dispela senis i kamap gut bikos long bikpela hatwok bilong planti lain wantaim ol edukesen menesa, nesenel na provinsal politisen, sios na ol arapela NGO na ol ovasis helpim na ol lon ejensi (ol lain i save givim dinau).

Bikpela amamas i mas go long ol tisa husat em ol lain bilong karimaut olgeta dispela senis na wok long skul.

Taim yumi i amamas long ol gutpela samting i kamap, yumi luksave tu olsem i gat ol hevi tu i stap we i mas i gat moa wok.

Ol dispela em;

- gutpela edukesen i no go long sampela pikinini

- ol sumatin i lusim skul hariap na ino pin-isim praimer edukesen.
- Nogat inap stret-pela vokesenel trening yet

- Pei rol system

- Stetim ol tisa long ol bus na longwe skul

- Hevi bilong lo na oda hevi

- HIV/AIDS

Maski ol dispela hevi i stap mipela i mas wok strong long kamapim gutpela edukesen long ol pikinini bilong mipela.

Mipela i lukluk tu long ol nupela pasin bilong bihain taim long developim ol yangpela pikinini bilong mipela long i gat pasin bilong rispek, bihainim gutpela pasin, yusim save na tingting long mekim samting stret na i ken kamapim samting we i ken helpim ol taim ol i kamap bikpela man-meri.

Olsem na olgeta lain long provinsal na lokal gavman, ol papamama, komyuniti, sios, NGO na intanesenel grup olgeta i gat bikpela wok long helpim bikos ol i bin helpim long developim edukesen insait long Papua Niugini.

Planti gutpela senis i no inap kamap tu tasol bikpela helpim i save kam long AusAID, European Union (EU), Japanese International Cooperation Agency (JICA), United Nations Children's Education Fund (UNICEF) na New Zealand Government. Sampela yia i go pinis United Nations Population Fund (UNFPA), United Nations Education, Science and Cultural Organisation (UNESCO), World Bank, Asian Development Bank (ADB) na German na Chinese Governments i bin helpim edukesen bilong PNG wantaim kainkain projek.

Mipela i tenkyu long sapot bilong ol. Sapot bilong ol bai helpim long kamapim National Education Plan bilong 2005 inap 2014.

Ol tisa tu i mekim bikpela hatwok. Ol i bikpela samting long yumi bikos ol i gat bikpela wok bilong skulim na stretim ol pikinini bilong mipela long kamap gutpela pipel long bihain taim.

PINISIM TOK


Long pinisim tok mi askim yupela olgeta long kamapim ol gutpela samting wantaim nupela tingting na aidia long traim kamapim

gutpela rot bilong gutpela edukesen i ken ron long en.

Ol pikinini bilong mipela em ol bihain taim bilong yumi. Yumi mas opim dua long ol long kisim gut edukesen bai ol i ken mekim gutpela na stretpela disisen long laip bilong ol.

Long makim Dipatmen bilong Edukesen, ol wokman, ol tisa, papamama na ol sumatin, mi laik tok hepi na gutpela amamas.

**PETER M BAKI CBE
SECRETARY FOR
EDUCATION**




Prins Charles i sindaun long sia bilong Spika long olpela Haus Asembli long 1975 long taim yumi kisim Independens.
FAIL POTO

SAPOTIM LAW NA IASTIS SEKTA NA MEKIM PNG I KAMAP SEIF NA GUTPELA ENVIRONMENT LONG YUMI OLGETAI

*Hepi 29th
Independens Anivesari!!*

**Australian Government
AusAid**

For further information Contact, Media Advisor LJSP
P.O. Box 840 Port Moresby
Ph: 325 9609
Fax: 323 4233
email: joekanekeacil.com.pg



Hiri Moale tu bai meknais long Independens wiken

• Em ol dispela kain bilas na singsing we bai paia lait long dispela wiken bihain long 29 Independens selebresen bilong Papua Niugini i pinis long Fonde. Dispela em wanpela so bilong pasin tumbuna we i save kamap long olgeta yia wantaim Independens de.

HIRI Moale em wanpela bikpela so bilong ol pipel bilong Papua na Galp provins we ol i tingim bikpela pasin poroman ol tumbuna bilong ol i save mekim long karim ol kaikai na ol bilas na ol samting i go i kam na senisim long narapela narapela. Insait long dis-

pela bisnis bilong senisim ol kaikai na ol samting namel long ol Papua na Galp, ol i kamapim poroman na strongim dispela wok bilong ol i go i kam. Tumbuna stori bilong ol long bipo long dispela pasin i wok long kamap yet olgeta yia we ol i save kamapim bikpela so

long tingim. Ol i save soim ol bikpela bikpela kanu we dispela kain kanu tasol em ol i save pul long en na brukim bikpela solwara long Papua na igo daun long Galp na pul i go bek gen. Ol i kolim ol dispela kanu em lagatol.

Dispela Independens wiken bai Hiri Moale festival tu bai pairapim so bilong ol tu long Mosbi siti. Bai so bilong ol i stat long Fraide 17 na i go pinis long Sande 19.

Dispela so em ol bai soim ol pasin tumbuna bilong ol long singsing na danis, soim wanem kain samting ol i save wokim long han olsem ol bilas bilong nek na han, ol purpur na planti arapela samting moa ol pipel i save mekim long han we ol tumbuna i bin mekim na yusim na ol i wok long yusim tude.


Dispela bikpela so i save kamap long Konedobu olgeta yia we ol tumbuna singsing na ol maket i save kamap long hap. Ol arapela resis bilong kanu na arapela pilai i save kamap arere long Ela Bis nambis we planti pipel bilong Mosbi siti i save kamap long lukim na amamas long lukim kainkain pilai na singsing we i save kamap.

Dispela Hiri Moale so i save kamap long

olgeta yia wantaim bikpela Independens de bilong Papua Niugini. Tasol Independens de em wanpela de tasol na Hiri Moale bai go moa long tripela de. Insait long dispela so tu ol i save makim kwin bilong Hiri Moale festival. Ol i kolim dispela em Hiri Hanenamo Kwin.

Dispela em yu ken lukim ol yangpela meri Papua i bilas tumbuna na kamap soim tumbuna danis na bilas bilong ol na soim save bilong ol long pasin tumbuna bilong ol. I gat ol kain samting olsem ol bikman bai askim ol kwesten long painimaut sapos ol i klia gut long pasin kalsa na pasin tumbuna bilong ol. Wanpela meri tasol i save win na kamap Kwin bilong Hiri Hanenamo. Olgeta yia i save gat nupela resis gen na nupela meri i save kamap na kisim ples.

Kanu resis tu em wanpela bikpela so long soim stail na pasin bilong ol long pul long kanu we kanu em namba wan trenspot tru bilong ol pipel long i go i kam long senisim ol kago na kaikai wantaim ol Galp pipel. Dispela tumbuna pasin i go bek longpela taim tru na i gat strongpela pasin poroman i bin kamap namel long ol inap nau.



• 2003 meri Hiri hanenamo

The Public Officers Superannuation Fund is now approved as an Authorised Super Fund (ASF) by the Bank of Papua New Guinea.

We at POSF recognise that not only have we guardianship over the funds of many thousands of our country's workers, but also have the eyes of the people of Papua New Guinea and the investment community both here and internationally.

We strongly believe that adherence to sound and responsive corporate governance and prudent financial practice directly adds value and increases wealth. We are committed to our members' interest.



a new future with posf

“ POSF looks forward with confidence to our country's future as we all celebrate our 29th Anniversary of Independence ”

Era Rumana Building, Champion Parade
PO Box 483 Port Moresby Papua New Guinea
Telephone (675) 309 5200 Facsimile (675) 321 7606
www.posf.com.pg



SPEAKER

29 INDEPENDENS ENIVESERI TOKTOK BILONG HON JEFFERY NAPE, MP. SPIKA BILONG NESENEL PALAMEN I GO LONG KANTRI.

Papua Niugini em naispela kantri tru wantaim planti kainkain samting bilong bus graun na planti risoses na planti kainkain pasin tumbuna na tok ples na ol pipel.

Dispela kainkain pasin tumbuna, tok ples na ol pipel em ol bilas na strong bilong yumi. Ol dispela samting we i givim strong long yumi i ken bagarap bihainim pasin nogut bilong yumi yet, yumi no lukautim gut ol dispela samting na pasin stil na haitim ol samting na pasin nogut bilong kamautim ol dispela samting nating nating inap mekim ol pipel bilong yumi i kros na stap bruk bruk.

Long dispela 29 Independens Eniveseri yumi olgeta pipel bilong dispela naispela kantri na ol lida insait long politiks, gavman, bisnis, sios na komyuniti olgeta i mas stretim mipela yet na kamap olsem wanpela pipel bilong wanpela kantri, wanpela mama lo na wanpela Nesenel Palamen.

Yumi mas yusim dispela taim long bungim ol strong bilong yumi, ol hevi yumi gat, wanpela gutpela rot yumi laik bihainim na wanem kain hevi kantri bilong yumi i bungim. Yumi mas skelim gut ol dispela hevi, kos na wanem hevi yumi bungim pinis insait long kantri na kirap long dispela na lukluk long nupela rot bilong go het.

Nupela rot yumi laik go long en i mas sut long kirapim gutpela ekonomi (bisnis) we yumi yet i kamapim. Yumi olsem lida wantaim ol ekonomik edvaisa na ol plena i mas stretim rot bilong kantri i go fowet long en we ekonomi i ken kamap gut na i no bilong kisim ol aid (helpim mani) i kam long arapela lain we yumi bai wok long kisim strong yet long ol ausait helpim.

Dispela naispela kantri bilong yumi i bin kisim independens 29 krismas i go pinis. Olsem na yumi i mas kamapim gutpela ekonomi long save na strong bilong yumi stret long kamapim strongpela na gutpela kantri bilong ol pikinini na ol pikinini bilong ol long bihain taim. Dispela em salens yumi karim tude. Na sapos yumi ol lida, ol bisnis man na meri, ol savemanmeri na olgeta wokmanmeri bilong tude i no tingim ol hevi bilong yumi na stretim gut rot bilong bihain taim, husat gen bai mekim dispela?.

Long ol yia i go pinis yumi i bungim planti samting pinis we i gutpela na nogut. Olsem na wanem ol samting we i no bin kamap gut long yumi long kantri em yumi noken lukluk tasol. Yumi mas lukluk long ol rot bilong stretim na kirapim strong bilong yumi long go het moa long painim gutpela senis na amamas.

29 yia i go pinis kantri bilong yumi i bihainim sampela rot we i no stret na yumi i kisim planti hevi long ol dispela rot yumi yet i bin kamapim na bihainim. Tasol dispela i no ken daunim yumi long kamap wantaim nupela senis bilong abrusim ol olpela hevi yumi bin bungim pinis. Yumi mas tru na stret long kamapim gutpela na strongpela ekonomi na independens.

Yumi ol lida long kainkain wok yumi holim olsem long bisnis, politiks o gavman, yumi mas daunim yumi yet na pilim olsem yumi yet i bin kamapim ol dispela polisi na disisen we i no bin gutpela long kantri na ol pipel. Olsem lida mipela i mas sanap stret long karim hevi bilong kantri na kamapim gutpela na strongpela kantri we i ken pinisim hevi bilong sot long mani na kago na kamapim gutpela agrikaisa, fiseris na forestri developmen long kamapim ekonomi we i kamap long strong na hatwok bilong mipela stret.

Mipela i mas tokaut olsem mipela yet i gat hevi namei long mipela yet we mipela i mas stretim gut. Ol hevi olsem pablik sekta menesmen na ol rot bilong sevis i ron long en i go long pipel we i gat planti hevi long en. Olsem na i mas gat bikpela senis long dispela sait long lukim ol sevis i ron gut i go daun long pipel. Mipela i mas toktok tu long hevi bilong korapsen na lo na oda hevi long olgeta level bilong gavman. Mipela i mas lukluk long hevi bilong helt na edukesen we i no go daun gut na stretim. Yumi mas toktok long hevi na sindaun bilong ol yangpela bilong yumi, ol mama bilong yumi, ol pikinini bilong yumi na ol pipel husat i save pilim olsem ol i turangu lain bilong dispela kantri.

Olgeta dispela em yu ken lukim olsem i bikpela tumas tasol bikpela samting em long go het maski ol samting ya i hat na hevi. Yumi pas pinis long ol dinau bilong yumi long ovasis. Prais bilong ol kaikai na ol samting i stap antap yet. Interes bilong ol dinau i bikpela long ol benk na i no isi long ol pipel na ol bisnis pipel bilong dispela kantri i yusim ol dispela dinau long ol wok bilong ol. Strong bilong kina i wok long soim sampela gutpela piksa olsem em i wok long kirap. Tasol hevi bilong lo na oda i wok long stopim gro bilong ol bisnis, ol indastri, komes, turis na ol wok i no kamap gut long ol manmeri i ken gat

wok. Planti trenspot, komyunikesen, helt, edukesen na ol arapela sevis insit long kantri i bagarap bikos i nogat mentenens na lukluk long ol.

Olsem kantri mipela i mas sanapim rot na mak bilong go long en. Bikpela samting em long wok i go fowet long kamapim gutpela ekonomi na independens na daunim ol hevi insait long komyuniti olsem lo na oda hevi, ol bagarap, nogat wok, stopim ol manmeri i kam nating nating ol taun na siti na kamapim gutpela sevis we i ken sapatim laip na sindaun bilong ol pipel bai ol pipel i noken sot long ol kain bikpela sevis ol i mas kisim long sapatim ol.

Olsem kantri mipela i gat wanpela bikpela hevi tu. em Sik AIDS. Olgeta pipel long olgeta hap i mas save long dispela sik. Ol pikinini na yut bilong tude i mas kisim save long dispela sik i save kamap olsem wanem. Dispela sik we i nogat marasin bilong en na i wok long kilim planti milien pipel insait long wol na tu long Papua Niugini.

Namba wan taim tru Papua Niugini i yusim nupela lo bilong vot ol i kolim Limited Preferenset Voting Sistem (LPV) insait long ol bai ileksen na bai olgeta pipel i yusim long 2007. Dispela LPV sistem i oraitim wanpela man wantaim planti vot long win. Dispela sistem bai wok gut sapos ol pipel yet, ol kendidet na ol sapatim i luksave long raits bilong wanwan long vot na i no long pretim ol long vot we i kamap pinis long planti ileksen long bipo. Em nau bai mipela i ken i gat gutpela lida bilong ranim kantri na kisim kantri i go fowet. Nesenel Palamen i karimaut lo bilong Intagriti ov Politikel Pati na Kendidet insait long namba 7 Nesenel Palamen. Sampela samting na disisen we Sia (Spika) i mekim o karimaut i no bin go daun gut long tingting na save bilong pipel bilong dispela kantri. Tasol Spika i tok klia olsem em i mas banisim gut ol memba bilong palamen na mekim klia sanap bilong ol politikel pati na ol memba bilong ol. Liklik as tasol long intagriti Lo em long mekim kamap gutpela politiks we gutpela gavman i ken sanap antap long en. Bai dispela yangpela kantri bilong mipela i kamapim gutpela gavman long karimaut gut olgeta polisi bilong em long putim kantri bilong mipela stret long rot. Dispela em wanpela samting we yumi ol pipel i mas tingting gut long en.

Bai 2005 baset bilong kantri i kamap long mun Novemba bihain long Palamen i bung long Oktoba na toktok long en. Olsem na long dispela taim bilong independens mi laikim ol pipel bilong Papua Niugini long save olsem i gat gutpela sain bilong ekonomi i wok long kamap gut nau. Intanesenel risev bilong mipela i go antap gut tru, eksens reit tu i sanap strong long sampela taim nau, inflessen reit bilong yumi i kam daun na foren eksens risev i wok long kamap strong nau. Ol dispela gutpela senis i kamap bikos long gutpela menesmen bilong Nesenel Gavman. Olsem na yumi inap tok olsem tupela sait wantaim long haus i mas sapatim 2005 baset long kamap. Baset we i sut long stretim ekonomi em trupela rot i go fowet long kantri nau. Yumi i no inap pilai politiks taim yumi yet i lukim ol gutpela senis i kamap long ekonomi. Long gutpela ekonomi na gutpela rot i go het, ol arapela rot bilong developmen na tingting i ken kamap. Long dispela wei tasol bai kantri bilong yumi i ken go gut na ol pipel bilong mipela bai kisim gut ol kaikai bilong ol dispela gutpela senis.

Gavman bilong Sir Michael Somare i wanbel wantaim gavman bilong Australia long kisim ol Enhens Kopresen Program (ACP) em ol pablik sevis wokmanmeri bilong Australia i kam wok wantaim ol gavman opis bilong mipela long mekim ol wok i ron gut na kamap gut long karimaut sevis i go daun Olsem na dispela program i mas kisim sapat na wok bung wantaim bilong olgeta pipel bilong mipela long pablik na praivet long mekim em i kamap gut.

Antap long ol dispela toktok mi laik askim olgeta pipel bilong dispela kantri long mekim samting gut wantaim gutpela tingting na pasin. Yumi mas wok na go het olsem wanpela kantri na wanpela pipel. Yumi mas sanap bung wantaim long mekim kantri bilong yumi i kamap gut na stap gut. Dispela em kantri bilong yumi. Wanpela kantri tasol yumi gat. Olsem na yumi mas mekim i kamap olsem paradais bilong yumi olgeta.

Mi laik tok olsem dispela 29 Independens Eniveseri bilong Papua Niugini bai naispela na gutpela tru long yumi olgeta pipel i tingim.

Bel isi bilong God i ken Blesim yumi olgeta.

HON. JEFFERY NAPE
Speaker of National Parliament

Mekimsave bilong lo i stret o nogat?

Yu ting wanem long pasin bilong mekimsave long man i no mekim bikpela trabel na long man i mekim bikpela trabel o hevi em i go fri? I luk olsem kot i save lusim man i stilim K3 milien i go fri na man i kisim K100 o stilim wanpela tin pis long stua i go kalabus. Nau yet i gat lo i tok ol memba bilong palamen na ol sief eksekutiv bilong wanwan dipatmen o grup i no mas kisim moa long 10-pela krismas kalabus, maski ol i mekim bikpela trabel. Tasol ol liklik man i ken go kalabus moa long 10-pela krismas. Ripota Paul Zuvani i lukluk raun na askim ol manmeri long tingting bilong ol.



Michael Ivarami

Michael Ivarami i bilong Mikarew, Bogia Madang provins. Em i wok wantaim Telikom bipo tasol nau i stap tasol long ples.

John Yuale

John Yuale i bilong Kundiawa, Simbu provins, na em i save stap long setelmen long Pot Mosbi.

Em i tok kain pasin i ken mekim ol bikman i laik stil moa yet. Ol i save olsem lo bai i no inap mekimsave long ol.

"Sapos wanpela lidaman i lukim narapela i kisim kain mekimsave em tu i laik bihainim pasin bilong em.

"Dispela long wanem bipo lidaman husat i mekim trabel em lo i isi long em.", Yuale i tok.

Sapos yumi tok long stopim korapsen orait ol lidaman i mas go pas long karim ol hevi i pas long pasin nogut, em i tok.

"Mi ting em i no stret sapos lidaman i mas i go fri taim em stilim bikpela mani o mekim bikpela trabel i go fri na man nating i kisim bikpela mekimsave. Dispela em i no stret.

wankain mekimsave, em i tok. kalabus o nogat pinisim laip bilong ol. "Sapos yumi mekim olsem tasol i go yumi bai lukim moa mani bilong kantri i go lus nating long han bilong dispela ol bikman. Ol MP o sief eksekutiv husat i stil i no trupela lidaman. Ol i giaman manmeri tasol.



Philip Kame

Philip Kame i bilong Kaintiba, Malalau Galp provins, em i wanpela patrol opisa long Malalau. Em i tok kain pasin bilong larim ol bikman husat i mekim bikpela asua long komyuniti i nogut. Em i ken kamapim planti birua pasin na hevi long komyuniti na sosaiti bilong mipela. "I luk olsem dispela toktok olsem i gat tupela lo wanpela bilong ol bikman na wanpela bilong ol liklik man i tru. Sapos kain olsem larim olgeta man i bosim samting bilong ol yet. Dispela long wanem sapos ol bikman i lukautim ol samting bilong mipela ol samting bai i inap pau isi long wanem dispela ol samting i stap klostu long ol. Na sapos ol i paulim o stilim kot bai i no inap long mekimsave long ol.

Jackson Mare



Jackson Mare i bilong Angoram, Is Sepik provins, na em i stap long Pot Mosbi. Em i tok lo bilong kalabusim ol bikman aninit long 10-yia i ken kamapim bikpela hevi long kantri. "Yu save mipela i gat bikpela hevi long pasin bilong mipela. Kain lo i ken mekim moa stil pasin. Ol bikman bai stilim yet planti mani long wanem ol i save ol i no inap kisim bikpela mekimsave. Em bai mekim ol liklik man i belhat long skruim yet pasin bilong ol mekim raskol pasin. Na olsem em i no stret long ol manmeri bilong kantri i gat tupela lo i lukautim ol, wanpela bilong ol bikman na wanpela bilong ol liklik man. Olgeta man i wankain bipo long lo na olsem olgeta i mas kisim wankain mekimsave long wanem asua ol i mekim.

Duba Wavi

Duba Wavi i bilong Morobe Patrol Pos, Morobe provins.

Em i tok: "Dispela ol man husat i kisim bikpela mani ol bai go investim na kisim bikpela mani moa yet long nem bilong ol. Na olsem ol i stilim moa mani.

"Taim kot i givim liklik mekimsave long ol bikman em i tokim ol bikman long go het long stilim mani.

"Long wankain taim em mekim olgeta man i resis long kamap bikman olsem ol i ken stil tu na bai i no inap long kisim mekimsave.

"Na pasin korapsen bai i mas go moa yet. Ol bikman i tok long pait egensim korapsen tasol ol i yet i go long mekim dispela pasin."

Brian Kapak



Brian Kapak i bilong Wes Kos bilong Manus, Manus provins. Em i wanpela sosol saiens sumatin long Yunivesiti ov Papua Niugini.

Em i tok em i no stret long ol bikman i kisim liklik mekimsave.

"Olgeta man i mas kisim wankain mekimsave long wanem asua em ol i mekim.

"Sapos ol lidaman i ting em i orait long ol i mekim olsem orait ol i mas kisim bikpela mekim. Long ai bilong God olgeta manmeri i wankain.

"I nogat wanpela bai narapela long ol bikman na narapela em bilong bikman. Olgeta bai kisim wankain mekimsave. Lo bilong gavman na mekim save ol lida i mas kisim i mas i wankain long dispela bilong yumi ol liklik manmeri tasol.

Larry Tommy

Larry Tommy i bilong Henganofi, Isten Hailans provins, na em i stap long Pot Mosbi. Em i tok pasin bilong larim bikman husat i mekim bikpela asua i go fri i ken kamapim moa trabel. "Ol manmeri bai go moa yet long stilim bikpela mani long wanem ol i save kot i no inap long mekimsave long ol. Moa ol mani bilong kamapim gutpela sindaun bilong ol pipel long kantri bai go long han bilong wanwan ol manmeri em komyuniti i lusim samting bilong ol long han bilong ol. Liklik ol manmeri bai i belhat long kain lo na bai i laik bagarapim ol samting. Planti manmeri bai bungim hevi. I nogat gutpela sindaun long



Lukas Sam

Lukas Sam i bilong Okapa, Isten Hailans provins. Em i wanpela teksi draiva long Pot Mosbi. Em i no amamas long kain disisen bilong kot long larim ol bikman i go fri na ol liklik manmeri i kisim mekimsave long han bilong polis na ol woda.

"Mi ting em i no stret long lo i tok ol bikman bai kisim liklik mekimsave na ol liklik manmeri i kisim bikpela mekimsave maski ol i no mekim bikpela asua. Aninit long lo bilong God na lo bilong gavman olgeta manmeri i wankain. Ol i mas rausim dispela lo na putim o bihianim lo we i sasim bikman na liklik man wantaim long wanpela lo.

Lukim Wantok Niuspepa neks wik long skelim tingting na bekim bilong ol manmeri long narapela askim.

CATHOLIC RADIO schedule

Table with columns for time slots (6:00 to 10:50), program names (e.g., ANGELUS, VATICAN ENGLISH PROGRAM), and broadcast details (e.g., 6:00, 6:05).



Raun wantaim Kanage olgeta wik

Wanpela meri Goroka i dring spak nogut tru na Kanage ting meri ya i aut na em bai traim lak long en.

Olsem na Kanage askim, yu laikim wanpela botol a?.

Na meri Goroka tok, yu ting mi paol meri bilong yu na bai yu traim mi.

Mi dring long mani bilong mi yet. Kanage na tok na sanap kisim win sanap i stap.

Bihain meri Goroka dring i go na laik laitim hap spia bilong em na painim paia na isi tasol Kanage rausim masis long poket na tokim em, masis i stap, yu welkam tu mi.

Meri Goroka harim na save olsem Kanage lokim em long masis nau olsem na em kirap na pulim masis long han bilong Kanage na laitim hap spia pinis na tokim em, paia bilong yu i no lait strong.

Ating yu tu yu no fit long lait strong. Ai bilong pablik ol i harim na Kanage kaunim star na tekov.

Masta Wai

Mosbi

Kanage i les pinis long sanap long dua bilong bas olgeta taim long morning taim em i kamap long pmv na go long wok.

Olsem na wanpela taim em i sanap long bas stop na taim wanpela bas i kam stop, boi ros i kalap na go sindaun long sit klostu long dua.

Tasol ol manmeri kalap i kam yet na dua i pulap long ol manmeri i sanap.

Namel long ol em wanpela meri tu i sanap long dua.

Orait boskru i askim Kanage sapos em i ken sori long meri ya na larim em sindaun na Kanage i ken sanap.

Kanage harim na tok, em pestaim bilong mi long sindaun ya. Olgeta mun yia i go pinis mi wok long sanap tasol long dua.

Sapos meri ya i laik sindaun orait tokim em i kam sindaun na karim mi.

Olgeta lain i lap nogut tru long Kanage.

Isi tasol boskru i givim sit bilong em na meri ya i sindaun na bas i ron.

Kanage Fan

Mosbi

Kanage em draiva bilong minista na em i save eking olsem wanpela biksot politisen taim em toktok long ol manmeri.

Wanpela taim em go wantaim minista long wanpela miting na em sanap long sait bilong minista taim minista i wok long toktok.

Taim minista i toktok bai Kanage i bikmaus long sait olsem, em stret, that's rait. Em wok long mekim olsem olgeta taim i go na em ting em kempen long ileksen na em bikmaus long sait.

For good gavman, isi sevis and fri everything. Bihain long miting i pinis minista tanim na tokim Kanage, draiva tasol em abrusim mi long politiks ya. Ating bai mi nominetim yu long jenerele ileksen. Kanage harim na tok, betim wining hos, em bai kam horn ya. Olgeta lain long kar i dai long lap na ol i ron i go long haus.

Kiso Kots

Manus

Kanage i lukim piksa bilong ol man i pilai soka na kaikai drai bisket long

hap taim na em tingting planti olsem wanem na i nogat koka kola o kol wara long kolim nek wantaim.

Tingting bilong Kanage i wok i stap na em i kisim wanpela tingting long bihainim ol dispela lain soka tim long kaikai bisket bilong ol.

Olsem na wanpela wiken em i karim tipot wantaim kap na go long soka fil na wetim dispela soka tim i save kamap long piksa long ol i mas kam na pilai.

Dispela soka tim i bin kamap na pilai na Kanage stat long boilim ti wantaim ol kap pepa na katen long sait na wetim hap taim bai ol boi i kam aut long kisim win. Long hap taim Kanage karim kap ti na ron i go long hap ol boi i kam sindaun na kisim win.

Taim kosa i toktok long ol boi long hap taim Kanage i ting bai ol i kaikai bisket long bihain olsem na em redim kap ti bilong em na sindaun gut i stap.

Taim ol boi i redi long go bek pilai na Kanage i no lukim wanpela bisket na em askim wanpela sagi boi olsem, hei pukpuk, bisket we, ti ya mi karim i kam ya.

Mangi sagi i lukim na tokim Kanage, yu stap we las wik. Kanage karim kap ti na wokabaut isi i go na singaut, em orait, nogat bisket bai yupela ius nogut tru.

Peter Kawas

Boroko

Kanage em boskru bilong wanpela pmv bas long Mosbi. Wanpela wiken bas i ron long kisim ol pasindia na Kanage saitim na kaikai buai gut tru i stap.

I no longtaim Kanage i laik spetim buai. Em spetim buai i go na win i karim buai spet i go tromoi stret long gläs bilong polis kar long baksait.

I no longtaim polis i putim blu lait i on na sairen i kra i na ol i ron long baksait bilong bas.

Ol i ron abrusim bas na askim draiva long stopim bas long sait. Taim bas i go stop, ol polisman i kam ausait wantaim ol tiages na sotgan na iro askim kwesten yet.

Ol i sekim ol pasindia tasol na kam long Kanage long boskru na lukim maus bilong em i pulap gut tru long buai.

Ol askim Kanage long kam ausait na tokim em, klinim ol dispela spet buai long polis kar nau tasol.

Taim Kanage klinim spet buai long polis kar pinis em kam daun na ol polis man spetim em gen wantaim buai gen na lusim em go bek long bas na ol tekov.

Dispela taim yu no inap luksave long Kanage bikos bai yu ting em wanpela pik kar i bamim na blut bagarapim nus pes bilong em.

Masta Wai

Mosbi

Misis bilong Kanage i no meri bilong kaikai buai. Tasol bel bilong em i hat olsem Kanage i westim planti mani tumas long buai olsem na em i laik kaikai buai tu bai mekim fea.

Wanpela taim em i baim wanpela spak buai na mekimsave long kaikai na em i no save olsem dispela buai bai kik bek long em. Em kilim skin long kaikai buai istap na tuhat i stat long ron long het bilong em na ai bilong em i stat long raun.

Bel bilong em tu i tanim na em pilim bikpela spak i kisim em. Em longlong wantaim ron i go long haus na painim aiswara long dring.

Kanage i sindaun isi na lukim piksa i stap na askim Misis, em wanem, yu kaikai mariwana o yu dring kararsin. Neks wik bai mi salim yu go bek long ples na planim buai.

Nogat nem bilong yu moa long siti, okei. Olgeta lain long haus i harim na dai stret long komplem bilong Kanage.

Anton Nawasi

Lae

Kanage dring spak long kawas klap na lukim wanpela meri i sindaun em yet na dring bia i stap.

Ai bilong Kanage i lok long meri ya na em i go baim tupela botol na wokabout i kam klostu long meri ya na givim wanpela botol long em na tok.

Rait meri mi lukim stail bilong yu long dring bia i nais tru winim ol spak man ya. Yu dring wantaim sens ya.

Ol man ya dring olsem bus kanaka ya. Na meri ya askim Kanage, yu yet olsem wanem, yu orait o nogat? Na Kanage tok, mi orait tasol lika i no wok yet.

Ol lain sindaun klostu i harim na dai stret long lap long tok bilong Kanage.

Masta Wai

Renbo

Kanage i dinau mani na i no bekim long potnait.

Papa bilong mani maket i kamap long ples wok long painim Kanage tasol em tekov pinis na givim eksius olsem em i go long benk na bai i kam bek.

Papa bilong mani maket i wetim em i go nogat na bel kaskas pinis. Em nau papa bilong mani maket i go long wanpela klap em save olsem Kanage bai i go wan botol i stap na em i go kamap na lukim Kanage wantaim ol poroman i apim botol i stap.

Em nau bikman ya i go kamap tasol tokim Kanage, bekim dinau em yu nogat, tasol long dring bia em yu bai i gat mani a?.

Hariap givim dinau mani bilong mi nau. Kanage harim na bel sut na tokim em, sori i no mi baim bia.

Em ol lain poroman i baim ya. Mi nogat tru ya, kam long Mande bai mi stretim yu. Sek em benk i no klaim yet.

Papa bilong mani maket i tok, em orait sapos benk i no klaim sek long Mande bai mi kam klaim nus long pes bilong yu.

Olgeta spakman i harim na lap i dai stret long Kanage.

Keru Bebe

Mosbi

Kanage i save laikim rais stiu bilong wanpela taka stua na olgeta taim em bai go kaikai long dispela stua tasol. Em save stori tu long ol poroman olsem dispela taka stua em ol i save kukim gutpela rais stiu stret.

Wanpela taim ol poroman tokim Kanage, planti manmeri long siti nau i wok long komplem long polis na siti atoriti olsem ol dok bilong ol i wok long lus long strit na banis ya.

Olsem na ol i askim sapos siti atoriti i salim ol polis na ol wokman long holim na kalabusim ol dok nabaut o nogat.

Tasol ol atoriti i tok nogat. Nau wanpela boi i tok, sekim ol lain i save raun nating long rot ya, nogut ol save raun painim dok long stiiim ya.

Na wanpela i tok, lukaut nogut ol dok i lus na stap pinis long ol sospen stiu na yupela sampela i kaikai pinis.

Teis bilong dok tu i save swit moa winim teis bilong pok, kakaruk na bif sapos ol kuk i putim rait kari na sol ya.


Sori Kanage harim na sikrapim nek long sait i stap.

Hox Gwans

Lae Morobe provins

Hepi independens olgeta rida bilong Kanage!!


Happy
29th
Independence
Anniversary
Papua New
Guinea



From the Management
and Staff of

Brian Bell & Co. Limited

Shop with a friend



Kumu i toktok



PENPREN

Nem: Evelyn Dadson
Krismas: 26 (meri)
Adres: Chapel Square Avenue, PO Box SW. 679, Agona-Swedru, Ghana, W/Africa.
Save laikim: Swim, wokabout long nambis, ridim buk na planti moa.

Nem: Agustina Diafa
Krismas: 19 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai volibol, softbol, soka, basketbol, go long lotu, bungim ol nupela pren, tok pilai na planti moa.

Nem: Nikita Killie
Krismas: 17 (meri)
Adres: Mercy Secondary School, PO Box 580, Wewak, East Sepik Province.
Save laikim: Bungim ol pren na stori nambaut na pilai volibol.

Nem: Shirley Mann
Krismas: 17 (meri)
Adres: Mercy Secondary School, PO Box 580, Wewak, East Sepik Province.
Save laikim: Bungim ol nupela pren, kukim kaikai, ridim buk, lukim TV, harim musik na go long danis, pilai spot na go huk na waswas long wara.

Nem: Pete Solo
Krismas: 21 (man)
Adres: PO Box 341, UPNG, National Capital District.
Save laikim: Ridim buk na niuspepa, raitim stori, waswas long wara, stadi na mekim pren.

Nem: Enerst Ramatlap
Krismas: 16 (man)
Adres: Aitape High School, P.O Box 63, Aitape, Sandaun Province.
Save laikim: Pilai soka, swimming long solwara na ridim buk.

Nem: Daisy Nabal
Krismas: 15
Adres: Aitape High School, P.O Box 63, Aitape, Sandaun Province.
Save laikim: Pilai ol gems, danis, mekim fani na kaikai buai.

Nem: Jonyboy Galow
Krismas: 18 (man)
Adres: Boinamo Enterprises Ltd, P.O Box 1799, Lae, Morobe Province.
Save laikim: Harim 94.7 FM Morobe na pasim taim long mekim musik long olgeta Fonde nait, pilai soka na basketbol.

Nem: Anton Aka
Krismas: 18 (man)
Adres: Lalume Block, P.O Box 299, Kimbe, West New Britain Province.
Save laikim: Pilai gita, pilai soka, tok pilai, raun long nambis na waswas long solwara.

Nem: Suraya Aihassan
Krismas: 26 (meri)
Adres: Queens Street, Box AD 614, Cape Coast, Ghana, West Africa
Save laikim: Raitim pas long ol pren bilong narapela kantri, raun lukluk long ol ples na kukim kaikai.



STORI TUMBUNA

BIPO wanpela man na meri bilong em i save stap long ples Amia long hap bilong Gumine sab provins. Nem bilong man em Olimi na meri em Dimaima.

Tupela i kisim planti samting olsem karuka, marita na sampela arapela samting tu i kam long dispela taim.

Long taim tupela i kam namel long bus, Olimi i tokim Dimaima long wetim em antap long maunten ol i kolim Olmukul.

Olimi i go long katim rop bilong wokim banis, olsem na meri bilong em Dimaima wet i go tasol ai bilong em i raun. Nau em i lukim wanpela naispela haus i stap we i gat planti kumu i stap arere long haus.

Dimaima i aigris nogut tru olsem na em i go klostu long dispela haus.

Long dispela haus i gat wanpela lapun meri i stap. Lapun meri ya i lukim Dimaima na tok, meri, husat i tokim yu kam long hia.

Na Dimaima i bekim tok, mi kam long slip na bai mi go bek

long tumora.

Lapun meri ya i amamas tru long wanem, em i laik kilim Dimaima na kaikaim em.

Long taim em i tudak nau, lapun meri ya i redim ol spia na bihain em i go kisim kumu long gaden.

Lapun i kukim kumu na givim long Dimaima, tasol Dimaima i pilim swit tru na aigris moa yet olsem na em i pinisim olgeta kumu.

Long nait nau taim Dimaima i laik slip na em i lukluk i go antap na lukim spia. Taim em i lukim spia bilong kilim man, em

i kirap na tok, mi laik go long toilet.

Dimaima i kisim liklik sit paia na i go olgeta long rot na i go pinis long Maunten Olmukul.


Lapun meri ya i ting Dimaima i stap yet long toilet, tasol nogat em i go pinis. Nau lapun ya i kisim spia na ron i go long kilim Dimaima na em i singaut 'kumu'. Na kumu insait long bel bilong Dimaima i tok yes long wanem, kumu bilong lapun i stap insait long bel bilong Dimaima. Bel bilong Dimaima i tok yes, i go i go taim lapun meri i singaut long kumu.

Dimaima i go pinis na i kamap long ples Mul na autim stori bilong lapun meri long Olimi.

Olimi i seksek nogut tru long lapun meri ya, na taim em i kam klostu Olimi i katim nek bilong lapun meri na em i dai.

Nau long dispela taim, ol man na meri i save go i kam long dispela rot long Bomai. Em long wanem, lapun meri ya i dai pinis.

**GUMINE
SIMBU PROVINS**



Manki ples wari long kain stap long taun

Dia Laiplain,

Mi gat 17 krismas na klostu taim bai mi gat bebi. Em gutpela nius long meri tasol long mi i gat 17 krismas na mi no marit, em i no gutpela.

Nau mi sori bikos mi nogat moa driman boi bilong mi long wanem em i lus pinis. Na bihain taim bilong mi i no gutpela bikos laip bilong mi long bihain taim i bagarap long samting i kamap. Sori bikos samting nais we mitupela i wokim i tanim kamap kranksi i go long samting bilong sem long en. Sori long pikinini bai kamap long dispela wol na sindaun i no gutpela. Sori na mi gat 17 krismas na mi larim laik i winim mi na nau laip bilong mi bai i no inap gutpela.

PLEASE HELP

DIA PREN

Mipela i sori long harim hevi bilong yu. Na tu, long pikinini bai kamap wantaim nogat bikpela laik bilong yu tumas long en. Tru, mipela i sori long samting i kamap tasol i luk olsem i gat samting yu ken wokim na samting i ken kamap gutpela.

Mipela i no klia sapos yu traim hat long tokim yangpela man yu laikim long kam bek long yu. Em i gat save tu olsem yu gat bel na yu wan i stap? Sapos em i no save, inap yu tokim narapela lain long tok-save long en. Dispela bebi em i bilong yutupela wantaim bikos yutupela i kamapim em. Na em i moabeta sapos em i save long en.

Sori tru sapos em i save na em i ronawe long responsibiliti o wok bilong em. Tasol sapos em bin stap yet wantaim yu, em bai i no inap mekim gutpela papa. Ating em i no inap yet long kamap wanpela papa o



em i gat sampela arapela samting long mekim na em i no laik kisim yutupela. Tasol wanem as tru na dispela man i no kam bek long yupela, traim kamapim gutpela laip long yu na bebi. Yu nau bai lukautim bebi inap em i bikpela. Papa na ol hauslain bilong yu bai helpim yu tu? Sapos yes, em i gutpela nius long yu na bebi. Ol bai helpim yu long lukautim bebi na tu, long sait bilong mani na kaikai tu.

Sapos famili bilong yu i no inap long helpim yu, yu ken go long welfea na kot long papa bilong bebi i peim mentenens. Sapos yu ken soim olsem em i papa tru bilong bebi, kot bai tokim em long peim mentenens. Na em bai wokim dispela long katim sampela mak long ol potnait pe bilong em inap em i gat 16 krismas. Yu ken lukim ol welfea klostu long yu.

Yu tok olsem bihain taim bilong yu i bagarap nau bikos long dispela samting i kamap. Yu pilim olsem wanem long bebi? Yu laik givim em long sampela lain long lukautim o nogat? Tingim gut dispela. Sapos yu no laik lukautim bebi, yu ken toktok wantaim ol famili bilong yu na tu, ol welfea lain.

Nogut yu save long wanpela famili husat i nogat pikinini tasol ol i laikim wanpela. Na ol bai amamas long lukautim bebi bilong yu.

Mipela i luksave olsem yu no amamas long we yu toktok long pas bilong yu. Taim ol manmeri i stap long dispela kain hevi na ol i rait i kam long *Laiplain*, mipela i luk-

save long ol dispela samting: Yumi ol man bilong graun na yumi save asua. Yumi olgeta em ol sinman. Boipren bilong yu i bin asua taim em i lusim yu na yu tu i bin rong long tok orait na wokim pasin bilong marit wantaim em. Namba tu, ol man i wokim sin em God i save lusim sin bilong ol sapos ol i tok sori na askim em. Jisas i bin dai long Diwai Kruse na i bin win long sin na kisim pasin bilong pogivim wanpela. Long kisim pasin bilong pogiv long Bikman em i karim gutpela piling bilong amamas na tenkyu. Yu save pilim dispela tu?

Namba tri em God i save pogivim yumi na em i askim yumi long wokim wankain long ol arapela i wokim rong long yumi. Yu inap long toktok long boipren bilong yu na tokim em olsem em i kamapim bikpela wari na hevi long yu? Sapos yu ken tokim em olsem yu pogivim em, em bai opim rot long em i luksave long pasin em i wokim we i kamapim hevi long yu na askim yu long pogivim em. Ating dispela kain rot bai helpim yu statim nupela prensip namel long yutupela na yutupela i ken wokim plen wantaim long kamapim gutpela laip bilong bebi bilong yupela.

LAIPLAIN

LAIPLAIN TOKSAVE

Sapos yu gat hevi o wari, rait i kam long Lifeline. P O Box 6047, Boroko, NCD. Yu ken ringim mipela tu long telipon namba 3260011. Mipela i no inap long autim trupela nem bilong yu long hia tasol taim yu rait long Lifeline, yu mas putim trupela nem na etres bilong yu na bai mipela i salim bekim long pas bilong yu.

EU wanbel long wok bung wantaim Pasifik

Neville Choi i raitim

YUROPIEN Yunion (EU) i tok orait pinis long opim rot bilong paitim toktok wantaim ol mausman bilong Pasifik Afrika, Karibien Pasifik Stet (PACPs) long kamapim wanpela Ikonmik Patnasip Agrimen (EPA).

Las Fraide long Nadi, Fiji, ol treid minista bilong wanwan 14 kantri insait long Pasifik i bin toktok wantaim ol bikman bilong EU long wanpela Rot Map o wanpela plen we ol kantri insait long Pasifik i bin bungim tingting long kamapim we bai i soim rot bilong wok bung insait long Pasifik aninit long lukaut bilong EU.

Dispela wok bung bai i karim kaikai long mun Desemba 2007 taim EU na ol kantri long Pasifik i stap aninit long ACP bai sainim ol bikpela agrimen ol i kolim Ikonmik Patnasip Agrimen (EPA).

Fraide i lukim namba tu hap bilong ol paitim toktok namel long EU na ol PACP we i bin stat long mun Septemba long 2002.

Ol dispela paitim toktok i bihainim wanpela arapela bikpela agrimen ol i kolim Cotonou Agrimen we i givim luksave long ol kantri insait long Pasifik long kisim helpim long EU.

Dispela namba tu hap bilong ol paitim toktok i kamap na long kisim luksave bilong EU long wanpela rot map i soim klia wok ol Pasifik kantri bai i mekim namel long nau na Desemba 2007 long stretim rot bilong EPA.

Minista bilong Treid na Indastri, Paul Tiensten, i bin makim maus bilong Papua Niugini long ol dispela paitim toktok. Eking Seketeri bilong Treid na Indastri, Alois Tabareng, i bin go pas long ol gavman opisa husat i bin go long paitim toktok long ol dispela samting.



• Minista bilong Treid na Indastri, Paul Tiensten (namel) i sanap wantaim ol mausman bilong treid bilong Vanuatu (Iephan) na Solomon Ailans (rait). Long taim bilong paitim toktok, Vanuatu na Solomon Ailans i soim bikpela sapot bilong ol long PNG olsem ol wansolwara tasol.

Ol treid opisa bilong olgeta kantri insait long Pasifik i bin bung long Nadi, Fiji, long Tunde we ol i bin paitim toktok namel long ol yet long kamapim dispela rot map bilong givim long EU long kisim luksave.

Long Trinde na Fonde las wik, Mista Tiensten na ol treid minista bilong ol arapela kantri i bin paitim toktok na long Fraide, olgeta i bung wantaim Pascal Lamy, Treid Komisina bilong EU na ol arapela bikman bilong EU long luksave long dispela rot map bilong Pasifik na kamapim dispela EPA.

Mista Tiensten i tok olsem em i amamas long ol paitim toktok i bin kamap namel long ol Pasifik kantri na tok olsem dispela EPA bai i opim rot bilong ol wok bung long kamapim nupela treiding agrimen wantaim EU aninit long Cotonou Agrimen.

Em i tok olsem dispela EPA

bai i no inap lukluk long tred tasol bilong wanem bikpela as tingting bilong en em long kirapim developmen.

"Dispela EPA bai opim rot bilong ol Pasifik kantri long

"Dispela EPA bai opim rot bilong ol Pasifik kantri long helpim ol yet."

helpim ol yet na bai ol i no inap wetim helpim i kam long ol dona ejensi.

"Dispela bai strongim ol long yusim ol risos bilong ol yet olsem graun, solwara, ol save bilong ol yet na wok bisnis bilong ol.

"Bikpela kaikai dispela bai karim em long strongim gro bilong ikonomi, daunim poveti o nogat gutpela laip na sindaun na suvim Pasifik rion i go insait long wok wantaim ol wol ikonomi," Mista Tiensten i tok.

Em i tok salens na bilong Pasifik na PNG em long wok

hat long luksave long dispela bikpela as tingting.

Mista Tiensten i tok PNG em i bikpela kantri insait long Pasifik olsem na mipela bai inap long karim bikpela hevi na mipela inap long kisim bikpela kaikai tu aninit long dispela EPA.

Em i tok long dispela as tasol na PNG i mas redi wantaim olgeta wok em i mas kamapim pastaim long Desemba 2007 na em i mas kisim helpim bilong olgeta bikpela gavman opis long helpim ol long karimaut dispela wok.

Mista Tiensten i tok em bai go pas long makim maus bilong PNG long taim bilong paitim toktok long sait bilong piseris, agrikalsa, forestri, maining na petroleum o ges.

Em i tok olsem dispela em ol bikpela samting we inap long karim kaikai bilong ol pipel bilong kantri na helpim sindaun bilong ol.

Tiensten amamas long toksave long gutpela toktok i kamap

TREID Minista Paul Tiensten bai toksave long Nesenel Eksekutiv Kaunsil (NEC) long ol gutpela toktok i kamap namel long ol Pasifik ailan kantri na Yuropien Yunion (EU) las wik.

Bikpela toksave em bai givim i go long NEC em olsem rot i op pinis long PNG long stretim rot long kamapim dispela Ikonmik Patnasip Agrimen (EPA) wantaim EU we bai i kamap long mun Desemba 2007.

Dispela agrimen bai i strongim wok bisnis namel long EU na ol Pasifik ailan kantri.

As tingting long dispela agrimen em bilong kamapim moa developmen insait long wan wan kantri insait long Pasifik bihainim ol wok bisnis.

Mista Tiensten i bin sindaun long wanpela kibung wantaim Treid Komisina bilong EU, Pascal Lamy na em i tokim em long wok redi PNG i wok long kamapim nau long redi long paitim toktok long EPA.

Em i tokim Komisina Lamy olsem PNG bai i mas i gat sampela helpim long sait bilong mani bai ol teknikel opisa bilong gavman i ken mekim wok long redi long Disemba 2007.

Ol lain teknikel opisa husat bai i go pas long makim PNG em wanpela EPA Negosieting Yunit. Dispela yunit bai go pas long plenim na kodinetim wok bilong redi bilong EPA.


Mista Lamy i tokim Mista Tiensten olsem i mas i gat gutpela wok redi bilong kamapim gut wanpela EPA, na EU bai givim mani na teknikel o save bilong helpim Ministri bilong Treid long go pas long dispela wok.

Mista Tiensten i tokaut olsem ol opisa bilong em bai bung wantaim mausman bilong EU insait long PNG long dispela wik long stretim dispela helpim.

"Mipela i no inap long westim taim. Mipela inap kisim bikpela kaikai long dispela EPA aninit long wok bung wantaim EU.

"Olsem na mipela i mas redi," Mista Tiensten i tok.

Akoitai sainim 16 nupela maining lis



• Hap graun bilong Mt Kare.

MINISTA bilong Maining, Sam Akoitai, i sainim pinis lis bilong 16 nupela main insait long kantri.

Ol dispela main i stap klostu long Maunten Kare.

Mista Akoitai i skruim tu laisens bilong Maunt Kare Eksplorasen we Madison Enterprises bilong Canada i wok long holim i stap.

Mista Akoitai i tokaut las wik Fraide olsem Madison i wok long mekim yet wok painimaut long sekim strong bilong gol long dispela hap klostu long Maunten Kare.

Aninit long Maining Ekt, Madison i bin painim hat long mekim

wok bilong ol bilong wanem i gat ol ausait lain husat i wok long giamanim ol papa graun wantaim ol paol toktok.

Mista Akoitai i tok dispela nau em i sans bilong ol investa olsem Madison na long ol papa graun long wok bung wantaim na em i gutpela sans tu bilong ol papa graun long Maunt Kare long lukautim wok bisnis bilong ol yet.

Nautilus Minerals, wanpela kampani husat i wok long painim kopa na gol long solwara long Nu Ailan tu i kisim wanpela laisens bilong karimaut moa wok painimaut.

Suga o wanem samting?



...Suga em i wanpela bikpela indastri bilong kantri Fiji. Tasol nau ol suga fama long hap bai kisim taim bilong wanem Yuropien Yunion (EU) i lukluk long skelim suga ol i save kisim long Fiji we i mas i stap wankain long mak bilong ol arapela lain suga fama bilong ol yet long Yurop. Dispela nau bai daunim prais bilong suga bilong Fiji na planti suga fama bai kisim taim. **Wantok Niuspepa** i bin go raun lukluk long bikpela suga mil bilong Fiji Sugar Koporesen las wik we ol i soim rot suga i save bihain i go inap em i kamap insait long ol paket na bek na i go long stua. Tupela piksa i soim ol han suga i pulap long ol bikpela kar na i taim i go long pinis we ol i pulamapim i go insait long ol bek. *Stori na ol foto: NEVILLE CHOI*

Sauten Hailans i lukluk long sevis na developmen

Joe Ivaharia i raitim

PROVINSEL gavman bilong Sauten Hailans i wok long lukluk nau long stretim ol rot, helt na edukesen fasiliti insait long provins long stretim gutpela sindaun bilong ol pipel.

Gavana na siaman bilong provinsel eksekutiv kaunsel, Hami Yawari i bin mekim wanpela wok lukluk raun i go long Mendi Jenerel Haus Sik long las Tunde wantaim ol memba bilong Provinsel Eksekutiv Kaunsel, we em i bin givim wanpela sek mari mak olsem K106,703.00 i go long haus sik.

Dispela mani em bilong wanpela projek long kamapim nupela banis bilong haus sik.

Dispela i kamapim bihain long ol wok manmeri wantaim ol bod ov dairekta bilong haus sik i bin mekim wanpela askim i go long provinsel gavman long helpim bilong ol long dispela projek.

Olpele banis bilong haus sik i bin bagarap long taim bilong bikpela trabel we i bin kamap long Mendi taun tupela yia i go pinis na bihainim dispela pait i no bin gat gutpela sekyuriti bilong ol wok manmeri wantaim ol sik lain i kam inap nau.

Long taim bilong sek na ol samting Mista Yawari i bin tok olsem gavman bilong em i wok long kamapim wok bilong helt na edukesen i namba wan tingting na wok bilong em long developim insait long provins

we dispela tupela hap i ken helpim ol pipel long provins.

Long stap lukim dispela bikpela bung sampela bilong ol PEC memba i bin stap namel long ol dokta, nes na ol arapela pablik seven wantaim ol sik manmeri tu.

Bikpela askim long dispela banis projek i bin kam long bod bilong haus sik we long tete mi wantaim PEC i kam long givim sapot i go long yupela na nau yumi i lukim dispela, Mista Yawari i tok.


Long makim maus bilong haus sik, siaman bilong bod, Joe Yasi, i tok ol i bin askim gavana wantaim PEC long helpim ol long sampela moa samting we wanpela bilong dispela em long kamapim banis bilong haus sik.

Em i tok tenkyu na bikpela amamas i go long Mista Yawari na PEC long givim sapot na helpim i kam long haus sik.

Long wankain taim tu Mista Yasi i askim Mista Yawari long sampela hevi bilong ol we em i askim inap provinsel gavman i ken lukluk long dispela askim bilong ol.

Ol askim em, namba wan, inap long gavman i kisim 3-pela moa dokta i kam wok long haus sik long wanem ol i gat 9-pela dokta tasol na i gat spes bilong 3-pela moa.

Namba tu askim i bilong apim pe bilong ol dokta long mekim ol i ken amamas na mekim wok i kamap gut long lukautim ol sik manmeri na pikinini.



Mista Yawari i soim ol fisibiliti stadi plen bilong ol rot projek we bai i kamap insait long provins. Foto: JOE IVAHARIA

Namba tri askim Mista Yasi i bin mekim i bilong stretim na opim Mendi Skul bilong ol Nes we nau i stap nating. Nogat wanpela sumatin na tisa i stap long dispela skul.

Long taim bipo long pait Mendi Skul bilong ol Nes i save kamapim na lainim planti ol nes husat i save kam long Sauten Hailans na tu long olgeta hap bilong kantri long kisim save long dispela skul.

Mista Yawari i bin bekim dispela askim bilong Mista Yasi we em i tok promis long lukluk na stretim dispela ol wari bilong ol dokta na nes bilong haus sik.

"Taim mi stap gavana bai mi mas mekim olgeta wok na projek long laik bilong ol pipel i mas kamap na yupela ol dokta na nes i noken wari tumas bikos askim bilong yupela bai i karim kaikai," em i tok.

Mendi Skul bilong ol Nes bai mi stretim na opim long neks yia 2005 we ol wok redi bilong kisim ol sumatin na tisa i mas stat nau. Dispela em bai siaman bilong edukesen long provinsel gavman bai i go pas wantaim tok stia i kam long provinsel edukesen divisen na tok orait i kam long Dipatmen bilong Edukesen.

Mista Yawari i tok tu olsem helt bilong ol pipel em i wanpela bikpela samting we em wantaim PEC bai i mekim ol wok long stretim ol rurel helt senta na ol haus sik insait long provins na long ol distrik tu.

Bod bilong haus sik i bin makim pinis wanpela lokal kampani, Olpolsi konstraksen Ltd husat i bin winim dispela kontrak long kamapim dispela banis bilong haus sik.

Kampani i bin tok promis long statim na pinisim wok bilong bilong kamapim banis insait long 3-pela wik tasol.

Mista Yawari i wok long laik stretim na kamapim provins bilong em long kam bek stap long we em i bin stap olsem long bipo.

Em i bin mekim dispela toktok long wanpela bung o konferens wantaim ol niusman insait long 'Agiru Senta' bilding long Mendi taun las Tunde.

Mista Yawari i bin tok olsem long taim bilong pait na trabel Mendi taun i bin bagarap tru tasol long nau bihain long em wantaim gavman bilong em i stat mekim wok long klinim taun pies i wok long kamap olsem long taim em i bin stap bipo.

Tasol wanpela bikpela samting we ol i mas mekim nau em bilong lainim na senisim kain tingting na pasin bilong ol pipel long stap wanbel wantaim narapela na i no bilong kros pait na bagarapim ol haus o samting bilong narapela, em i tok.

Mista Yawari i tok tu olsem long taim bipo ol pipel bilong mi yet i bin bagarapim Mendi taun na sapos mipela i wok bung wantaim long stretim ol hevi na kamapim developmen long provins bai i gutpela tru.

Em i bin tok olsem "Mi bai i no inap sindaun na malolo long Pot Mosbi. Mi mas kam long Mendi na stap wokabaut, slip na kirap wantaim ol pipel long harim na lukim ol hevi na wari bilong ol we mi ken skelim wanem kain helpim long givim ol."

Long nau insait long dispela yia na i go long neks yia bai mi kamapim ol bikpela rot projek long ol bikpela rot insait long provins we ol pepa wok bilong mekim fisibiliti o glasim sapos i orait long kamapim stadi i redi pinis na i kisim luksave na tok orait bilong nesenel gavman tu.

Sampela bilong ol rot em long; Kisinapoi i go long lalibu, Mendi /Lai Veli i go long Nipa, lalibu i go long Pangia, Mendi/Munio na Nipa, Poroma i go long Moro na ol arapela rot tu.

Mista Yawari i tok gavman bilong em i bin makim pinis hap helpim mani bilong dispela ol rot projek.

Bikpela hap mani bilong kamapim dispela ol rot projek bai i kam long Esian Developmen Benk (ADB) long stretim ol wok pepa na singaut long ol tenda na kontrak we olgeta wok bai i stap aninit long lukaut bilong Dipatmen bilong Woks na SHP provinsel edministresen.

Mista Yawari i laikim ol arapela memba bilong em long provins i mas kam wok bung wantaim em long givim sapot na helpim long kirapim bek provins na helpim ol pipel bilong ol long painim sindaun we ol i ken stap gut

 TELIKOM PNG LIMITED

Round One: Sunday, September 19, 2004 Sunday

Independence Celebrations

Game	Time	Team 1	Vs	Team 2	Comments
Juniors					
1		Hawks	Vs	Panthers	Winner Plays Tigers for a Grand Final Spot
2		Hunters	Vs	Warriors	Elimination; Winner plays Looser of Game 1
Open					
1		Sharks	Vs	Panthers	Winner Plays Bulldogs for a Grand Final Spot
2		Hunters	Vs	Tigers	Elimination; Winner plays Looser of Game 1
A Grade					
1		Panthers	Vs	Sharks	Winner Plays Hawks for a Grand Final Spot
2		Warriors	Vs	Bulldogs	Elimination; Winner plays Looser of Game 1

Approved by : Alphonse Pu
President, Mt Hagen Rugby League

PORT MORESBY SOCCER ASSOCIATION WEEKEND DRAWS

Saturday 18th September 2004

Time	Division	Fixtures
Bisini One		
08:00	D2	Los Negros vs Souths Utd
09:20	Y1	ANZ University vs Babaka
10:30	D3	Maset vs Korion
11:45	D1	Mungkas vs Souths Utd
13:05	WP	Lamana vs Mirel Momase
14:15	W1	Souths Utd vs PNG Gardener
15:30	Premier	Kurti Andra vs Mirel Momase
Bisini Two		
08:00	Y1	Cosmos vs Rapalona
09:20	P/Reserve	Kurti Andra vs Mirel Momase
10:30	WP	WMI vs PS Rutz
11:45	W1	Naniu vs Sunset
13:05	WP	Souths Utd vs Guria
14:15	Y1	PS Rutz vs Naniu
15:30	Premier	PS Rutz vs Naniu

15:30	P/Reserve	LBC Defence vs Blue Kumuls
Sir John Guise Stadium - Oval Two		
08:00	Y2	Manambu vs Orogen
09:20	D3	Nomads vs DT Rovers
10:30	Y2	Souths Utd vs Sunset
11:45	D2	Telikom vs Jaha
13:05	D2	Fernor vs Badili Utd
14:15	D3	Tarangau vs Mungkas 2
15:30	D3	Momads vs Moonbi

Sunday 19th September 2004

Bisini One		
08:00	Y1	Mirel Momase vs K/Andra
09:20	W1	Murat vs Jaha
10:30	D1	Guria vs Ela Utd DOM
11:45	WP	Cosmos vs Rapalona
13:05	D1	Sunset vs Manambu
14:15	D2	UBOG vs Cellnet
15:30	Premier	ANZ University vs Babaka
Bisini Two		
08:00	D1	Murat vs Bavaroko
09:20	D1	Pom Utd vs Dobo Munka
10:30	W1	LBC Defence vs Tawala
11:45	WP	ANZ University vs Telikom
13:05	Y2	Bavaroko vs Pom School Soccer
14:15	Premier	LBC Defence vs Blue Kumuls
15:30	Premier	Cosmos vs Rapalona
Sir John Guise Stadium - Oval 2		
10:30	P/Reserve	ANZ University vs Babaka
11:45	D3	Tawala vs Los Negros 2
13:05	Y2	Jaha vs Orogen
14:15	Y2	Ela Utd vs Manambu
15:30	D2	Lus Prutz vs PNG Gardener



• Gol suta bilong Paramana, Gewa Raula i hariap pinis long kisim bai long ol pilaia bilong Telstra. Telstra i winim gem. 45-39




• Bois soka eksen long wiken long Bisini.



• Mosbi soka eksen bilong ol meri long Bisini. Klosu bai fainels i kamap.



• Pilaia bilong Harlequins i winim bal long lainaut egensim PRK Wanderers long gren fainel long primia divisen. Harlequins i win.



Storm gem bai laip long Melbourne



Ol manki nogut bilong Storm bai gat sans long soim stail bilong ol long ol sapota bilong ol long Melbourne yet.

GEM BILONG Melbourne Storm egensim Canterbury Bulldogs long dispela wiken bai kamap laip long TV i go long Melbourne.

Dispela bai namba wan taim long dispela yia we ol ragbi lig sapota long Melbourne bai inap

lukim tim bilong ol i pilai laip long TV we Channel Nine bai kamapim.

Storm i kamap long namba tu wiken bilong fainels bihain long ol i daunim Brisbane Broncos 31-14 las wiken long Suncorp Stadium long wanpela gem we i

bin strong nogut tru.

Bulldogs i bin go daun long North Queensland Cowboys.

Wina bilong gem long Sande namel long Storm na Bulldogs bai pilai wantaim Penrith long traim na stap insait long gren fainel.

4-pela Dragon pilaia stap long Kangaroos sait

OL SILEKTA bilong Nesanel Ragbi Lig (NRL) i makim 4-pela pilaia bilong St George Illawarra Dragons long stap insait long Australia Kangaroos

trening skwod, tasol ol i no luksave long tes prop Luke Bailey na Nu Saut Wels senta Mark Gasnier.

Kepten bilong Dragons, Trent Barrett,

senta Matt Cooper, prop Jason Ryles na lok Shaun Timmins i stap pinis long skwod.

Kangaroo skwod husat bai go long Nu Silan, Englan, Frans,

na Yunaited Stets bai klia bihain long gren fainel long NRL.


Bailey i bin makim Australia taim ol i daunim Nu Silan long Anzac tes long dispela yia, tasol em i no pilai 4-pela mun bihain long em i kisim bagarap.

Em i bin pilai strong long las wik Fraide taim ol i bungim Penrith, tasol i no inap long kisim ples long Kangaroo sait.

Gasnier i bin pilai strong tru long Stet ov Orijin namba tri gem tasol em i gat bagarap long kola bun bilong em olsem na em i no pilai.

Barrett, Cooper,

Ryles na Timmins i go bungim Danny Buderus, Ben Kennedy na Matthew Gidley bilong Newcastle na Nathan Hindmarsh bilong Parramatta, na Brett Kimmorley bilong Cronulla long dispela trening skwod we i bai raun na pilai long ol narapela kantri.



Barrett i stap long Kangaroos skwod.

Panthers win wantaim 20-minit trai wara



Panthers amamas bihain long Trent Waterhouse i skorim wanpela trai.

INSAIT long 20 minit tasol long las wiken na Penrith Panthers i soim olsem ol i gat strong long traim kisim bek primiasip kap long dispela yia.

Dispela win taim ol i daunim St George Illawarra las wiken i opim rot bilong ol long go stret long kwolifaing fainel long Penrith Stadium.

Panthers i bin lid 24-0 bihain long 17 minit long fes hap bilong gem tasol.

Long dispela taim inap seken hap ol i kaikai tit na strongim difens bilong ol, maski Dragons i tromoi olgeta samting long ol.

Taim i gat 14 minit tasol i stap yet, prop bilong Dragons i sotim skoa taim em i tromoi bal i go painim Lance Thompson na em i skoa.

Tasol kepten bilong Penrith Craig Gower i kikim wanpela 20 mita fil

gol long namba 77 minit tasol.

Dragons i bekim taim Dean Young i skorim wanpela trai taim em i kisim wanpela pas i kam long Mathew Head, tasol ol i nogat strong long pinisim wok bilong ol na nau ol i lukluk long neks yia.

Panthers i bin winim dispela gem long namba 20 minit bilong gem.

Gower i kontrolim gut gem na bek rowa Trent Waterhouse i wok long brukim difens bilong Dragons.

Panthers i skorim wanpela trai long seken hap taim Kepten bilong Dragons, Trent Barrett i tromoi wanpela pas long Ashton Sims, tasol Preston Campbell bilong Panthers i stilim na ron 90 mita bilong skorim trai.

Gower tasol i bin pilai strong na go pas long Penrith long kirapim ol long strong na winim gem.

Roosters kilim Canberra

TUPELA biknem pilaia bilong Sydney Roosters bai sanap long NRL kot bihain long gem bilong ol egensim Canberra Raiders we ol i bin kilim ol stret 38-12.

Roosters kosa Ricky Stuart i wok long wari long klas hap bek bilong em Brett Finch husat bai sanap long NRL kot bihain long em i apim Canberra ful bek Clinton Schifcofske long het bilong em long namba 16 minit.

Roosters biknem bekrowa Luke Ricketson tu bai sanap long kot bihain long em i pairapim het bilong Raiders risev pilaia Josh Miller long namba 27 minit.

Canberra i bin pilai strong long traim na stap yet insait long

fainels, tasol Roosters i bin strong tumas.

Tasol taim Schifcofske mekim

Ol i no stop long hap. Anthony Minichiello i skorim tupela trai gen long namba 53 minit na Roosters i winim gem.

wanpela profesinol faot na i go long sinbin, paia bilong Raiders i dai.

Bihain long Schifcofske i lusim fil, Roosters winga Chris Walker i raunim difens

bilong Canberra na skoa long namba 35 minit. Tripela minit bihain, senta Justin Hodges i skorim wanpela trai bihain long Finch i mekim wanpela sip kik.

Bihain long ol i holim lid 14-0 long hap taim, Brad Fittler i pinisim namba tri trai bilong Roosters taim Schifcofske i stap long sin bin. Em i salim Finch long skoa long namba 44 minit.

Ol i no stop long hap. Anthony Minichiello i skorim tupela trai gen long namba 53 minit na Roosters i winim gem. Dispela win i givim ol malolo long dispela wiken.

Ol i winim gem taim ful bek bilong Raiders i bin sindaun long sin bin.



Em Tim Bilong Mi

Fainels Wik 2 NRL Dro

Kwalifaing Fainels Wik 2 (Neks Wiken)

Sarere (Septemba 18)
Dairy Farmers Stadium, Townsville - 7.30pm



Brisbane Broncos V North Queensland Cowboys

Sande (Septemba 19)
Aussie Stadium - 3.45pm



Melbourne Storm V Canterbury Bulldogs

Malolo: Sydney City Roosters na Penrith Panthers

Hangamapim But: St George Dragons na Canberra Raiders

Bikpela Kwinslen gem bai kamap long Townsville

TUPELA bia kampani long Australia husat i save putim mari long sapotim Ragbi Lig i bin paitim toktok long Mande long bikpela gem namei long tupela Kwinslen tim insait long fainels resis, North Queensland Cowboys na Brisbane Broncos bai kamap.

Lion Nathan em i kampani husat i save mekim XXXX bia na ol i lukautim Dairy Farmers Stadium long Townsville. Ol i toktok wantaim Carlton United Breweries (CUB) husat i save sponsaim NRL na bihain ol i pasim tok long dispela gem bai kamap long Dairy Farmers Stadium long Townsville bilong

wanem tupela tim wantaim em bilong Kwinslen na dispela em i namba wan fainels sisen bilong North Queensland Cowboys.

Sief Eksekyutiv opisa bilong NRL, David Gallop i tokaut olsem Brisbane Broncos i bin opim rot taim ol i tok ol i no wari sapos gem i kamap long Townsville. Dispela gem em ol i bin makim bai i kamap long Aussie Stadium tasol ol i laik bai ol Kwinslen sapota long Townsville tu i gat sans long lukim tim bilong ol i pilai insait long namba wan fainels bilong em.

Cowboys bai bungim Brisbane Broncos bihain long Roosters i kilim



Townsville em i as ples bilong Gorden Tallis tu long makim pinis ragbi lig pilai bilong em.

Iam bilong Canberra 38-12 na givim sans long Brisbane bilong pilai yet.

Bihain long Cowboys i bin win, olgeta sapota bilong ol long North Queensland i amamas tru taim ol i harim olsem gem wantaim Broncos bai kamap long Townsville.

Tasol Brisbane i wok long traim na painimaut olsem wanem tru na ol i no pilai gut long seken hap egensim Melbourne las wiken.

"Sapos mipela i stap yet, i gat sans yet long winim gren fainel." Paia lait senta bilong Broncos, Brent Tate i tok. "Wanpela samting long dispela klab, em sapos mipela i gat sans yet, mipela bai pilai strong yet."

Brisbane i gat sampela hevi bilong bagarap long senta Shaun Berrigan (sol), lok Tonie Carroll (masol long lek) na Neville Costigan (sol). Olgeta i bin kisim bagarap long gem bilong ol wantaim Storm.

Tate i tok olsem Brisbane i mas strongim difens bilong ol na ol i mas mekim hariap.

"Long stat bilong yia na i go long namei, difens bilong mipela i bin strong tru na mipela i wok long winim planti gem long en.

Sapos mipela i strongim bek difens bilong mipela, em bai isi tru long mipela long skorim ol poin. Dispela em i liklik samting long mipela."

Ol dami hap ron bilong Cowboys i bin kilim stret Bulldogs, na Brisbane bai i mas lukluk long difens bilong ol long dispela hap sapos ol i laikim sans long daunim Cowboys.

Tate i tok Cowboys i no daunim Brisbane long taim tru, tasol nau ol i strong tru bihain long ol i daunim Bulldogs.

Nau ol i muvim gem i go long Townsville, em bai givim sans long Gorden Tallis long pinism gut ragbi lig wok bilong em.

Sief Eksekyutiv bilong Brisbane, Bruno Cullen i tok Townsville em i as ples bilong Tallis, na dispela bai strongim tingting bilong em long pilai strong.



Ol sapota bilong Cowboys bai gat sans long soim strong bilong ol neks wiken.

Ol skoa bilong Fainels Wik 1

Fraide (Septemba 10)
Penrith Panthers - 31
 Ol Trai: Trent Waterhouse 2; Preston Campbell 2; Luke Priddis.
 Ol Gol Kik: Ryan Girdler 5; Craig Gower fil gol

St George Dragons - 30
 Ol Trai: Nathan Blacklock; Ben Hornby; Shaun Timmins; Lance Thompson; Dean Young.
 Ol Gol Kik: Matthew Head 5

Sarere (Septemba 11)
Melbourne Storm - 31
 Ol Trai: Scott Hill; Scott Bell; Matt King; Billy Slater; Matt Orford; Matt Geyer.
 Ol Gol Kik: Matt Orford 3; wanpela fil gol.

Brisbane Broncos - 14
 Ol Trai: Tonie Carroll; Brent Tate.

Ol Gol Kik: Darren Lockyer 3.

North Queensland Cowboys - 30
 Ol Trai: Matt Sing 3; Luke O'Donnell; Matt Bowen.
 Ol Gol Kik: Josh Hannay 5.

Canterbury Bulldogs - 22
 Ol Trai: S Williams; Matt Utai; Ben Harris; Willie Tonga.
 Ol Gol Kik: Hazem El Masri 3.

Sande (Septemba 12)
Sydney City Roosters - 38
 Ol Trai: Anthony Minichiello 2; Craig Fitzgibbon; Chris Walker; Justin Hodges; Brad Fittler; Chris Flannery.
 Ol Gol Kik: Craig Fitzgibbon 5.

Canberra Raiders - 12
 Ol Trai: Nathan Smith; M Chalk.
 Ol Gol Kik: Clinton Schifcofske 2.

Anasta bai kisim taim liklik tasol Sherwin bai stap

PAIA LAIT faivet bilong Bulldogs, Braith Anasta bai kisim taim liklik long dispela wiken i kam long las sans bilong ol egensim Melbourne Storm, tasol Brent Sherwin bai stap.

Ripot bilong dokta long Anasta i kamaut taim kepten Steve Price husat bai sanap long NRL kot bihain long em i tromoi han long fowet Glenn Morrison i soim olsem Bulldogs i pilai 9-pela fainels gem pinis tasol em i winim tupela long ol tasol.

Anasta i bin lusim pilai long fes hap long gem bilong ol egensim North Queensland Cowboys las wiken. Dispela gem ol i lusim nau i makim pilai bilong ol long dispela wiken egensim Storm. Sapos Bulldogs i lus long dispela gem ol bai hangamapim but na wetin neks yia nau.

Johnathan Thurston nau i luk olsem em bai inap long senisim Anasta sapos em i no inap long pilai. Tasol kosa bilong Bulldogs, Steve Folkes inap long kisim Reni Maitua long pilai long faivet tu.

Bulldogs klab dokta boi, Hugh Hazard i tok Anasta bai wet tasol na lukuik sapos em i pilim orait long pilai long wiken.

"Em i kisim liklik bagarap long bun long bros bilong em," Hazard i tok.

"Em i bin brukim bun long bros bilong em tupela yia i go pinis na em i no pilai 4-pela wik. I no bagarap tumas. Ating long sampela de i kam pastaim long wiken na em bai sindaun gut. Nau yet em i pen liklik yet."

Sherwin i bin kisim bagarap long bikpela bun long lek bilong em na i bin lusim pilai taim i gat 10 minit i stap yet las wik. Tasol em i tok em bai fit long pilai long dispela wiken.

"Taim i go klostu long pinis bilong pilai las wiken, em i kisim ol krem o ol masol long lek bilong em i tait. Ating dispela i kamap bilong wanem em i no ron planti long ol wik i go pinis. Tasol em i strong moa long bipo. Em bai orait long pilai."

Price i sanap long NRL kot tasol em i gat gupela nem na bai em i traim abrusim dispela sas.

Price i bin pait wantaim Glenn Morrison bihain long Morrison i bin pusim het bilong em i go insait long graun. Price i belhat long dispela na tupela i pait liklik.

Price yet i tok olsem Morrison i bin het batim em tu taim tupela i sanap klostu na



Anasta.

Kain kaikai bilong kisim long stap strong long laip na spot

Ripota **Paul Zuvani** i lukluk long ol toktok i kam long Dokta Liz Applegate bilong Yunivesiti bilong California, Amerika.

Kaikai

LONG Papua Niugini gaden kaikai olsem taro, banana, yam, tapioka na ol kumu olsem aibika, tulip na narapela gutpela ol kumu em i orait o gutpela tasol long ol spotmanmeri long kaikai.

Long sait bilong abus pis long solwara i gutpela abus bilong kaikai. Pis yet em i gutpela o hetti abus. I nogat fat long em.

Ol frut olsem mango, pawpaw, pineapple na narapela gutpela frut i gutpela tu long kaikai.

Nau yet planti manmeri i laikim na kisim ol kaikai ol i mekim long fektori.

Sapos spotmanmeri i stap long wanpela taun o stap long narapela kantri em i ken kaikai ol kaikai em ol saveman i tok long kaikai long lukautim bodi.

Fruit bagel, bred lo fat mafin

Sapos i gat ol pilai i go moa long tupela aua orait long strongim bodi manmeri i ken kaikai dispela ol kaikai.

Ol drai kaikai olsem yogat, lo fat sis, na kreka.

Abrusim ol dispela kaikai sapos pilai i kamap klostu taim - fat kaikai, ais krim na praims samting.

Ai protin kaikai olsem mit, susu na ol samting i gat mit long en.

Protin o abus

Kaikai abus em i as bilong gro na i stap namba wan long olgeta kaikai. Ol narapela em zink, faiba, vitamin na planti arapela moa samting. Tenpela namba wan samting em Dokta Applegate i tok long em em 1. tuna, 2. Lentils na rais, 3. non-fet yogat, 4. clams, 5. lin bif, 6. skinless kakaruk bres, 7. pinto bins na torillas, 8. Salmon, 9. Dak Turki mit na 10. totu & bek potato.

Vejetebols o grins

Abika, aupa, kapis, sako, brokoli, bins, kepsikum, tomato na planti arapela sior i gutpela. Tasol ol i no ken ol kumu we i bagarapim man.

Fat

Fat i wanpela bikpela samting long laip. Fat i helpim bodi long no ken drai na tu strong long bodi long stap. Tasol em i wanpela samting we man i kaikai bodi bai isi isi tru long kisim i go

insait long sistem bilong em.

Em i ken stap long bodi inap 72 aua o tripela de bipo long bodi i rausim.

Ol kaikai bilong kaikaim bipo long resis

Taim bilong spotman o meri i redi bipo long resis i kamap em long wanpela wik bipo long resis i kamap. Kaikai samting olsem 2500-4000 deili calories. Dispela i givim olsem 450+ grem ol kaboaidrets na 80 grem protin. Taim de bilong resis i kam klostu makim bilong kisim kaikai i mas kamdaun.

Stap insait long ol we yu save kaikai long spot laip bilong yu. Noken harim gris toktok bilong ol man na kisim ol samting we yu no mas kisim. Kaikai 2-4 awa bipo long resis i kamap. Kisim kaikai olsem bagel & jam, banana, spot dring, rais na bek potato.


Pasin bilong kisim bek strong

Taim spotmanmeri i tren na pilai bodi bilong i kisim na lusim planti strong. Na olsem bodi i laikim taim bilong malolo tu.

Ol spotmanmeri husat i no kisim inap kism bek strong i ken painim bagarap isi o i no inap long mekim gut olsem ol i mas mekim.



Evoto Agi Kasa bilong Okapa, Isten Hailans i salim aibika bilong em. Foto: PAUL ZUVANI



Dispela ol masol man em ol i save tok i save bihainim tok long kaikai gutpela kaikai long kisim kain bobi. Ol i bilong Goroka Masol tim. FAIL POTO

Long dispela as ol i mas kaikai inap na kisim inap taim bilong malolo.

Lusim planti tuhat

Planti ol ekseais na pilai i save mekim ol manmeri i lusim planti tuhat.

Ol smat spotmanmeri i save kisim kaikai long was long ol na i save larim inap taim bilong ol long malolo.

Aian

Planti ol spotmanmeri inap lusim aian long bodi bilong ol long taim bilong tren na pilai. Dispela em long wanem ol i no save kisim inap ol samting we bai sapotim aian. Ol spotmeri husat i stapim ol kaikai long lusim hevi bilong ol i ken lusim aian tu.

Kaikai liklik na kisim sampela dring i gutpela long strongim spotman na meri i go moa yet.

Taim bilong kisim malolo o slip

Spotmanmeri husat i no kisim malolo long dispela nait bipo long ol go resis i ken mekim em i skin indai long pilai spot.

Slip em i gutpela long spotmanmeri wanem em i taim bodi i gro na rop bilong bodi i traim long kamap orait bihain bodi i yusim em.

Ol krismas na ol awa em ol manmeri i mas kisim long malolo: nain (9) yia manki em 10 ¼ awa silip, 10-11 yia krismas i mas kisim 9 ¾ silip, 12 yia krismas 9 ¼ silip, 13 + yrs 9 na 16-20 yia krismas em 8-9 awa.

Tumas trening

Tumas trening i ken mekim bodi i

pilim les. Dispela i ken soim tu olsem bodi i no bin kisim inap taim bilong kisim bek strong.

Planti taim ol trening progrem bilong ol spot i planti tumas we i lukim bodi i no inap long kisim olgeta na olsem em i sot long go moa yet.

Taim yu pilim olsem bodi bilong yu i pilim les sekim blut reit bilong yu long taim yu kirap long bet. Sapos yu pilim olsem blut bilong yu pam planti orait yu mas givim bodi bilong yu taim bilong malolo.

Ol rong samting long kisim long strongim bodi

Wankain olsem olgeta manmeri i save mekim long wanwan de ol spotmanmeri i ken abrus long kisim ol samting we ol i no mas kisim.

Ol kain samting olsem kaikai planti, i no kaikai planti na laik kaikaim kaikai yu laik tasol na i no ol arapela kaikai. Dispela em Dokta Applegate i tok i ken givim hevi long spotmanmeri.

Ol pikinini i mas kaikaim moa ol kankain, gutpela kaikai. Dispela em long gro bilong ol, long ol i ken kisim strong long lainim ol samting na pilai na sapos ol i kamap gutpela dispela bai i helpim ol long i gat strongpela bodi bihain.

Stadi i soim olsem ol man i ken gro moa yet taim i kisim 20 krismas na ol meri i kamapim get yet taim ol i kisim 20 krismas.

Strongim i save kam long kaikai. Na sapos manmeri i no kisim kaikai orait bodi i nogat strong long mekim wok. Abus tu i save givim strong tu. Sapos i nogat inap kaikai orait manmeri i mas kisim abus o sampela fet long givim ol strong.

Olgeta manmeri i mas kaikai long stap laip. Sapos nogat bai laip i lus. 4-10 yia krismas i nidim inap kaikai long stap.

Sapos nogat ol bai i no inap kamap gut.

Bigmanmeri i orait em i ken strongim skin inap long taim sapos kaikai i kamap o i redi. Bodi i mas i gat kaikai na abus long taim bilong gro na long taim bilong sikmun.



Kisim kain kaikai bai i helpim yu long stap strong na laip na mekim wok o pilai. Dispela poto i soim Kems Galina na pikinini bilong em Lucy bilong Rigo salim kaukau na banana long Waigani Gaden Hill maket. Foto: PAUL ZUVANI

Australia givim K36,000 helpim long PNG spots

Paul Zuvani i raitim

GAVMAN bilong Australia aninit long Australia-Saut Pasifik Spots Program 2006 (ASP2006) i givim PNG Spot Developmen Yunit K36,000 (AUS\$16,100) ol spot saiens na testing ikuipmen tas wik.

Dispela ol ikuipmen em lap-top kompyuta, spid lait taiming sistem, vetikol jamp kit, hat reit monita (masin bilong skelimi pam bilong lewa), sit 'n' rits oks, skin-fold skaptila na sampela ol buk.

Dispela helpim i kam bihain long wanpela wok painimaut bilong Australia-Saut Pasifik Spot Program komiti long 2003 we i tokaut long ol spot samting we ol Saut Pasifik Ailan kantri i laikim long en.

PNG i kisim dispela ol samting bihain long askim em i mekim.

Dispela wok painimaut em ol i kolim Pasifik Spoting Nids Asemen em Minista bilong Foren Afeas bilong Australia, Alexander Downer, i lonsim las mun.

PNG i laik developim samting we i gutpela long givim sevis long planti ol kain etlit, ol kosa na Spot Developmen Yunit (SDU) em samting ol i laikim.

SDU em i stat bilong spot saiens na etlit testing/monitar- ing fesiliti we bai givim sevis long ol etlit na ol kosa long



Freeman i makim PNG Olympic rana Mae Koime wantaim skin folda skaptila.

olgeta taim long yia.

Long taim bilong givim dispela ol ikuipmen, Louise Freeman, husat i makim Hai Komisen bilong Australia long PNG, i tok kain helpim i kamap bihain long Pasifik Ailan Forum bung long 2003 we Prais Minista bilong Australia, John Howard, i tokaut long Australia bai helpim ol Pasifik ailan kantri long spot long redim ol yet long 2006 Komenwelt Gems long Melbourne, Australia.

"Helpim bilong spot saiens na testing ikuipmen (i go long PNG) i kamap long rait taim bihain long PNG Olimpik Tim i mekim gut long ol pilai.

"Ol namba wan pilai bilong PNG i soim pinis olsem ol i inap kamapim ol gutpela pilai na em i biip bilong mipela olgeta olsem spot saiens na testing ikuipmen bai i strongim yet dispela gutpela mak ol pilai bilong mipela i kamapim," Freeman i tok.

Long makim maus bilong

Papua Niugini Spoting Federesen (PNGSF), Presiden Sir Henry ToRobert i tok tenkyu long Australia long givim dispela ol samting.

"Dispela ol samting em yupela i givim mipela i kam long taim we mipela i nidim tru na i kos bikipela mani tu.

"Long kain helpim yupela i givim long mipela, mipela i no inap tingting tumas long winim gol tasol mipela i mas kamapim ol gutpela pilai," Sir Henry i tok.

Harlequins winim namba 10 primiasip

Andrew Molen i raitim

HARLEQUINS i soim ol manmeri bilong Pot Mosbi olsem ol i wanpela strongpela tim tru taim ol i givim PRK Wanderers 31-15 long kisim namba 10 ragbi yunion primiasip taitel bilong ol.

"Em i gutpela tru long winim gren fainel," kepten na fowet bilong Harlequins, Carl Hoot i tok.

Em i tok bikipela tenkyu bilong em na tim i go long ol sapota, ol sponsa na ol manmeri husat i go lukim gem.

"Em long sapot bilong ol pipel na mipela i save pilai strong.

"Taim mipela puim dispela yunifom em mipela i save amamas tru olsem dispela

em i tim bilong mipela na mipela i amamas long kamap olsem nambawan tim insait long dispela kompetisen ken," Hoot i tok.

Bihain long tupela trai bilong Harlequins na ol kik bilong skram hap Jack Maraha i opim dua bilong ol pons na wantaim ol kik bilong Maraha i kisim skoa bilong ol i go 13 pons na tupela bekim bilong Wanderers i mekim skoa i sanap olsem 13-10.

Stail trai bilong nupela huka bilong Wanderers Ben Kote i kam taim Wanderers i tromoi bal i go i kam tasol ol i tromoi kranki na Kote i mekim wanpela intasep na ron 50 mita i go putim trai aninit long pos we kik bilong Maraha i mekim

skoa i kamap 20-10 long hap-taim.

"Em i gutpela tru long lukim wanpela fran ro fowet i kisim bal na ron longpela hap olsem i go skoa," kosa bilong Harlequins Kevin Rooney i tok.

Ol Harlequins i pairap fes long seken hap taim winga Otto Livua kisim bal na brukim difens bilong Wanderers winga David Eri long skoa long kona tasol Maraha i no kisim tu pons we i bringim skoa olsem 25-10.

Wanderers i soim tu olsem ol i no kamap nating long fainel na ol i no giv ap yet taim ful bek Paul Pomoso i giaman long tromoi bal o dami na i go silip long trai tain tasol kik bilong senta David Camillus i abrus na skoa i stap olsem 25-15 tasol.

Maraha i kism tupela moa penetti kik long surikim skoa i go 31-15 na tu long givim ol namba 10 taitel bilong ol.

Hoot i tok plen bilong ol long statim gut gem na kisim pons pas i kamap na dispela i helpim ol.

"Mipela i wok hat long trening na i gutpela long lukim olgeta hatwok i karim kaikai.

"Mipela i nupela tim na mipela i amamas olsem dispela em i namba wan taim bilong mipela long kamap long gren fainel tasol eksperiens bilong Harlequins i antap moa na ol i soim olsem ol i nambawan primia tim wantaim win bilong ol tude.

"Mipela i gat ol yangpela strongpela pilai na bai mipela lukluk long strongim gen neks yia," kosa bilong Wanderers, Sailosi Druma i tok.

Long wankain taim Rooney i tok amamas bilong em i go long ol longtaim pilai bilong em olsem lan Liveras na lan Lekiek na tu long kepten Carl Hoot.

"Em i wanpela gutpela lida na em i kisim tim i kam na winim fainel na mi amamas long em na tim," Rooney i tok long Hoot.



Kepten Hoot i apim tropi bihain long win bilong ol. Foto: JOE IVAHARIA

PRL kompetisen i go insait long fainels

Joe Ivaharia i raitim

PLANTI bilong ol ragbi lig kompetisen insait long kantri i wok long pilai ol fas kompetisen gem bilong ol na taim bilong pilai ol fainels i kam kiostu nau.

Pot Mosbi Ragbi Lig (PRL) tu i wok long go insait long ol semi-fainel gem bilong en we i lukim Millenium Brothers i kamap maina primia long pinis bilong kompetisen tupela wik i go pinis.

Long pinis bilong kompetisen 6-pela tim tasol i bin kwalifai long pilai insait long fainels. Ol tim em Brothers, Waliya, Souths, Dobo Warriors, Kone Tigers na Tarangau.

Long wik i go pinis Tarangau i bin hangamapim buts bilong ol taim ol i lus long Kone Tigers na Dobo Warriors i lus long Souths.

Na long ol gem fas wiken, long meja semi fainel PRK Souths i bin winim Post PNG Waliya 20 - 16 long go insait long kwalifaing fainel.

Dispela gem i bin wanpela strongpela gem tru we i lukim ol boi Souths wantaim ful skwat bilong ol olsem Joseph Omai, John Pandia, James Yaki, David Kaiabe, Nelson Wanga, Paul Bradshaw na Samuel Nap i bin stap long kamapim dispela win wantaim helpim tu i kam long ol arapela pilai.

Waliya i bin gat sans tu long win tasol ol yet i bagarapim dispela sans bilong ol.

Sampela pilai bilong ol olsem faivet Stanley Hondina na tupela Sibiyi brata Ricky na Dickson i no bin stap. Ol i bin go pilai wantaim Sauten Jon tim long Nesenel Jon Sempionsip we i bin kamap long Lae.

Tasol dispela i no min olsem tripela pilai i no stap na ol i lus. Waliya tu i bin gat ol pilai olsem Andrew Andiki, Joshua Lapa, Westley Jeffery, Joe Sit, Billy Yaki na John Wamaro long traim kamapim win bilong ol tasol i no inap.

Long eliminesen fainel Kone Tigers na Dobo Warriors i bin skelim ol yet long lukim husat bai i go aut long kompetisen.

Tupela tim wantaim i bin strong tumas olsem na long ful taim bilong gem ol i bin stap level long skoa 10 -10. Long nau tupela tim i bin laik pilaim narapela 20 minits long ekstra taim tasol tripela minit insait long fes 10-pela minit tupela tim i kamapim wanpela askim long disisen bilong refri Peter Kora we ol i no bin wanbel long disisen bilong em.

Dispela pilai tu i bin stat leit na gem i go long nait taim we tupela tim i bin pilai aninit long ol lait.

Dispela i mekim refri Kora i rausim pilai we bai ol eksekutiv bilong tupela klap na PRL Mes Komisin bai lukluk long stretim namei long dispela wik.

Long pilai bilong fainels dispela wiken Millenium Brothers bai bungim Post PNG Waliya na PRK Souths bai pilaim wina bilong pilai namei long Kone Tigers na Dobo Warriors.

Telstars kamap kwin

Joe Ivaharia i raitim

ESCO Telstars netball klap i winim gen namba 29 netbal taitel bilong en las Sarere taim ol i autim wan birua bilong en Monier Paramana 45-39 long gren fainel bilong Pot Mosbi Netbol kompetisen.

Dispela win bilong ol i makim gutpela ron bilong ol long taim kompetisen i stat i kam long grenfainel we i no bin gat wanpela lus long rekot bilong ol.

Tasol dispela win long gren fainel i no bin isi bilong

wanem Paramana tu i bin laik rausim ol we insait long fes kota Paramana i go pas long skoa 8-7 we ol pilai bilong ol olsem Geua Raula, Renagi Dringo, Kule Iamo, Vavine Iamo, Rakara Raula na Susan Rakara i strongim sait bilong ol long pasim Telstars.


Long hap taim

Paramana i bin go pas 19-17 long skoa tasol bihain taim ol Telstars i kam insait ol pilai bilong ol olsem Mona-Lisa Leka, Mimi Ori, Gamini Koroka, Emily Maha, Jacklyn Niblet, Lydia Veali na Raka Nope i kamautim pilai stail bilong ol na kamapim gutpela difens long pasim gut tru ol Paramana.


Mekim na bihain long namba tri kota Telstars i putim moa long 14 gol na abrusim Paramana na go pas 31-24 long skoa bod i go insait long fainel kwata.

Paramana i pait bek long daunim dispela skoa bilong Telstars tasol i no inap long wanem taim tu i sot na long ful taim Telstars i win 45-39 long kisim 2004 taitel.

Dispela i bin wanpela gutpela gem we i lukim ol stail pilai i kamap.



WANTOK Spots



18 asosiesen bai salens long PNG Volibal Sempionsip

Paul Zuvani i raitim

PAPUA Niugini Volibal Federesen bai holim sempionsip bilong em long Pot Mosbi long Independens wiken, Septemba 16-19.

Na presiden Reatau Rau i tok 18 asosiesen i baim pinis fi bilong ol long kamap long dispela sempionsip.

Dispela ol asosiesen em Kauka Volibal Asosiesen (NCD) husat bai kamap wantaim tupela man na meri tim, Inauaia Roosters Volibal (Mekeo- Sentral provins) bai kamap wantaim wanpela man na meri tim, Fairfax Volibal Asosiesen (NCD) bai kamap wantaim tupela man na meri tim, Taikone (NCD) bai kamap wantaim tupela man na meri tim, MARE Volibal Asosiesen (Morobe) bai kamap wantaim wanpela man na meri tim, Inauabui- St Francis (Mekeo- Sentral) bai kamap wantaim wanpela man na meri tim, na Lowa Sogeri Volibal Asosiesen (Sentral) Madang, Kimbe, Wewak na Inawi (Mekeo Sentral provins) olgeta bai kamap wantaim man na meri tim.

Tabubil Volibal Asosiesen (Westen provins) husat i redi long kamap wantaim wanpela man na meri tim bai i no inap kamap long wanem Fly River i drai na olsem tim i no inap ron long sip i kam daun long wara.

Ol asosiesen husat i redi na soim laik long kamap tasol i no baim yet afiliesen fi na nominesen na pilaia registresen fi em Nesenel Kapitol Distrik Volibal

Asosiesen (NCD), Vabukori (NCD), Huon Galf (Morobe) na Markham (Morobe).

Rau i tok wari olsem Huon Galp Asosiesen husat i save kamap gut ol pilai bai i no kamap long dispela sempionsip. Em i tok ol i no givim gutpela toktok long wanem as ol i no inap kamap.

Nau yet Taikone i holim taitol bilong ol man na Fairfax i holim bilong ol meri.

Afiliesen fi em K500 long wanpela asosiesen, tonamen fi long wanpela tim em K100 na K1 em pilaia na opisa registresen fi.

Rau i tok long afiliesen olgeta asosiesen i mas baim fi bilong olgeta lainmanmeri bilong ol husat i stap long dispela asosiesen na i no long ol lain husat i kamap tasol long sempionsip.

Ol i mas baim fi i go insait long akaun bilong PNG Volibal Federesen ANZ Benk, Waigani Brens na akaun namba em 11864492 na makim asosiesen bilong yu olsem yu baim. Bihain feksim deposit slip i go long Eddie Sinai long feks namba 320 1908.

Anuel jenerol miting bilong PNGVF bai kamap long tomoro, Septemba 15.

Na bai i gat fanresing dens bilong dispela tim husat i win na bai go long 2005 Arafura Gems long Darwin, Australia.

Ol tim husat i painim ples bilong silip o long wokabout i mas ringim Leo Vincent Hicks long telepon namba 325 3999.



HETWIN!!....
Hap-bek bilong Sydney City Roosters Brad Finch i mekim takol nogut long fulbek bilong Canberra Raiders Clinton Schifcofske. Roosters "kilim" Raiders 38-12. Roosters i stap yet long namba wan ples.

Sauten Zon i sempion bilong PNGRFL SP Zon salens

Joe Ivaharia i raitim

SAUTEN Jon i bin winim bek gen nesenel SP ragbi lig jon sempionsip taim ol i autim Hailens jon 22-4 long fainel we pilai i bin kamap long Lae las wiken.

Wantaim dispela win ol i winim SP Sil na prais mani mak olsem K4000 long karim i kam long Pot Mosbi.

Pilai i bin kamap insait long ren we pilai graun tu i bin bagarap tasol Sauten jon i no bin wari liklik long dispela long kamapim win bilong ol.

Wantaim gutpela na strongpela difens bilong ol boi Sauten i pilai gut bal we ol Hailans i no inap long stapim ol.

Kepten na lok fowet Andrew Norman husat i kisim pilaia bilong gem awot i

bin go pas wantaim helpim i kam long ol fowet olsem Kawage Gagma, Alex Haija, Momoa Nuana, Johnson Kiuke na long ol beks em Stanley Hondina, Geno Kirma, Dickson Sibiya wantaim Charlie Wabo.

Sauten i bin go pas 10-0 long fes hap bihain long Stanley Hondina i putim tupela trai na kikim wanpela konvesen igo insait long hap taim.

Ol Hailens tu i traim bes bilong ol wantaim ol pilaia olsem George Baker, Nime Kapo, Manjie Yere, David Rombuk na Peter Danga tasol bilong wanem ples i bin wet na bal tu i stap wet tu we planti liklik mistek i wok long kamap long insait long ol takol.

Ol i bin putim wanpela trai i kam long winga Rombuk bihain long seken hap

long mekim skoa i sanap long 10-4 tasol ol boi Sauten i bekim wantaim tupela moa trai long pasim Hailens na apim SP sil.

Hailens i kisim rana-ap sek mani mak olsem K2500 na Noten jon i bin winim namba tri ples taim ol i autim Ailans jon 16-14.

Bihainim pinis bilong dispela tonamen ol nesenel selektas wantaim PNG Kumul kosa Bob Burnett bai i makim Kumul tim long pilai egensim Australia Kangaroos long Townsville, Cairns long neks mun Oktoba.

Wankain taim tu bai ol i makim Presiden 13 tim long pilaim Australia Junia Kangaroos long mun Oktoba tu long Mosbi o Lae we ples we PNGRFL bai i tokaut bihain.